


SSH  
Current  
Shelves  
DU  
740  
A2  
W3  
v. 1740

Wantok (Boroko, Papua New  
Guinea)  
SSH Current Shelves  
UC San Diego  
Received on: 12-19-07

# WANTOK



Namba 1740  
Wan Wik, Novemba, 29 - Disemba 5, 2007  
**Niuspepa Bilong Yumi Ol PNG Stret!** **K1 tasol long olgeta hap**

 Intanesenel Wol AIDS De  
Desemba 1, 2007 na  
20 krismas wantaim HIV  
Saplimen i stap insait...

Oro bagarap i  
kisim halivim -  
Pes 2




## Oro kisim halivim...

**KARIM KAIKAI:**  
Ol meri i karim ol bokis tin mit na bek rais long  
wanpela Royal Australia Efos Karibau trenspot  
balus long ples Itokama long Oro provins long  
Tunde dispela wik.  
Aninit long Operesen PNG Assist, Australia i laik  
karim ol kaikai na ol arapela saplai na kago i go  
insait long ol bus ples long provins wa ol long  
namba bilong ol manmeri i dai long dispela birua i  
abusim mak bilong 200. (AAP Poto/Lloyd Jones)

**Digicel  
Troli  
Resis!  
Lukim  
long  
EMTV**

Lukim EMTV nau  
nait long 7-kilok  
na bai yu lukim  
wanem samtin  
kamap long  
nambawan  
Digicel krismas  
troli resis.

Olsem na hariap na baim  
Digicel mobail fon bilong  
yu dispela wik na stap  
insait long dro bilong  
Namba 2 Digicel Krismas  
Troli Resis!

# Gavman givim pawa

**PNG Difens  
Fos kenol Oala  
Vagi i gat pawa  
long lukautim  
Oro Stet Ov  
Imejensi...**

**Paul Zuvani i raitim**  
**PALAMEN** aste  
namel long ol tripela  
Bil em i vot long em  
em i vot tu long givim  
pawa long Oro Stet ov  
Imejensi Kontrola long  
em i mekim gut wok  
bilong em.

Dispela Bil nau i  
mekim Kontrola Vagi  
Oala husat i ami kenol  
long PNG Difens Fos  
long em bai i no ken pret  
o gat planti tingting taim  
em i karim aut wok  
bilong em.  
**Moa stori long  
pes 3**



**Promotim Seif na Strongpela Sosaiti bilong yumi olgeta!**




Brian Bell Kampani igat ol kain kain masin blong wok didiman long Papua Niugini.  
Mipela igat fetilaisa marasin tu na ol seeds blong ol kaikai na kumu long gaden  
olsem kebis, letis, anian, brocoli, tomato na planti arapela moa.

Brian Bell Kampani luksave olsem wok didiman em bun blong ol bikipela lain pipol  
long asples PNG. Mipela helpim na strongim dispela wok didiman longpela taim  
tru ikam inap nau tu.


Mipla sapotim wok didiman  
long Papua Niugini long gro  
bikipela



PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918  
GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg







HELPIM LONG BIRUA

**BRINGIM AMAMAS:** Taim sindaun i bagarap, pasin bilong amamas em i bikpela samting. Australia Nevi Dokta Jarrod Vowell (long fran) i wok tilim ol loli long ol pikinini long Itokama viles long Oro Provins dispela wik Tunde.

Dispela soldia wantaim ol arapela i stap long Oro aninit long Australia Difens Fos Operesen PNG Assist. Bikpela wok bilong dispela operesen em long karim kaikai na ol arapela saplai olsem marasin na klos i go long ol ples manmeri i stap turangu insait long provins we traipela ren i bagarapim ol. Namba bilong ol manmeri i lusim laip pinis long dispela bagarap em ol i tok bai abrusim mak bilong 200.

(AAP IMAGE/LLOYD JONES)

## NASFUND wokbung wantaim Telikom long Oro Provins

Paul Zuvani i raitim

LONG dispela wik NASFUND i bin lonsim apil long Helpim Wantok Disasta Apil long kamapim mani bilong helpim ol pipel bilong Oro.

Dispela apil bai i stap inap long tripela wik na Fan bai stap olsem opis we husat manmeri i laik givim helpim i ken go long ol na givim helpim bilong ol.

Sif Eksekutyutiv opisa bilong NASFUND lan Tarutia i tok bihain long ol bungim olgeta mani na wanem samting ol i kisim ol bai givim dispela i go long helpim ol pipel bilong Oro.

Em i tok i nogat bikpela hevi long sait bilong etministresen long kisim na lukautim dispela ol mani na ol arapela samting em ol manmeri i givim.

Em i tok ol kain helpim olsem Tolfre namba em Telikom PNG i givim, edvetasing spes em Prin Midia i givim, redio stesin, fri akaunting sevis bai kamap tu na ol arapela kain helpim.

Dispela Fan em bai kik ov wantaim helpim i kam long publik na kopret donesen.

"Wok bilong bungim dispela ol mani em bilong kisim mani long ol hap we mipela i makim long kisim," Mista Tarutia i tok.

Em i tok bihain long dispela ol bai bungim dispela ol helpim na givim i go aut long husat komiti i go pas long givim helpim i go long pipel.

"Em i bikpela samting olsem wanpela komiti bilong Gavman i go pas long dispela wantaim gutpela na stretpela rot.

"Em i mas wanpela Gavman Komiti we publik i gat bilip long em na olsem ol i manmeri o ol bisnis haus i givim samting wantaim tras na bilip.

Dispela Gavman bodi em Sir Rabbie Namalu bai siaman long em.

Em i tok Sir Rabbie i bipo Praim Minista na i wanpela man husat i gat gutpela rekot long Papua Niugini na long ovasis tu em i inap long lukautim na ronim ol publik samting.

Sapos husat manmeri o kampani i laik givim helpim i ken toksave long dispela ol lain man: Eksekutyutiv Dairekta Anthony Smare (6837531, imel-asmare@barrick.com), Michaelyn lewago (674 4630, imel-miewago@kh.com.pg), PNG Halvim Wantok Disasta 24 aua Tol-Fri namba 18003999 o sapos yu laik dpositim mani orait putimlong ANZ Beng, akaun nem-PriceWaterHouseCoopers- Halvim Wantok Disaster Appeal long akaun namba 12916791.

Long wankain taim ol manmeri husat i kisim bagarap long hevi bilong raun win (saiklon) Guba long Oro provins nau i wok long stat long kisim helpim.

Long dispela wik ol i kisim olsem 27 tan helpim i kamap long Gavman bilong Australia.

Long sapotim wok bilong Papua Niugini Disasta Senta, Australia ovasis eid ejensi- AusAID, Australia Difens Fos, Anglikan Sios na nongavman organaisesen (NGOs) i bin karimaut sampela hevi long provins na bai givim helpim long liklik taim nau.

Australia Gavman i givim pinis AUS\$1 milien (K2.5 milien) long helpim PNG wantaim faiv tan Australia rilif saplai we ol i kamap long las wik.

Dispela helpim i kam long mak bilong ol kaikai, wara, tarpaulins, jenetera, blenket na wara purifikesen teblet.

K1.5 milien em Australia Gavman i givim long ol NGOs husat em i gat bilip bai givim dispela helpim gut long ol pipel husat i kisim bagarap.

## Raikos klostu bai i gat memba

Mina Evara i raitim

KAUNIM long Raikos bai ileksen i wok long kam long arere bilong em nau na klostu bai ol pipel bilong dispela ilektoret i luksave long husat em nupela memba bilong ol.

Kaunim bilong ol praimer vot i bin pinis long Tunde nait bihain long ol poling opisel, husat i bin straik bihain long ol i no bin kisim ol alawens bilong ol, i bin wanbel long go bek long wok maski ilektoret Komisin i no baim ol.

Kaunim bilong ol praimer vot i bin kirap long kaun namba 29 long belo taim long Tunde na i bin pinis long biknait na eliminesen bilong ol kandidate i bin go het long Trinde moning.

Bihain long namba 11 eliminesen long 2 kilok apinun kandidate 15 Jim Namora i bin go aut long dispela resis bilong sia bilong Raikos open na ol i bin tilim ol vot bilong em namel long ol 10-pela arapela kandidate i stap yet.

Dispela i bin lukim na kisim mak olsem 12-pela vot na surikim namba bilong em i go 5, 712. Ron bihain long en, em Nu Jeneresen kandidate Henry Bayema wantaim 2, 929 na long namba 3 posisen em Pipels Eksen Pati kandidate Bob Bopiang Kawop wantaim 2, 379 vot.

Dispela ileksen em bin narakain bikos i bin lukim ilektoret Komisin i traim dispela ilektronik kaunim sistem.

We i lukim ol i kaunim ol vot wantaim helpim bilong kompyuta masin we i mekim hariap liklik.

**Kiap Niuro Toko Sapia husat em wanpela independen kandidate na i stap namba wan yet...**

## PUBLIC NOTICE

Air Niugini wishes to advise the traveling public that the airline will reserve the right to deny boarding to any passenger found to be intoxicated in accordance to the rules quoted below.

### Civil Aviation Rule Part 121.77 (2)

#### Quote

*"Any passenger who appears to be under the influence of alcohol or drugs or exhibit behavioural characteristics, to the extent where the safety of the aeroplane or its occupants is likely to be endangered is refused embarkation or, where appropriate, removed from the aeroplane....."*

Air Niugini would like to remind its valued customers of the above as we near school holidays and the festive season.

Thank you for your co-operation and understanding.

Air Niugini Management

 **Air Niugini**  
www.airniugini.com.pg



Oro SoE Kontrola  
kisim pawa

...i kam long pes 1

Ol arapela kantri tu olsem Australia, Nu Silan na Saipan i wok long givim helpim long sait bilong kaikai, wara, marasin na klos long ol pipel bilong Oro.

Long dispela wik Tunde Australia Hai Komisina Chris Moraitis na AusAid hetmeri long kantri Margaret Thomas i raun wantaim Dem Carol Kidu long Australia Ami Balus we ol i go long Oro na lukim bagarap i kamap na helpim em ol pipel i laikim.

Long toktok bilong em bihain long dispela raun Dem Carol i tok PNG i mas gat liklik ami balus bilong em long em i ken hariap long ol bagarap ples na givim helpim.

Em i tok em i laki long go long ami balus bilong Australia na bilip PNG tu i mas gat kain balus tu long givim helpim long taim bagarap i kamap.

Em i mekim dispela tok long taim bilong Palamen Kibung long aste.

Australia Hai Komisina Moraitis i tok nau yet Australia i tok long givim AUS\$1 milien (K2.5 milien) long helpim PNG Gavman long karim aut helpim wok bilong em long ol pipel i kisim bagarap.

"Long dispela mani Australia i givim pinis Aus\$500,000 (K1.2 milien) i go long ol NGO grup," Mista Moraitis i tok.

Em i tok i gat tripela hap bilong givim strong na kamapim gen ol pipel bilong Oro.

"Namba wan hap em givim helpim, namba tu hap em sastein steig long lukim ol pipel inap long stap strong na namba tri hap em long lukim ol i kirapim bek laip bilong ol olsem wok gaden, haus, gat rot, bris, wok bisnis na ol arapela samting," em i tok.

Narapela tupela Bil em Palamen i pasim em Oil na Ges (Amenmen) Bil 2007 na Forestri (Amenmen) Bil, 2007.

Long Oil na Ges Bil dispela Bil long seksen 43(b), 44(2) na 45 long Prinsipel Ekt long klos 1, 2 na 3 long Bil i tok long daunim taim bilong namba tu ekstensen long Petroleum Ritensen Laisens long faipela yia i go daun long wanpela yia na rinium bihain long 12-pela mun.

Fes ekstensen bilong faipela yia i stap olsem tasol.

Dispela senis long bil i no rausim ol rait bilong Petroleum Ritensen Laisens holda bilong nau.

# Tok lukaut long piul saplai hevi no nupela samting: NRI

NESENEL Risets Institut o NRI em ol lain husat i save glasim na mekim wok painimaut long olgeta gutpela rot bilong gavman i ken lukautim kantri i tok olsem em i bin tokaut pinis long hevi bai kamap sapos i gat wanpela kampani tasol i bosim piul saplai bilong kantri.

Wanpela hap toktok i kam long NRI long bekim hevi nau i stap namel long gavman na wel kampani InterOil i tok olsem NRI i bin luksave olsem bai gat hevi i kamap yet sapos gavman i bin go het na tok oraitim InterOil olsem wanpela kampani tasol i gat tripela ten krismas rait long salim piul.

"Nesanel Risets Institut i bin luksave long dispela hevi bai kamap na mipela i bin tok lukaut long ICCC long 2006. Tasol ICCC i bin bekim na tok olsem em i no wanpela samting. Nau nius ripot ya i soim klia ol tok lukaut mipela

i bin givim bipo," hap toktok long NRI i tok.

NRI i tok olsem gavman i bin sainim kontrak wantaim InterOil Ltd bai em i kamap wanpela kampani tasol i ken saplaim piul na oil inap long tripela ten krismas olgeta. Long wankain taim ol i bin tok wanbel long wanpela rot bilong makim ol prais.

"Dispela tupela tok wanbel i agensim tru spirit bilong kompetisen o wok bisnis olsem ol i makim insait long ICCC Ekt o lo.

"Tru tumas, long dispela as tasol, ICCC i bin abrus taim em i no bin tok klia long gavman long senisim dispela tok wanbel na rausim baim bilong BP (PNG) Ltd na Shell (PNG) las yia," NRI i tok.

NRI i bin autim tingting bilong em olsem InterOil i ken stat long makim ol prais bilong em yet na mekim planti moa mani. Dispela kain

pasin i ken givim moa hevi long ol lain i save baim na yusim piul.

Ol i tok piul maket em i no wanpela samting i kam long graun yet olsem wara na pawa, olsem na gavman i mas strongim wok resis namel long ol bisnis insait long kantri.

NRI i tok olsem i no gutpela we InterOil i no mekim gut wok bisnis bilong em bikos em i laik givim hevi long kantri long dispela taim we planti wok helpim i wok ron long piul bilong balus na sip tasol.

Long dispela as, NRI i tok olsem gavman i mas lukluk long senisim dispela tok wanbel em i mekim wantaim InterOil na gavman aninit long stia bilong ICCC i mas painim rot bilong mekim piul indastri i mas gat moa wok resis insait long em.

## 2008 Mani Plen givim hop Mani Plen givim pawa: Polye

MANI Plen bilong 2008 i samting we i opim dua bilong ol gutpela samting bilong Papua Niugini.

Em i bringim kantri i kamaut long ol solwara nogut na i go insait long ol gutpela taim we i gat bilip, hop na laik bilong stap strong i stap.

Minista bilong Plening na Memba bilong Pomio Paul Tiensten i tok long taim em i bekim na amamas long 2008 Mani Plen em Minista bilong Tresari na Fainen Patrick Pruaitch i tokaut long em long las wik.

"Maski long ol tok nogut em ol manmeri husat i sutim pinga long Gavman i tok long em, Papua Niugini i stap strong yet," Minista Tiensten i tok.

"Mipela i soim dispela ol lain olsem tingting krangki na ol toktok nogut ol i gat na mekim long mipela i rong," em i tok.

"Mipela i strongpela kantri na mipela i stap yet maski kainkain ol traim na hevi i kamap long mipela.

"Nau kantri i lusim ol taim nogut na i go insait long gutpela taim we em i gat bilip na hop long bihain taim.

Em i tok maski long ol toktok nogut em ol manmeri i gat long kantri toktok bilong namba tu bos bilong Wol Benk (James Adams) long wokabaut bilong em long kantri long stat bilong dispela mun i soim olsem kantri i kirap bek pinis long ol taim nogut bilong em.

"Dispela i soim olsem husat i

sutim pingia nau i ken save olsem mipela i gat bilip long wok developmen.

"Kain gutpela toktok i statim tu tingting bilong Gavman long wok developmen.

Mista Tiensten i tok em i laik bai ol developmen poroman i mas save olsem Gavman i redi long bringim sevis i go long ol pipel na i no long toktok tasol.

Tasol em i tok tu olsem wok bilong kamapim developmen i hatpela wok.

"Long toktok em i isi tasol long mekim wok tru em narapela samting em i save kisim taim bipo long samting tru i kamap.

"Kamapim konomik groa na gutpela i konomik menesmen i no inap gat gutpela mining sapos mipela i no taim dispela ol gutpela samting long stretim sindaun bilong ol pipel long ples na komyuniti bilong ol.

"Tasol dispela salens i no hat long winim sapos Gavman i gat strongpela tingting long mekim wok na long lukim kaikai bilong dispela mani plen.

Em i tok tokaut long Mani Plen i gutpela na i wanpela samting tasol long bihainim na karim aut dispela mani plen i narapela samting na em dispela samting em i laik lukim bai i mas kamap.

"Maski sapos mipela i laik mekim wok tasol i gat ol hevi long kalapim, mipela i mas kalapim," Tiensten i tok.

### Paul Zuvani i rajtim

2008 Mani Plen i givim pawa long ol pipel long ol inap mekim ol rot, bris bilong rot na solwara na ples balus.

Dispela i mas mekim ol pipel inap long ron i go kam salim samting bilong ol long maket na mekim wok bisnis.

Minista bilong Woks na Trensport na Sivileviesen Don Polye i tok taim em i amamas na bekim 2008 Mani Plen em Minista bilong Tresari na Fainens Patrick Pruaitch i tokaut long em long las wik.

"Bikpela samting em yumi i mas luksave long rot bilong skruim yet wok mentenen long trenspot infrastruktsa.

"2008 Mani Plen i mas lukim mipela i kamapim tu ol bikpela prosek olsem Trens Hailans Haiwe na Lae na Markham (Wata Rais) Reilwei long dispela taim tu.

"Kaikai bilong dispela ol wok bai lukim mak bilong mani bilong mipela bai groa bikpela we mipela i lukim ol tupela poroman bilong mipela- Saina na India husat tupela em ol supa pawa bilong tumora.

Tasol Mista Polye i tok developmen long sampela ol samting em i kolim pinis tasol hevi bai kamap sapos mipela i no stretim sampela asua bilong mipela.

Ol asua olsem pasin bilong i no lukautim na yusim gut ol rot, bris, ples balus; bagarapim dispela ol samting, kos bilong baim ol samting bilong sanapim o kamapim dispela ol samting i go antap, nogat gutpela ol saveman bilong kamapim o sanapim dispela ol samting, nogat gutpela wokbung pasin, nogat gutpela trening bilong ol opisa (enjinia), rot bilong kisim oda na baim dispela ol samting i gat hatwok long em, nogat gutpela ol saveman bilong lukautim mani (akauten) na nogat gutpela mani bilong ronim na kamapim dispela ol wok.

Em i tok sapos nogat em i gat bikpela salens long wok bilong ol pablik sevans tu.

"Ol dispela plen i no inap long wok sapos mipela i nogat gutpela ol pablik sevans long mekim wok.

Em i tok taim Gavman i tok long developim ol arapela risos developim ol man tu i bikpela samting.

"Mipela i mas trenim, developim na givim gutpela tingting long ol manmeri bilong mipela bai ol i ken save gut na kisim Papua Niugini i go long narapela level," dispela em Minista Polye i tok i bikpela samting.

Em i tok kantri i no inap go het sapos ol manmeri bilong em i no save long mekim wok long dispela Gavman bai mas givim gutpela trening tu long ol manmeri.

# GENSET SPECIAL

Check your nearest branch **November 2007**



**K957.00**  
GST INCL

GENPOWER GENERATOR  
2KW 4-STROKE  
PETROL ENGINE



**K375.00**  
GST INCL

GENPOWER GENERATOR  
650KW 2-STROKE  
PETROL ENGINE



**K2145.00**  
GST INCL

GENPOWER GENERATOR  
5KW 4-STROKE  
PETROL ENGINE



**K2145.00**  
GST INCL

GENPOWER GENERATOR  
3KW DIESEL ENGINE  
HAND START



**BISHOP BROTHERS**  
everything for industry

www.bishopbros.com.pg

PORT MORESBY | LAE | PORGERA | MT HAGEN | MADANG | KIMBE | RABAU | VANIMO | HONIARA



# Baset nogat ol nupela samting



MANI Plen bilong Gavman long 2008 i no kamapim ol sans bilong strongim ikonomi bilong kantri.

Long dispela em i lus long gutpela tingting bilong em long putim moa mani long ol ruel distrik, Oposisen Lida na Memba bilong Mosbi Not Wes Sir Mekere Morauta i tok long long dispela wik taim bilong bekim 2008 Mani Plen em Tresera Patrick Pruaitch i tokaut long em long las wik.

"Gavman i ting em bai bringim ol sevis i go long ol pipel taim i tromoi mani long ol distrik," Sir Mekere i tok.

"Ol sevis i no gutpela long olgeta hap bilong kantri. Bilong wanem?" em i askim.

Em i tok dispela em bikos i nogat ol gutpela ol opisa i stap bilong mekim wok na sapos ol i stap dispela em bikos ol i nogat gutpela sindaun.

"Sapos mipela i tromoi-man i nating long ol distrik na i no plenim gut ol rot bilong yusim dispela ol mani mipela bai kamapim moa hevi.

Em i tok ikonomi i kamap gut bikos long gutpela prais bilong oil, gol, kopa na ol arapela minerol na dispela i lukim kantri mekim gutpela mani long prais bilong ol.

Tasol em i no ken seksek long lukim dispela ol mani na tromoi nating.

"Long lukim dispela mani i kamap long ol pipel bilong mipela i mas gat gutpela plen-

ing," Sir Mekere i tok.

"Gavman i mas lukim em i gat ol opis na ol opisa long fukautim na ronim dispela mani.

"Sapos nogat dispela mani bai go daun long baret na ol pipel bai lus.

Em i tok Saina na India i wok long kamap ol supa pawa bikos ol i gat ol gutpela plen.

"Long tok stret dispela Minista (Tresera) i Minista em planti ol Minista bipo i aigris long em.

Em i tok Minista nau i no ken go askim na kisim dinau, em i no ken apim ol takis, em i no ken katim ol hap we em bai laik yusim mani long ol.

"Nogat, Minista i gat olgeta mani em i gat long mekim wanem samting em i laik long mekim.

"Tasol hevi bilong yusim dispela mani i kamap taim Gavman i no redim ol rot bilong yusim dispela mani.

Em i tok narapela hevi long Gavman i no yusim gut dispela sans long daunim ol hevi bilong ikonomi em long wok bilong bekim dinau mani.

"Long Gavman i no givim gutpela mani long bekim dinau bilong em i soim olsem Gavman i lus long gutpela tingting bilong em.

"Nau mipela i gat sans, mipela i gat mani na sapos mipela i plen na yusim gut long ol hap we i mas daunim ol hevi bilong mipela dispela bai lukim bihain taim bilong mipela gutpela," Sir Mekere i tok.

# PNG i gat narapela maunten long kalapim

Paul Zuvani i raitim

BIHAIN long Papua Niugini i kamap long gutpela mak bilong ikonomi em i gat ol narapela maunten long go antap tu.

Eking Praim Minista Dokta Puka Temu i mekim dispela toktok long aste long bekim 2008 Baset o Mani Plen em Minista bilong Fainens na Tresari Patrick Pruaitch i tokaut long em long las wik.

Dispela Baset bihainim lo bilong givim tok orait long kain ol bikpela samting bilong Palamen. Memba i mas tok pait long skelim gutpela na nogut bilong Baset bipo long ol i vot na tok yesa o nogat long em.

Wantaim bikpela hamba bilong ol Memba i stap long sait bilong em i gat hop olsem Gavman bai vot na tok yesa long dispela Mani Plen long Palamen Kibung tude.

Long taim bilong bekim Baset Dokta Temu i tok kantri

i kalapim pinis wanpela maunten na dispela maunten em strongim ikonomi.

"Mi sapotim Tresera Patrick Pruaitch long tokaut long 2008 Baset we em i givim long Palamen long las wik," Dokta Temu i tok.

"Nau em i taim mipela i mas mekim ol manmeri bilong i gat mani."

"Olsem ilekted lida, mi laik bai ol manmeri i tingim bek mi olsem wanpela Memba bilong Palamen we i wok hat long mekim ol arapela Papua Niugini i kamap ol milie-neia," em i tok.

Taim mipela i stap namel long Maikro Ikonmik Rifom maunten, mipela olsem ol lidaman i mas redi long kalapim narapela maunten.

"Narapela maunten em mipela i mas redi long mekim em long mekim ol arapela Papua Niugini manmeri i kamap ol mani manmeri.

# Givim pawa long ol tarangu pipel long gutpela kantri

OPOSISEN i tok Gavman i tokaut long gutpela Baset o Mani Plen we bai hat long go na strongim ol pipel bilong em.

Em i tok Gavman i no stretim ol rot na ples we mani i mas go bipo long em i laik givim dispela mani.

Deputi Oposisen Lida, Sedo Tresari na Fainens Minista Bart Philemon i tokaut long tingting bilong Oposisen long taim em i bekim mani plen em Tresera Patrick Pruaitch i tokaut long em long las wik.

"Mi inap long go moa long tokaut long hevi i pas long pasim rot bilong lukim dispela mani i go long ol pipel bilong yumi tasol mi laik sotim na tok Gavman i sot long kamapim kepesiti," Minista Philemon husat i Memba bilong Lae tu i tok.

"Bikos long nogat inap kepsiti dispela bai lukim 2008 Mani Plen i pundaun maski em i bikpela na i gutpela Mani Plen," em i tok.

Mista Philemon i tok em i aigris long 2008 Mani Plen em Gavman i tokaut long em.

Em i tok i no laik em i kamapim kain na givim dispela baset.

"Mipela i amamas long K8.9 bilien, i nogat asua long em.

"Tasol hevi i kamap taim Gavman i no tokaut long mipela long ol rot em bai yusim long givim aut dispela mani.

Em i tok long dispela as planti mani i sindaun long ol Tras Akaun, i no go long ol pipel maski mani i stap.

Mista Philemon i tok hevi i stap long planti ol Dipatmen we ol i nogat kopret plen na rekot bilong ol samting i stap long sait bilong ol.

"Namel long Fainens na Tresari na Maining Dipatmen ol arapela Dipatmen i no mekim gut.

Em i tok hevi bilong nogat gutpela ripot long planti Dipatmen i kamap bikos long hevi bilong ol Pablik Sevans i no wokhat na i no mekim gut wok bilong ol.

Em i tok long Helt Dipatmen ripot bilong ol sik we planti manmeri i gat long go kisim marasi em Obstretik 89 pesen (%), TB (56.7%), ol pait na birua (52.03%), Nimonia (40.01%), Malaria (39.06%), ol sik long nek (26.5%) na HIV/AIDS (17.06 %).

Ol sik o hevi we planti manmeri i save dai long em em Prinotol kondisen, Nimonia, HIV/AIDS, TB, Malaria, Birua na pait, Meningitis na Hat.

Em i tok Gavman i gat bikpela wok long trenim ol opisa we ol i ken karimaut wok gut.

Em i tok em i gutpela long lukim Gavman i putim planti mani long wok agrikalsa tasol long wankain taim em i mas putim mani tu long rot na trenspot.

"Sapos mipela i tok long wokim Trems Nesenei Haiwe na i no stretim ol liklik han rot we ol pipel bilong mipela i stap dispela Mani Plen i no inap long karim kaikai.

## CHILDREN LEARN WHAT THEY LIVE!



**"If a child lives with shame he learns to feel guilty."**

*CJLU promotes peace & justice in the community*



**Gutpela nius long ol lain i save kisim liklik pe na ol bisnis haus**

GUTPELA nius long ol manmeri husat i kisim K7,000 long wan wan yia.

Gavman bai i no inap putim takis long ol manmeri husat i kisim dispela kain mani long wan wan yia.

Long ol manmeri husat i kisim K7000 na i go antap long K18,000 Gavman bai daunim takis long 25 pesen na kamdaun long 22 pesen.

Gavman i daunim tu takis mak bilong ol arapela pe na dispela em mak bilong ol K18,000 (30 pesen), K33,000 (35 pesen), K70,000 (40 pesen) na K250,000 (42 pesen).

Gavman bai i no inap long putim takis long ol stem duti, debit takis long 2008.

Stat long Januari, 2008 Gavman bai i no inap long putim takis long olgeta borrowing long beng, bis ov lending, inkoporesen setifiket na long namba wan de bilong Epril, 2008 em bai i no inap long takis long debits.

**Tresari konprens strongim tok bilong gutpela wok pasin**

**Paulus Tali i raitim**

MOA long 120 wok manmeri bilong ol provin sel na distrik tresari opis bilong olgeta provins insait long kantri i bin bung long wanpela bikpela konprens o kibung long Busi long Busamang ples insait long Salamaua distrik, Morobe provins.

Het tok bilong konprens, em Improving Financial Management through Strengthening and Ethical Innovation o long tok pisin em Strongim wok mani bihainim strongim bilong stretim tingting na bel.

Tresari Seketari Gabriel Yer i salensim olgeta provin sel na distrik tresari long ol i mas kamapim gutpela wok bung wantaim ol pipel long ples long wan wan hap ol i stap long em.

- Stet Entapraisas na Infomesen- K2,200,00;
- Trensport- K16,859,500;
- Nesenel Traipatait Konsaltativ Kaunsil- K938,800;
- Woks & Implementesen- K50,120,300;
- ORD- K5,086,300;
- Sentrel Saplai & Tenda Bod- K1,854,200;
- Fainens & Tresari- Pablik Debt Sevises- KK2,369,819,800;
- Odita Jenerel Opis- K11,226,600;
- Ombudsmen Komisen- K11,500,000;
- Nesenel Risets Institut- K2,913,00;
- Nesenel Trening Kaunsil- K2,249,500;
- Nesenel Ikonmik & Fiskal Komisen- K1,207,100;
- Legal Trening Institut- K1,317,400;
- JPNG- K32,131,500;
- UNITECH- K29,933,800;
- Goroka Uni- K11,600,00;
- Vudal Uni- K6,849,00;
- PNG Spot Faundeses- K2,759,900;
- Nesenel Nakotiks Baru- K1,641,700;
- PNG Maritim Kolis- K2,680,100;
- Nesenel AIDS Kaunsil Sekretariat- K5,490,700;
- Smol Bisnis Dvelopmen Koporesen- K2,200,00;
- Nesenel Institut ov Standets & Industriel Teknoloji- K1,993,00;
- Industriel Sentas Dvelopmen Koporesen- K1,425,500;
- Nesenel Misium & At Galari- K3,500,000;
- Nesenel Hausing Komisen- K210,200;
- Nesenel Kulturel Komisen- K3,538,200;
- Kokao Kokona Institut- K5,073,700;
- Fres Produs Dvelopmen Kampahi- K3,538,700;
- Nesenel Fores Atoriti- KK8,950,00;
- Nesenel Agrikaisa Risets Institut- K7,044,500;
- Nesenel Agrikaisa Kuaritin & Inspeksen Atoriti- K3,387,300;
- Sivil Eviesen Atoriti- K12,200,000;
- Nesenel Rot Atoriti- K837,700 na independent Konsuma na Kompetisen Komisen- K1,800,00


**Mani wan wan ol provins i kisim**

- Western- K36,843,200;
- Sentrel- K40,406,600;
- Oro- K23,275,800;
- Sauten Hailans- K59,124,500;
- Enga- K40,686,600;
- Western Hailans- K50,812,900;
- Simbu- K39,471,400;
- Isten Hailans- K49,234,500;
- Morobe- K73,365,100;
- Madang- K40,615,600;
- Is Sepik- K43,193,100;
- Sandaun- K15,082,900;
- Nu Ailan- K26,639,500;
- Is Nu Britan- K49,668,300;
- Wes Nu Britan- K37,357,200 na Atonomus Bogenvil- K54,000,000

**MANI BILONG WAN WAN DIPATMEN NA STETUTORI BODI**

**Ol bikpela program bilong Gavman long 2008**

- Demograpik Helt Sevei- K2 milien;
- Fainensiel Menesmen Improvmen Program- K25.3 milien;
- Pablik Sekta Wokios Dvelopmen Inistiv- K2.5 milien;
- Nesenel Piening Sistem- K3 milien;
- Provin sel Pefomons Improvmen Inistiv- K50.2 milien;
- Edukesen Kapsiti Bilding Program- K13.8 milien;
- Helt Sekta Improvmen Program- K22 milien;
- Yunvisities Infrastraktsa Dvelopmen (Goroka/Vudal)- K12 milien;
- Komyuniti Dvelopmen Program- K3 milien;
- Nesenel Stratejik Pien bilong HIV/AIDS Implementesen Program- K17 milien;
- Lo na Jastis Sekta Program- K31 milien;
- Diens Infrastraktsa Dvelopmen- K6 milien;
- Envaironmen Komplaiens Monitoring- K1.4 milien;
- Maining na Petroleum MOAs- K81.9 milien;
- Konebada Industriel Pak- K4 milien;
- Komes na SME Dvelopmen- K2.5 milien;
- Turisim Dvelopmen- K2.5 milien;
- Komes na Infrastraktsa K4 milien;
- Ges Komesiel- K3 milien;
- Maritime Nevigesen Aid Program- K10 milien;
- Komyuniti Wara Trensport- K30 milien;
- Nesenel Rot Mentenens- K30 milien;
- Nesenel Bris Mentenens- K15 milien;
- ADB Highlands Haiwe- K97.7 milien;
- WB 6 Provins Rot Riheblitesen- K69.6 milien;
- Lae Bris Ekstensen na Ridvelopmen- K4 milien;
- Wara na Sanitesen- K17.8 milien;
- Rurel Ilektrifikesen- K2 milien;
- Provin sel Dvelopmen Improvmen Program- K20 milien (wan wan provins bai kisim K1 milien);



PINAPOL BILDING

BUNGIM OL DIPATMEN WANTAIM I-r. Sentral Gavman Haus na Marea Haus (Pineapple Bilding long potu) i tupela Gavman Haus Gavman nau i laik mekim ol wok redi long stretim. As tingting bilong dispela wok stretim em long bungim ol Gavman Dipatmen long wanpela hap tasol bai gutpela wok bung na save i kamap namel long ol Dipatmen. Dispela bai sevim tu K90 milien em gavman i save tromoi long ol Dipatmen i yusim long rentim opis spes bilong ol arapela kampani. Long dispela wik Praim Minista Sir Michael Somare i sainim ol pepa wantaim Nesenel Supa Fan long Supa Fan i helpim long fandim dispela wok stretim. Em i no klia wanem taim dispela wok stretim bai kamap tasol ol toktok i kamap olsem wok stretim bai kamap long 2008. **POTO: PAUL ZUVANI**



PNG Radiocommunications & Telecommunications Technical Authority

**PABLIK NOTIS**

**Ol Iligel Koneksen na pasin bilong Bagarapim ol Kebol TV Sistem**

Jeneral Pablik i mas luksave gut olsem em i brukim lo bilong Telekomyunikesen ekt 1996 (olsem ol i senisim) taim ol i konektim nating o pilai pilai wantaim o bagarapim ol Kebol TV sistem. Ol mekimsave bilong dispela kain bikhet pasin i bikpela tru na ol lain i brukim lo i ken bungim bikpela mekimsave long sait bilong mani o go kalabus.

Ol Kebol TV Opereta husat i gat laisens na jeneral pablik i mas kwiktai ripot long Polis o PANGTEL taim ol i luksave olsem i gat bagarap i kamap long dispela kain pasin bai i gat wok i go het long daunim dispela kain hevi.

Ol namba bilong ringim long PANGTEL opis bilong mipela long Pot Mosbi o Lae i olsem:

**Dairekta Operesens**  
Telepon: 303 3267  
Feks: 300 4829

**Rijinel Redio Inspekta**  
Telepon: 472 7341 / 472 7342  
Feks: 472 1045

Tok orait i kam long:  
**CHARLES S. PUNAHA**  
**EKTING DAIREKTA JENERAL**



### Tingim ol pikinini na lukautim ol em bikpela samting

Eric Sinebare i raitim

PASIN bilong lukautim na helpim ol pikinini insait long ol ples i nau i no kamap gut long olgeta komyuniti.

Planti hevi bilong ol pikinini i stap hait na nogat man o meri autim na luksave long helpim ol.

Misis Menton husat i tokim Wantok Niuspepa olsem mi jala luksave long planti hevi bilong ol pikinini kamap bikpela long olgeta hap bilong kantri bilong

yumi PNG na tu long ol arapela kantri tu.

Olgeta skul pikinini, bilong Bawa praimer skul, Agugu praimer, Ketotapasi praimer, na Bawi Elementri bai stap long ronim dispela de na kamapim kain kain pilai na so, tok save wantaim awenes long Chuave.

Mipela i tok save long olgeta kain kain lida bilong gavman na ol NGO husat i save wok long protektim raits bilong ol pikinini bai i kam long dispela de olsem famili violens bilong ol meri na

pikinini kodineta long Simbu, Misis Agnes Siune bai kamap, lo manmeri long Kundiawa kot haus, Welfe Opis long Kundiawa, Pikinini Raits Komisen (CRC) long Simbu, Sail proteksen opisa bilong Simbu tu bai kamap na tu ol distrik opisas bilong Chuave distrik i bin givim luksave long ol pikinini tu.

Em i tokim Wantok nius tu olsem, mipela ol meri long Chuave distrik i amamas long ogenaisim dispela.

### Bou Bou - Malaita Stail



AMAMAS: Ol Galp Provins grup i singsing na danis long taim ol i bin kisim tenksgiving bilong ol i go long Yunaitet Sios Malaita Kongrigesen long Lae, Morobe Provins long Sande long wik i go pinis.



BOUBOU: Ol wimens felosip grup i amamas na selebret long Bou Bou bung long Yunaitet Sios Malaita Kongrigesen long Lae, Morobe Provins long Sande i go pinis.

## GLASIM TOK



wantaim

FR LOLLINGTON WIAM

### Yumi ol Kristen i mas save long wok bilong yumi

Planti taim yumi harim kainkain hevi i wok long kamap long olgeta hap long wol. Samting olsem wol, hangre, guria raunwin, stom, na planti moa.

Planti Kristen na stia man bilong ol sios i kirap nogut na autim tok olsem em i pinis bilong wol na Jisas i laik kam klostu nau. Planti yumi bilip manmeri i pret pinis na bilip bilong yumi i malo malo pinis.

Planti yumi bilip Kristen i wet long kain maus wara bilong ol nogat na yumi go bek pinis long mama sios bilong yumi pinis.

Planti long yumi i paul na i stap yet namel long rot. Em bilip na wok bilong yumi i paul pinis.

Long las wik rit makim long kalenda Lk 21:5-18 Jisas i mekim klia pinis long dispela tok long ves 8 na i go Jisas i tok, "Stap redi na noken tok giaman. Planti man bai yusim nem bilong mi na bai ol i tok taim i bin kamap ngu."

Tasol yupela i noken bihainim ol. Yupela i noken pret long harim kainkain samting i kamap long dispela wol.

Dispela ol mak i mas kamap pastaim. Tasol dispela ol sain i no min em las de. Yumi wan wan i mas sanap strong long bilip na pas wantaim em.

Wanem wok moa yumi Kristen na stia man i mekim sapos yumi lukim dispela kain mak long PNG.

Wok bilong yumi Kristen em wanem? Wanem ansa na wanem wok bai yumi mekim insait long sios olsem Kristen manmeri? Nau yumi lukluk long ol lain bilong yumi i bagarap pinis. Planti i lusim laip pinis, planti i lus long dispela birua na ol i wok long painim yet.

Olgeta sevis i sot. Olgeta haus na ples i slip na gaden kaikai wara i karim i go pinis na so long kaikai.

Nogat gutpela wara bilong dring. Dispela birua i kamapim olgeta hap bilong Oro Provins. Yumi Kristen na stia lain noken krangi na gimanim ol pipel olsem em las de na taim bilong Jisas i kam klostu pinis. Dispela kain krangi skul bai mekim planti lain kisim moa bagarap.

Yumi kisim skul tru bilong God pins bipo yet na nau em taim bilong wok. Tingim Jisas i tok mekim gut long ol brata susa husat i gat nid. Em nau taim bilong yumi kristen inapim dispela wok bilong yumi.

Wok tru bilong yumi Kristen i no bilong kam long lotu tasol. Nogat yumi mas lukim na lukautim nid bilong ol narapela pastaim.

Mi askim olgeta Anglican long kantri long lidim long ol Kristen manmeri i ken lukim na bihainim na helpim yumi. Tingim tok, Matyrs. Blood of the Matyrs is the seed of the church. Sapos dispela hap tok bilong Anglican Sios i kamapim planti gutpela save man long mekim ol bikpela wok plis em taim bilogn yumi kam daun na asistim ol lain husat i bung na traim long kisim helpim long helpim ol lain bilong yumi.

## Tingim ol tisa

Eric Sinebare i raitim

OL TISA em trupela lain na bun tru bilong givim save na strongim kantri na ples i kamap strong.

Husat wok hat tru long ol wok bilong em ol tisa insait edukesen em mipela i no inap lus tingting long wanem wok ol i mekim mipela i mas mekim ol i kamap long arapela wok level na taitel o sampela luksave long wok na tingting em i givim long dispela wok mas i gat luksave.

Sinia Praimeri na Komyuniti Skul Inspekta bilong Simbu Edukesen, Mista Tat Zokanao i tokim Wantok Nius we taim em i opim Provinsel Reiting Konprens we i bin kamap long Kundiawa sampela wik i go pinis.

Mista Zokanao i tok, "Mipela bai pinisim dispela provinsel reitins na tu mipela i lukluk i go het long ogenaisim bikpela Riginel Reitins Komprens bai kamap long Kundiawa long wik i kam. Olgeta sinia inspekta, skul inspekta bilong ol 5-pela hailans provins na ol sampela biklain bai kamap long het kwata long Mosbi long i stap insait long dispela bung."

Mista Zokanao i tok, Reitins Komprens i save kamap long olgeta yia na save mekim ol luksave o promotim ol tisa i save wokim ol gutpela na i save mekim wok we i bihainim edukesen polisi na lo insait long edukesen sistem.

We ol dispela bung i save luksave long ol na givim promosen o surukim wok namba bilong ol i ken kam daun ol i go antap.

Dispela em i nambawan kain bung i kamap long Simbu na mipela i redi long bungim ol 5-pela provins long Hailans rijen bai kamap.

Mista Zokanao i tokim Wantok nius ol mipela komiti i amamas long dispela bung na ol komiti na ol tisa wantaim skul i redi long bungim ol kaikai na ol planti wok redi i kamap pinis long dispela bung.

Sape Metta i raitim

**BIKPELA pasin amamas na selebrensen i bin kamap long Yunaitet Sios - Malaita kongrigesen long Lae, Morobe Provins long Sande wik i go pinis taim moa long 2000 manmeri na pikinini na ol sios memba na lida i bin kamap long Bou Bou bung we ol i**

**givim moa long K82,000 i go long mekim sios wok long dispela Malaita seket.**

Sios Minista na man husat i bin go pas long dispela Bou Bou Revren Raka Aiga i bin amamas tru long luksave olsem ol sios memba i save tingim wok bilong sios.

Em i tok ol grup husat i bin kamap long

dispela Bou Bou sere- moni em Sande skul na yut grup, wimens na mens felosip, Galp grup, Milen Be, Hula, Hiri, Kadeboro, Delena Aroa, Kelerakwa, Aroma (Sentral) na ol arapela grup.

Olgeta Bou Bou em ol i bin givim olsem tenksgiving em K82,641.30.

## Gavman hostel pait long wara saplai

WANPELA bikpela hostel insait long Pot Mosbi i nogat wara saplai na pawa long klostu 5-pela krismas olgeta na ol manmeri bin kisim bikpela hevi tru long dispela tupela bikpela sevis longpela taim inap nau.

Dispela hostel em Erma Hostel long 6 mail na em bin wanpela olpela hostel tru insait long Pot Mosbi we planti wokmanmeri bilong gavman i save slip long en. Planti wokmanmeri gavman tu em ol i no liklik manmeri, ol em sampela bikpela sinia opisa bilong gavman olsem long Nesenel Disasta, Internal Revenue Komisin (IRC), Kot Haus, Fainens na arapela moa.

Dispela hevi bilong wara na pawa saplai i bin kamap taim papa bilong haus, Nesenel Hausing Kopresen (NHC) i stop long peim wara

bil na pawa bil bilong ol dispela manmeri na famili. Tasol ol dispela famili tok ol save peim rent go long NHC we i karampim tu wara bil bilong ol.

Tasol dispela i kamap bikpela hevi moa taim NHC lusim han long wara bil olsem na wara kampani, Eda Ranu bin katim wara saplai bilong Erma Hostel mak olsem 5-pela krismas olgeta.

Dispela hevi i mekim na ol manmeri yet i go auf long wei bilong ol na kamapim paitim toktok wantaim Eda Ranu sapos ol ken painim sampela rot long bringim wara saplai go bek long hostel gen.

Long las wik Sarere 24 Novemba, 2007 i makim wanpela bikpela senis tru we Eda Ranu wantaim ol komyuniti bilong Erma Hostel i kamapim rot bilong kisim wara saplai go long

komyuniti long ol pipel bilong ol.

Ol komyuniti lida na Eda Ranu opisel bin pasim olgeta tingting na wanbel wantaim insait long wanpela agrimen o wanbel ol kolim Memorandum Ov Andastending (MOU) long las wiken. Dispela MOU i opim dua long hostel i ken go het long kisim wara saplai wantaim ol nupela senis olsem moa wara tep, o pulim wara go klostu long haus dua bilong ol na tu wara presa bai inapim ol pipel long hap.

Wantaim dispela senis tu em ol bai gat wara mita long soim amas wara Erma Hostel i yusim na amas ol inap baim long olgeta mun.

Dispela MOU i givim pawa go long ol wara komiti bilong hostel long go pas long lukautim na mekim ol disisen


long ranim na ron bilong wara saplai bilong ol.

Erma Hostel em namba tu gavman hostel long kisim wara saplai aninit long lukautim na kos bilong ol yet bihainim lek bilong 4 Mail hostel. 4 Mail hostel bin namba wan lain long kisim wara saplai aninit long lukautim wara komiti we wara i kam tasol long wanpela mita ol kolim baik mita na olgeta pipel long komyuniti i skelim kos wantaim long peim wara bil long olgeta mun.

Bihain long dispela tupela hostel em lukluk nau i go long narapela gavman hostel tu em Peterel hostel long Waigani we ol tu em NHC lusim han pinis long ol longpela taim na ol nogat wara saplai. Wankain rot bai ol tu i bihainim wantaim Eda Ranu long kisim wara saplai.



**YUMI  
na  
HIV  
wantaim**



Fr Jude Ronayne Forde OFM

**Kristen Pasin na HIV**

Oi manmeri i save tok: "Mi Kristen!" Tok em samting bilong maus tasol. Aposel James i tok. Yu tok yu bilip, i gutpela. Tasol, bai mi soim yu bilip bilong mi long pasin mi save mekim. (James 2:14). Pasin man i save mekim em i samting i tru!

HIV i wok long ron i kamap bikpela tru insait long kantri. Sampela, tarangu, i kisim vairas o binatang long narapela na i no long rong bilong ol. Oi i bin trastim narapela man o meri na sik i kamap.

Tasol, tu, planti i wok long kisim HIV long pamuk pasin bilong ol. Planti bilong yumi i bin lukim dispela piksa: "Hapsait Long Maunten". Dispela DVD o vidio i stori long ol lain i stap long Porgera. Planti bilong ol dispela lain i wok long "pati" tasol. Oi i save dring bia na "hombru", spak long ol drak na planti pamuk pasin tu i kamap. Nau planti bilong ol i wok long kisim HIV. I no long Porgera tasol. Dispela kain pasin i stap nabaut long kantri. Em taim bilong "pati". Tasol, em taim bilong kisim HIV tu. Na HIV i save bagarapim bodi na laip bilong man. Tasol, Kristen pasin i stap we?

Santu Paul i tok: "Tasol bodi i no bilong pasin pamuk. Nogat. Em i bilong Bikpela. Na Bikpela em i bilong bodi." (1 Kor 6:13). God i givim laip long man. Tasol, em wok bilong wan wan man, na komyuniti wantaim long lukautim gut bodi bilong man. Tu, yu saveman i ken mekim gutpela pasin o pasin nogut long bodi bilong em. Mekim gutpela pasin na yu Kristen. Mekim pasin nogut yu narakain man. Na noken tok hariap: "Mi Kristen!" Moabeta yu go stretim sindaun bilong yu pastaim.

Long dispela taim, planti bilong ol PNG i paul long kainkain pasin pamuk i no Kristen pasin. Olsem, pilai nabaut nating - brukim marit - baim ol man na meri long mekim pamuk pasin (prostitution) - mekim nogut long ol yangpela, reip na ol narapela kainkain pasin nogut. Husat manmeri i stap insait long ol dispela pasin nogut i noken tok: "Mi Kristen!" Santu Paul i tok. Yu raun wantaim pamuk meri - yu wankain long dispela meri nau, yu pamuk man! (1 Kor 6:16)

Larim las toktok i stap long maus bilong Santu Paul:

"Yupela i mas lusim pasin pamuk na ronawe...man i mekim pasin-pamuk, em i mekim nogut bodi bilong em yet. Bodi bilong yupela em haus holi bilong Holi Spirit, ating yupela i no save long dispela?"

**Duk bilong Glosesta i amamas wantaim St John's Ambalens**

**...Opim  
Gerehu Senta  
klinik**

SEN John's  
Ambalens Sevis  
(SJAS-PNG) long  
Papua Niugini (PNG) i  
laki tru long ama-  
masim namba 50  
krismas long PNG  
wantaim Duk bilong  
Glosesta em namba  
wan kasen bilong  
Kwin bilong Inglan na  
bos bilong ol  
Komonwel kantri  
long wol we PNG i  
wanpela long ol.

SJAS-PNG i save  
mekim planti gutpela  
na bikpela wok long  
lukautim laip taim ol  
manmeri i sik nogut tru,  
stap long birua olsem  
bam long kar o mama i  
laik karim na i bungim  
hevi tasol i nogat rot  
long kisim em i go long  
haus sik.

Mosbi long Nesenel  
Kapitel Distrik (NCD)  
na Wewak long Is  
Sepik em tupela senta  
long kantri we St  
John's Ambalens i  
save wok strong long  
ol bikos em ol i gat opis  
long dispela tupela  
hap.

Ogenaisesen nau i  
strongim wok bilong  
em long helpim givim  
helt, ai, imejensi na  
komyunikesen sevis  
long ol manmeri long  
PNG.

Long dispela yia yet,  
SJAS-PNG i bin kisim  
wok bilong lukautim  
Gerehu Klinik long  
Mosbi olsem wok bung  
namel long Helt  
Dipatmen, ol sios na ol  
non gavman ogehaise-  
esen.

Duk bilong Glosesta  
em nem bilong em  
Richard Alexander

Walter George i gat 62  
krismas na em i marit  
na i gat tripela pikinini.

Em i wanpela akitek o  
save wokim ol plen na  
droing long ol nupela

bilding, tasol em i save  
sapotim planti ol oge-  
naisesen i sut long helt  
kea na ol kalsa.

Gavana Jeneral  
bilong PNG, Gren Sif

Sir Paulias Matane  
husat i Nesenel  
Presiden bilong SJAS-  
PNG i bin askim His  
Royal Haines (HRH)  
Duk bilong Glosesta

long kam long PNG  
long stap insait long 50  
krismas selebresen  
bilong Sen John's  
Ambalens Sevis long  
dispela kantri.

**Post PNG**

Salim moni  
**Kwik Long**  
dispela **Krismas**

**SALIM MONI KWIK**

wokim Isi long salim na kisim moni long olgeta  
hap Post PNG opis i stap.

- ✓ Isi
- ✓ Hariap
- ✓ Gutpela
- ✓ Noken baim moa

Call our Toll free Tel: 180 2999  
Post PNG Customer Care P.O. Box 2 Boroko NCD  
Email: [customercare@postpng.com.pg](mailto:customercare@postpng.com.pg)

**Post PNG**

**TOYOTA**  
**HILUX**

Trusted Quality

- ✓ TOUGH
- ✓ RELIABLE
- ✓ DURABLE
- ✓ HIGH RESALE VALUE

**4x4 TURBO**

**Limited Stock for Limited Time only!**  
(Hilux D/Cab 4x4 B1 model)

**TOYOTA**  
Making wishes come true this Christmas

Buy Now and give yourself a chance to...

**WIN A HILUX**  
this Christmas

**Ela Motors**  
**TOYOTA**  
Your First Choice

FOR MORE INFORMATION CONTACT YOUR FIRST CHOICE BRANCH TODAY

**Hurry While Stock Lasts!**

Port Moresby..Ph 3229400	Kimbe....Ph 9835155	Wewak..Ph 8562255
Lae.....Ph 4781800	Lihir.....Ph 9864099	Vanimo..Ph 8571254
Kokopo.....Ph 9829100	Buka.....Ph 9739915	Tabubil..Ph 5489060
Madang.....Ph 8522188	Goroka...Ph 7321844	Porgera..Ph 5479367
Mt. Hagen....Ph 5421888	Kavieng..Ph 9842788	Alotau...Ph 6410100

Conditions Apply . [www.elamotors.com.pg](http://www.elamotors.com.pg) . Offer Expires : 10 / 12 / 2007.



# Nupela Kastoma Kea Senta bai helpim ol tisa na pablik

Veronica Hatutasi i raitim

**EDUKESEN** Dipatmen nau i gat wanpela sevis we bai helpim gut ol tisa na ol narapela lain i gat askim o laikim infomesen i sut long skul, pe na ol arapela samting moa ol i laik save long en.

Wantaim opim bilong Kastoma Sevis Senta (CSC) long dispela wik,

Edukesen Dipatmen i kirapim wanpela bikpela sevis senta long helpim ol tisa, ol klaien o kastoma na ol narapela memba bilong pablik husat i gat wok o askim long Edukesen Dipatmen.

Taim em i askim ol woklain bilong Edukesen Dipatmen long lukim opim bilong senta olsem nupela stat bai helpim strongim wok bilong ol,

Edukesen Seketari, Dokta Joseph Pagelio i tok CSC i stat pinis long skulim ol lain long Pei Rol seksen long kari-maut wok long kastoma sevis.

Dokta Pagelio i tok senta bai kamap olsem ples we ol manmeri bai kisim helpim long ol askim ol i gat long en.

CSC i gat ol arapela nupela teknoloji masin long helpim karimaut wok olsem telepon, ol

pas, feks na emel.

Em i tok tu olsem kamap bilong wanpela senta bilong helpim ol manmeri bai daunim korap pasin na larim ol samting i kamap na go het long kliapela rot bikos ol senta i gat Alesco pe rol sistem kompyuta bai givim aut infomesen tasol i go long ol woklain long wan wan seksen bilong Dipatmen.

Dokta Pagelio i tok ol

i kamapim CSC bikos Edukesen Dipatmen i laik helpim gut na hari-ap ol kastoma bilong em na i no mekim ol i go na kam na westim taim bilong ol.

Em i tok long nau ol i stat wantaim pe rol sis-

tem tasol ol bai wok i go inap olgeta seksen insait long Dipatmen em ol i karamapim.

Toksave i go aut pinis long provinsel na nesene level we i mekim klia wok bilong nupela senta na ol rot

long bihainim sapos ol i gat askim o wok long mekim long senta.

Senta bai op long Mande inap long Fraide stat long 9 kilok moning inap long 3 kilok apin-un.



**SEVIS BILONG HELPIM:** Tupela tisa i kisim helpim long wokmeri bilong nupela Kastoma Kea Senta. *Poto: Edukesen Midia Yunit*

**WORLD YOUTH DAY 2008**  
(July 10 - 20, 2008)



The Catholic Bishops Conference of PNG SI invites young people aged from 18-34 to participate in World Youth Day 2008 either in Sydney, Australia, or at home.

Those wishing to participate in WYD08 in Sydney should contact the Catholic Youth Animator in their diocese. They should be aged between 18-34, have a passport and about K2500 available for travel and other expenses. They will also need a Visitor's VISA to Australia and be a registered member. All of this information is available from the Catholic Diocesan Youth Animator. All participants should keep in mind that travel to Sydney for WYD08 is a pilgrimage of faith, not a trip for tourists.

## Ol skul i lainim helpim ol yet

Stori i kam long ATPproseks

PLANTI skul insait long Isten Hailans Provins i wok long lainim long yusim ol samting yumi gat long em.

Nesene Apropiet Teknoloji Senta (AT) i wok long ranim ol wok-sop long bosim na lukautim ol prosek ol i karimaut pinis long ol skul insait long Isten Hailans.

Moa long 80 skul long provins i sindaun pinis long ol woksop na ol i salim ol tingting bilong ol i go long AT Proseks na autim amamas bilong ol.

I kam inap nau, ol prosek i gutpela na mi lainim planti samting long em. Mi lukim long

senta olsem yupela i no yusim ol samting i kos bikpela mani long wokim ol klasrum, ol haus na toilet. Yupela i yusim ol samting bilong yumi yet long bus na ples na yumi no inap tromoim bikpela mani long baim ol, Yvonne Willy em wanpela tisa long Faniufa Praimeri skul insait long Isten Hailans yet i tok.

Missi Willy i tok em bai lainim ol wan wok bilong em long skul na ol tu i ken save long ol samting em i bin lainim long senta.

Hom Apio em wanpela tisa long Kuso Seven de Adventis Memorial Komyuniti Skul husat i bin sindaun long wanpela we ATS Prosek i bin karimaut

pastaim i tok em i lainim planti samting em i ken yusim long skul.

Haidro o wara pawa na rot em i wok long em na bildim haus long putim wantaim ol bus samting i bin pulim strong tingting bilong em.

Woksop hia em glasim ol prosek we ATS i karimaut na rot yumi ken lukautim ol, Mista Apio i tok.

Samson August bilong Kintinu Praimeri Skul i tok ATS prosek i bildim 6-pela ATS toilet wantaim fero simen long skul bilong ol.

"Antap long prosek, em i gutpela long kam long senta na lukim ol prosek we ol i wokim i stap," Mista August i tok.



Coverarge

**TELIKOM PNG LIMITED**  
"our communication company"

We are reaching

**OUT TO THE REMOTE PARTS**

AND IT'S YOUR BROTHER, MOTHER AND RELATIVES THAT WE THOUGHT ABOUT IN THE VILLAGE.

Always PNG, Always TELIKOM, Always there



# Tok Amammamas!

i go long olgeta wina na lain i kam namba tu long Namba wan Digicel Krismas Trolli Resis!



Pot Moshi WINA: Alex Munube



Madang WINA: Angela Kasi



Mt Hagen WINA: Angi Baba



Kokopo WINA: Michael Kasika



## Digicel Trolli Resis em wanem kain samting?


- Olgeta wik, 5-pela laki wina bai gat tripela minit long resis raunim wampela supamakot stua na pulimapim soping trolli bilong ol wantaim kain kain stua kaikai.
- Manmeri husat i bungim ol kago i go klostu moa long K500 bai winim olgeta dispela samting em i kisim.
- 4-pela lain husat i kamap namba tu long dispela resis bai kisim wampela mekpas kaikai manimak bilong em inap long K200.
- Digicel Trolli Resis i save kamap long Pot Moshi, Lae, Madang, Mt Hagen, Kokopo na Goroka long 4-pela wik i kam.

## Yu inap stap insait long dispela resis olsem wanem?

- Baim wampela Digicel telepon na nem bilong yu bai go insait long dispela resis.
- Digicel Trolli Resis bai kamap olgeta wik inap fopela wik olgeta na sapos yu haim wampela telepon yu bai go insait long dro bilong wik yu bin baim mobail fon bilong yu.

Olsem na hariap na baim Digicel mobail fon bilong yu dispela wik na stap insait long dro bilong Namba 2 Digicel Krismas Trolli Resis!

Wei na to bilong bihainim. Ofa kamap id ol Prepaid & Postpaid kastoma tasol na bai pinis long Desember 31, 2007.





## Opim bilong Godens AOG sios i bikpela tru

**Dia Edita,**

Mi laik raitim dispela pas i go long *Wantok Niuspepa* na tok tenkyu i go long Pasto Tonny Dalaka na ol komiti bilong em long AOG sios long opim bilong dispela sios long Sarere 24/11/2007.

Dispela nupela sios em i bikpela tru na i gat bikpela spes na biknem na glori i go long Papa God.

Bikpela blesing i kam long han bilong Papa God na olgeta manmeri husat i wok hat tru long brukim poket na givim wantaim bel isi.

Mi amamas tru long lukim planti ol manmeri ol Kristen i amamas long lukim dispela opim bilong dispela sios long dispela taim.

**JOHN KRIOSAKI  
WEWAK**

## Wewak taun i pulap tru long ol pipia

**Dia Edita,**

Tude yet long Wewak taun mi lukim planti pipia i pulap. I nogat inap ol rabis bin o dram olsem na taun i luk olsem wanpela distrik insait long Papua Niugini (PNG).

Sapos dispela pipia i stap yet, bilong wanem na ol taun wok manmeri i save kisim K10 o K20 long husat man i tromoi pipia.

Ating Wewak taun i mas i gat plen long mekim taun i klin na bai bikpela Wewak Pis Maket Prosek i ken i go het?

**JOHN KRIOSAKI  
WEWAK TAUN**

# Helpim tu ol narapela manmeri bungim birua bilong bikpela ren

**Dia Edita,**

Mi laik autim wari na tu sori bilong mi i go long ol manmeri husat i go insait long hevi bilong bikpela wara.

Em kamapim bikpela hevi tru long kantri bilong yumi we wanpela provins tu i kisim bikpela bagarap stret.

Tasol mi i mas askim ol lokel level gavman na tu ol disasta opisa long mekim gut wok bilong ol na go aut long ol hap long lukim ol kain hevi we ol manmeri i wok long bungim long en.

Yumi noken lukluk tasol long ol manmeri long Oro Provins. Nogat long pepa bilong aste, (Post Courier) i bin autim wanpela nius long ol lain long Kairuku Distrik we i bungim wankain hevi olsem ol lain long Oro Provins.


Ol wan wan provins husat bungim dispela hevi i mas i kisim

luksave na helpim tu. Planti bilong ol i wok long sik na tarangu sampela i dai pinis long bikpela wara.

Ol manmeri bilong PNG, mi askim olgeta provinsel gavman na tu ol wokmanmeri stret bilong disasta opis long wok hariap na salim helpim i go long ol lain bilong yumi. Taim i wok long ron na i no longtaim bai yumi lukim planti manmeri i dai long hangre o sik.

Helpim wanpela narapela na daunim namba bilong dai long ol hap i kisim bagarap long bikpela wara.

**WANPLES SOLWARA  
PIENGEE**



**KROS:** Dispela hap long nupela Nesenel Kapitel Distrik Komisn opis ol manmeri husat save wokim ol liklik wok bilong ol i save go pulap long hap long wetim pe bilong ol. Tasol taim ol i wet longpela taim, kros save kamap. Nau ol man meri i laik kolim dispela nupela NCDK opis olsem KAM BEK TUMORA opis. **POTO: NICKY BERNARD**

# Mani i mas go stret long ol hap na mekim gut wok

**Dia Edita,**

Long Post Courier (26/11/2007) wanpela brata i toktok long opim wanpela tras akaun long sait bilong disasta we nau bikpela ren i bagarapim planti hap long kantri.

Em i tru na i gutpela tingting tu. Mi tu i gat bikpela sapot long dispela tingting bilong yu. Tasol, yu ting ol lain husat mani i go long ol bai yusim gut mani long sait bilong birua? Wok korapsen i kamap bikpela pinis long kantri bilong yumi.

I nogat wanpela gutpela wok o stretpela pasin i save kamap. Olgeta hap i gat kankain korapsen. Sapos mani yumi bungim long en i go long gutpela wok bilong en, em i orait. Em i olsem yumi save mani i go long hap we em i mas go long en. Na sapos i go krangi, bai yumi mekim wanem?

PNG i bungim planti kankain hevi pinis. Wanpela em bikpela

wara o sunami (Tsunami) we i bin kamap long Aitape, narapela em long maunten paia i pairap, Maunten Tavurur long Rabaul na tu long Manam Ailan. Em i no namba wan taim long yumi bungim hevi. Yumi save olsem yumi inap long bungim ol kain hevi long bihain taim.

Gavman i mas wok klostu wantaim ol disasta opis na kamapim ol kain samting we i ken hariap tru long helpim ol lain bilong yumi husat i bungim hevi long ol wan wan provins.

**PIS  
POT MOSBI SITI**

**Papua New Guinea  
Companies Act 1997**

Act, Sec 378(3)

Company  
Number 1- 15499

### NOTICE OF INTENTION TO REINSTATE A COMPANY REMOVED FROM THE REGISTER OF REGISTERED COMPANIES

I, Kassin Chapan of P.O Box 332, Lorengau, Manus Province give notice that I intend to apply to the Registrar of Companies to reinstate Loreganu Engineering Ltd, a company that was removed from the Register of registered companies on 3 June 2002, and give notice that my grounds of application will be that

1. I, Kassin Chapan, is a shareholder and director of this company at the time of the removal of the company from the register and
2. The company is still carrying on business
3. The company should not have been removed from the Register.

This Notice has been approved by the Registrar Of Companies.

Dated this 25th day of September, 2007.

Signature Of person giving this notice.

  
Teap Goledu  
Registrar Of Companies

**NOTE: A person may within one month after the publication of this Notice, lodge with the Registrar of Companies an Objection and reasons thereof to the reinstatement of the defunct company in accordance with Section 378(3)(d) of the Companies Act 1997.**

Yu laik autim tingting bilong yu -  
Salim wanpela pas i kam long Edita long:

Ol Pas i go long Edita  
P. O. Box 1982 BOROKO NCD

Sapos yu save long email, yu ken salim pas bilong yu i kam long:  
[editorial@wantok.com.pg](mailto:editorial@wantok.com.pg)

Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa. Wantok i gat rait long katim o stretim ol pas bai em i bihainim olgeta lo bilong niuspepa.



**WANTOK**  
**KOMENTRI**

**Wok helpim i mas go stret**

BIHAIN long bikipela raun win i kam sua klostu long ol solwara bilong yumi na kamapim planti bikipela taim nogut na bagarap long ol nambis provins bilong yumi long Papua Rijen, planti wok nau i go het long bungim mani, kaikai na klos samting bilong helpim ol lain turangu long ol ples i kisim bagarap.

Tasol sapos yumi lukluk i go bek long ol arapela bikipela birua i bin painim PNG, i bin gat wankain wok i go het na bihain long ol wok fanresing, planti hap mani i no bin go stret long ol lain turangu. Em nau i bin kli'a olsem sampela i bin mekim fanresing wantaim bel bilong ol tru tru na ol arapela ol i bin mekim long kisim hap mani bilong ol yet.

Dispela kain pasin i no ken kamap nau long dispela birua i painim ol pipel bilong yumi long Oro na Milen Be.

Olgeta bikipela poro kantri bilong yumi i wok givim helpim long kaikai, long mani na long ol arapela kain sevis olsem marasin tu.

Planti ol pipel i stap nau long dispela hevi, em laip bilong ol i senis pinis. Planti i nogat haus, planti i nogat gutpela ples bilong slip, na nau mak bilong ol kain kain sik bilong doti wara i wok painim ol.

Olgeta ol dispela lain turangu i mas kisim wanem kain helpim yumi ol wan wan manmeri bilong narapela hap long kantri i givim.

Bikipela samting yumi mas tingim oltaim em birua bilong busgraun i nogat toksave. Sapos taim nogut i kamap, bai yumi no inap long redi gut.

Tasol long sait bilong gavman bilong yumi, long olgeta level, i mas i gat wok plen i stap long lukautim ol pipel insait long wan wan provins sapos taim nogut i painim ol.

Long wankain taim, gavman i noken ai op long ol bikipela bagarap i kamap nau tasol na lus tingting long ol bagarap i kamap bipo na i stap yet.

Ol pipel bilong Manam ailan i sindaun long haus sel yet long bikples Madang. Ol pipel bilong Rabaul i wok sindaun yet long ples bilong ol arapela.

Na ol turangu lain long Kimbe, husat i sindaun long ples bilong ol arapela as ples manmeri tu i stap yet long hevi.

I tru yumi wok painim gutpela taim long sait bilong mani insait long kantri nau. Na i tru olsem gavman i gat moa mani bilong skelim.

Tasol dispela skelim i mas ron stret. I noken wansait tasol.




**PNG Gems soim PNG em wan kantri**

WANPELA meri Papua Niugini (PNG) i bin kraik nogut tru long Lae taim bikipela pilai bilong PNG Gems i pinis. Em i kraik long wanem, tim bilong em lus o em amamas kraik. Olsem wanem?

Orait yumi ritim stori bilong em olsem em kraik bikos em pilim wanpela kain amamas tru long lukim olgeta manmeri bilong PNG i kam bung wantaim long dispela PNG Gems na pilai spot na amamas wantaim. Dispela PNG Gems i bungim olgeta manmeri bilong olgeta provins long Lae, Morobe Provins, na ol luksave na bung wantaim na kamapim gutpela pasin pren long narapela narapela.

Trupela tingting na wanbel bilong PNG i bin kamap long dispela taim we olgeta PNG manmeri kam bung wantaim olsem wan pipel, wan kantri na wan nesen.

Kraik bilong dispela meri PNG em stret na trupela as bikos yumi em wanpela pipel na wanpela kantri na taim yumi kam



bung wantaim yumi ken pilim bikipela amamas stret we yu no inap long tokaut stret bikos dispela amamas i bikipela moa.

Sapos yu stap tu long ovasis kantri na yu stap wanpela na taim yu bungim wanpela wantok PNG long hap, bai amamas bilong yu tupela moa yet. O taim yu lusim narapela kantri na yu laik kam bek na yu lukim Air Niugini balus sanap long dispela intanesenel ples balus bai yu lewa bruk stret na amamas tru.

Dispela kain bel o filings em i soim tru pasin bilong laikim narapela kantri manmeri bilong yu olsem yumi em wanpela pipel bilong wanpela kantri aninit long wanpela famili bilong PNG.

Ating dispela PNG Gems em wanpela gutpela rot tru bilong strongim na kirapim dispela

kain wanbel na luksave olsem yumi bilong wanpela kantri na yumi mas sanap wantaim long helpim na sori na givim.

Nau yumi lukim ol wantok bilong yumi long Oro Provins i kisim bikipela bagarap long hai wara i kam brukim ples na bagarapim planti samting. Ol manmeri dai na haus wantaim gaden na ol samting i bagarap nabaut. Em ol famili na pipel bilong yumi.

Nau yumi lukim olsem olgeta hap bilong PNG nau i wok long bungim han long givim ol helpim olsem kaikai, ol klos, wara, marasin na ol arapela helpim moa.

Orait, yumi gat dispela bel na tingting bilong PNG em wan kantri na wan pipel i stap pinis. Olsem na yumi mas soim long olgeta taim long taim yumi stap long komyuniti, long wok ples, long rot na maket ples na olgeta hap yumi raun.

Yumi noken wetim tasol taim bilong hevi i kamap na yumi soim dispela pasin o taim bilong bikipela pilai. Nogat.

Yumi mas soim olgeta taim.

Bikipela amamas go long ol lain i go pas long kamapim dispela PNG Gems bikos em i trupela spot we i bungim ol manmeri bilong PNG wantaim na ol luksave long wanpela arapela na amamas wantaim na kamapim gutpela prensip namel long ol yet. Em trupela as bilong wan pipel na wan kantri.

Yumi askim gavman na olgeta bisnis lain na komyuniti long saptim na strongim dispela PNG Gems i mas sanap strong na kamap gut long planti yia i kam bai em ken bungim ol pipel bilong yumi wantaim na strongim dispela trupela tingting bilong PNG. Tru olsem dispela gem i developim spot insait long kantri na tu em soim aut ol trupela kala bilong ol manmeri long wan wan spot ol pilai long en. Tasol insait tu em bikipela piksa bilong PNG i kam bung wantaim i kamap na soim klia.

**Jisas bai kam bek olsem wanem**

Taim Jisas i kam namba wan taim, em i kam olsem liklik pikinini na i no planti manmeri i lukim em o save long em i bin i kam. Tasol taim em i kam bek em bai i kam long ples klia. Em bai i kam wantaim bikipela lait na strong na olgeta manmeri bai i lukim em.

Jisas bai kam long ples klia. Jisas i no i kam bek long ples hait na bai ol manmeri i no inap lukim em. Nogat tru. Jisas bai i kam bek gen long ples klia. Ap 1:9-11 i tok olsem, "...taim em i lukluk i stap, em i go antap na wanpela klaut i haitim em na ol i no lukim em moa, em i go pinis na ol u lukluk yet long skai na wantu tupela man i sanap wantaim ol. Tupela i gat waitpela klos. Tupela i tok olsem, Yupela man bilong Galili bilong wanem yupela i sanap nating na lukluk i go long skai. Dispela Jisas nau God i kisim em na em i lusim yupela na i go antap long heven em bai i kam bek gen long wankain pasin olsem nau yupela i lukim em i go long heven."

Ol disaipel i lukim Jisas i go long heven long ai bilong ol yet. Na ol manmeri i lukim Jisas i lusim heven na i kam bek bai i lukim em long ai bilong ol. Ol Jehova Witnes i tok Jisas i no

**OL PRINSIPOL BILONG GUTPELA**  
wantaim Evangelist  
**OHARE JABERE**

inap kam bek long bodi, tasol bai em i kam bek long spirit. Ol i tok em i bin kam pinis long yia 1714 tasol ol manmeri i no bin lukim em. Dispela tok bilong ol i no poroman wantaim tok bilong Baibel Ap1:11 na Matyu 24:27.

Jisas i no inap kam long ples hait na bai yumi hat wok long painim em. Jisas yet i tok long Mt 24:23 na 26-27, "Sapos wanpela man i tokim yupela, lukim man God i makim bilong kisim bek ol ol manmeri bilong em i stap hia, o em i stap long hap, yupela i noken bilip long tok bilong ol. Sapos ol tokim yupela, lukim em i stap long hap i nogat man, orait yupela i noken go long dispela hap."

Na sapos ol i tok, lukim em i stap insait long dispela haus, orait, yupela i noken bilip long tok bilong ol."

Yupela i save taim klaut i lait, dispela lait i save kamap long hap bilong san kamap na ol i lait i go olgeta long hap bilong san i go daun. Orait pikinini bilong man bai i mekim olsem

tasol long taim em i kamap na olgeta manmeri bai i lukim.

Jisas i save olsem sampela man bai i kam na i wok long giaman ol manmeri na tokaut long ol olsem, "Mi yet mi Kraik."

Tasol yumi noken bilip long tok bilong ol. nogat. Taim Jisas i kam, bai em i kam long ples klia na olgeta bai i lukim. Kth 1:7 i tok, "Lukim. Em i stap namel long ol klaut na i kam na olgeta man bai i lukim em long ai bilong ol yet. Olgeta man i bin sutim em long spia samting ol tu bai i lukim em. Na olgeta manmeri bilong graun bai i tingting long em na ol bai i kraik sori moa yet. Yes dispela samting bai kamap. I tru."

Tok bilong Baibel i klia olgeta. Jisas bai i kam long ples klia. Baibel i tok, "Ol bai i lukim Jisas long ai bilong ol yet."

Yu noken ting sampela Kristen tasol bai i lukim em. Nogat. Baibel i tok, "Ol man i sutim em long spia bai lukim. Dispela tok long ol haiden na ol manmeri i no bin tanim bel na bilip long Jisas ol tu bai lukim em."

Taim Jisas i kam bek olgeta manmeri bilong olgeta hap graun bai lukim na bai ol i save long en. Baibel i tok, "Olgeta lain manmeri bilong graun bai i tingting long em." Taim Jisas i

kam em bai i kam long olgeta ples wantaim na ol haiden na ol Kristen wantaim bai i lukim em.

Jisas bai i kam wantu na ol bai i kirap nogut.

Taim ol bikman bilong graun i laik i go long wanpela ples ol i save salim planti toksave i go pastaim bai ol manmeri i ken redi na wetim em.

Tasol Jisas i laik yumi redi na wetim em long olgeta de. Em i no laikim ol manmeri i giaman tasol long bihainim em. Nogat. Jisas i laikim ol manmeri i karim hevi na i bihainim em long olgeta de. Dispela lain tasol bai i go wantaim Jisas.

Jisas i tok long em bai i kam bek gen. Tok bilong Jisas em i tru olgeta.

Tasol Jisas i no tokaut long wanem de tru bai em i kam bek. Ol stil man i no save tokaut long wanem de tru bai em i kam bek, olsem tasol Jisas i no inap tokaut long wanem de em bai i kam. 1 Te 5:2 i tok, "Yupela yet i save pinis. De bilong Bikipela bai i kam wankain tasol olsem stilman i kam long nait."

Sampela i lukim dispela tok long Jisas bai i kam olsem stilman na ol i tingim Jisas bai i hait na i kam na ol manmeri i no inap lukim em. Tasol dispela em i no as bilong dispela tok piksa.

**WANTOK**

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

**Ples:**  
PNG K220.00  
AUSTRALIA US\$110.00  
ASIA PACIFIC na JAPAN US\$150.00  
AMERICA na EUROPE US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.





Nupela Praim Minista bilong Australia: PRAIM Minista Ilekt, Kevin Rudd na Deputi Praim Minista ilekt, Julia Gillard (sanap baksait) i kamap long Canberra long Trinde dispela wik. Australia Labor Pati bai sindaun long namba wan kokus miting bilong ol long Palamen Haus tude long sanapim nupela gavman. (AAP Image/Andrew Sheargold)



PNG Radiocommunications & Telecommunications Technical Authority

PABLIK NOTIS

Moa namba i go antap long telepon namba bilong ol mobail telepon

PANGTEL i laik toksave long ol kastoma na ol man-meri bilong pablik olsem ol namba i save stap olsem telepon namba bilong ol mobail telepon i go antap moa long 7 i go inap 8. Dispela senis i bihainim nupela plen bilong gavman ol i kolim ICT Polisi 2007.



Olgeta mobail telepon namba nau bai gat 8-pela namba long en na bai stat wantaim wanpela lida namba olsem 7 - Em olsem; 7XXXXXXX (8-pela dijit o namba).

Ringim mobail sevis provaida bilong yu long kisim moa toksave na tok klia.

Tok orait i kam long: Charles S. Punaha Ekting Dairekta Jeneral

I nogat inap loya long PNG

WANPELA top Papua Niugini (PNG) loya i tok olsem i no gat inap hap bilong pipel i ken go na kisim helpim long lo long Opis bilong PNG Pablik Solisita, long wanem i nogat inap loya.

Firmin Nanol i ripot olsem Opis bilong Pablik Solisita bilong PNG i makim ol sitisen long kot long ol sivil na kriminel ofens o kes husat i no inap long baim ol praivet loya.

Pablik Solisita, Frazer Pitpit i tok, ol fes taim ofenda i save go stret long polis rum gat na kalabus long wanem i no gat inap loya bilong makim o apil bilong kisim beil.

PNG Jastis Minista, Allan Marat i tok, ol pipel i nogat save long ol lo na long dispela tasol ol i kamapim moa trabel, na i apim ol hevi bilong lo na oda.

Loya bilong Fatiaki laikim ol i holim pastaim sas bilong em

LOYA i makim Sif Jastis bilong Fiji, Daniel Fatiaki, husat ol i bin pasim em pastaim long wok i tok, Traibunel i wok long mekim wok painimaut long em i mas stop pastaim i go nap long ol i pinisim wanpela Hai Kot salens.

Traibunel memba na jas bipo bilong Hong Kong, Jastis Raymond Sears i tok, Traibunel bai go hef long wok.

Loya bilong Jastis Fatiaki, Graham Leung i tok, i no gat wanpela Statutory or ligel as long we ol i bin putim wantaim dispela Traibunel.

Em i bin tokim Pacific Beat olsem, gutpela we bilong mekim samting em long holim pastaim ol wok bilong Traibunel.

Ol i bin pasim Jastis Fatiaki long wok bilong em olsem Sif Jastis long mun Janueri dispela yia long ol toktok, long em i bin abrusim takis na i mekim samting em i no wanbel wantaim Independens bilong Judisari.

Frans helpim Oro Provins

WANPELA Frans (French) ami CASA balus i karim ol saplai bilong helpim ol pipel i lusim pinis Niu Kaledonia long i go long Oro Provins bilong Papua Niugini (PNG).

Ol i ripot long moa long 200 pipel i dai long provins em bikpela ren we raun-win o Saiklon Guba i bin bringim 10-pela de i go pinis.

Oceania Flash i ripot olsem, balus i wok long karim ol saplai olsem, marasin, marasin bilong klinim wara, kaikai na klos.

Frans Hai Komisn long Niu Kaledonia i tok, Frans Gavman, Nu Kaledonia, em Sauten provins bilong em na sampela non gavman ogenaisesen (NGO) i bin bungim ol saplai.

Ol Frans atoriti i tok, ol mekim dispela bihainim askim ol i kisim i kam long PNG Gavman, husat long wik i go pinis i bin tokaut long wanpela Stet Ov Imejensi long Oro Provins.

Ol i no save huat i gat namba bilong lukautim Solomons Palamen

MOA long tupela wik bihain long ol hevi bilong politiks long Solomon Ailans, ol i no save sapos Praim Minista o Oposisen i gat bikpela namba bilong ol Memba bilong lukautim Palamen.

Pasifik niusman, Campbell Cooney i ripot olsem, Gavana Jeneral bilong kantri i bin tokaut long palamen i mas holim bung pastaim long pinis bilong dispela yia bilong stretim dispela hevi.

Bihain long 9-pela minista bilong em i bin risain tupela wik i go pinis, Praim Minista Manaessah Songavare i no laik Palamen i holim bung, na 5-pela long ol wok bilong minista long gavman bilong em i stap nating.

Mista Sogavare i tok, em i gat bikpela namba bilong ol memba long sait bilong em.

Oposisen i tok, em i bilip em i gat namba, na i tok sapos Praim Minista i gat em bai larim Palamen i holim bung bilong holim vot long lidasip bilong em, na em i bin nap putim ol nupela minista long kisim ples bilong 5-pela.

Gavana Jeneral, Sir Nathaniel Waena i bin tok palamen i mas holim bung long Desemba 13 long vot long baset bilong yia bihain, na bilong pinisim hevi bilong politiks.

Atoni Jeneral, Julian Moti i bin putim askim i go long Hai Kot bilong Solomon Ailans na salensim dispela de.

Mista Sogavare i bin tok, sapos Palamen i mas holim miting pastaim long pinis bilong yia, de em i laikim em long Desemba 31.

NZ PM i no ting bai gat bikpela senis wantaim nupela Aust PM

PRAIM Minista bilong Nu Silan (New Zealand), Helen Clark i tok em i no ting bikpela senis bai kamap namel long ol wok pren wantaim Nu Silan na nupela gavman bilong Kevin Rudd bilong Australia.

Em tu i tok welkam long promis Australia Leba gavman i mekim long 'climate change'.

Nu Silan correspondent Peter Lewis i ripot tupela lida bai i nogat sans long bung i go inap long bung tupela kantri i save holim long olgeta yia.

Dispela bung bai kamap long Nu Yia.

Mis Clark i tok Kevin Rudd i gutpela long wanem em i gat wokbung polisi na ol gutpela senis na i no gat dispela ol bikhet tingting, we em i no bin kamapim gutpela wok pren namel long Wellington na Canberra.

Tasol em i no bin kolim nem long husat ol Praim Minista taim em i ol bikhet lain.

Mis Clark i tok, olsem wanpla diplomat bipo, Mista Rudd i save gut long ol Nu Silan long long em i mas wokbung wantaim Australia long sekyuriti insait long rijen na gutpela wok gavanens.


Na em i bilip, tupela kantri bai gat gutpela wok pren long sait bilong foren polisi na i no wansait wok em ol i bin bungim wantaim gavman bilong John Howard.



Raun wantaim ol Meri na Pikinini



**SAVE LONG OL RAIT:** Leah Kelo, wanpela gret 8 sumatin long Hohola Demonstresen skul, long Mosbi i sanap makim ol skul pikinini na toktok long Intanesenel De bilong ol Pikinini.



**NOKEN BAGARAPIM OL PIKININI:** Komyuniti Developmen Minista, Dame Carol Kidu wantaim tupela i makim ol yangpela, Margarita Harao na Nes Weroa long autim bilong UN Ripot long Vailens Agensim ol Pikinini long Mosbi las wik.

Poto: Nicky Bernard



**GUTPELA BUNG LONG BUKA:** Ol Yunaitet Sios mama i wetim balus bihain long bung bilong ol long Buka, Bogenvil.

Poto: Sylvester Fred

# God i wokim ol manmeri na em yet inap senisim ol

Pasin bilong ol man long paitim ol meri bilong ol i save kamap taim yumi save marit long laik, save na tingting bilong yumi yet na i no laik na pasin bilong God (Agave Love).

Pasin bilong ol man i paitim ol meri bilong ol i bikpela hevi tru insait long Papua Niugini (PNG). Dispela i kamap olsem wanpela hebit o samting we i save kamap olgeta taim namel.

I gat kainkain as tingting na pasin bilong paitim meri. Sampela man i paitim meri bikos pasin hait bilong ol i kotim ol na ol i givim pen long ol meri bilong haitim rong na sem bilong ol. Sampela man i paitim meri bikos meri i asua o pasin bilong meri i no gutpela long man yet o long famili bilong man. Sampela man i paitim meri bikos ol man bilong jeles long meri o meri i save jeles tumas long ol. Arapela man i paitim meri bikos ol i no laikim meri bilong ol i kamap o kisim biknem o holim wok mani na planti narapela moa as.

Tasol mi no laik stori long lo i tok wanem long kain hevi olsem na kamapim ol risets

tok wanem long ol as ol man i save paitim meri. Mi laik stori tasol long laik testimoni bilong mi na rot God i stretim marit bilong mi na mi lukim gutpela sindaun nau long famili bilong mi. Na mi no moa bungim kain hevi bilong pait inap 7-pela yia nau.

Mi kam aut long marit hevi we, pasin bilong pait namel long famili em i bikpela tu. Mi kam long famili histori we mipela i ol strongpela Luteran. Tasol pasin bilong pait namel long famili i save stap maski mipela i lotu manmeri. Bikos long dispela hevi na ol narapela hevi we i kam wantaim long famili bilong mi, mi ting marit laik em i gutpela na mi noken stap na lukim hevi mama bilong mi i bungim long olgeta de.

Orait mi bin marit, na insait long 10-pela yia, mi bungim planti hevi bilong marit. Pasin bilong dring spak i save kirapim pasin bilong paitim meri.

Long bel bilong mi, mi laikim gutpela sindaun i mas kamap long marit bilong mi tasol man tu i gat pasin bilong em. Maski mi lotu tasol dispela lotu bilong mi i no stretim dispela hevi.

Arapela taim mi kros pait wantaim man. Bikos mi wok mani, mi no pulim taitim kros tumas bikos mi inap sapotim mi yet na ol pikinini. Tasol tingting i save kilim mi olsem wanem na God i no harim prea bilong mi na daunim o stretim dispela kain nogut pasin ol man i save mekim long ol meri?

Planti taim yumi marit long laik na save bilong yumi manmeri olsem na hevi i save bungim yumi. Yumi lukim nus, pes, mani, kago, bilas, mani bilong man o meri na yumi aigris mangal na marit. Sapos yumi marit bihainim we na laik na pasin bilong God, mi no ting bai i gat pait insait long marit. Bai i gat liklik belhevi, tasol oltaim bel isi we Spirit bilong God i save kamapim, bai daunim pasin bilong kirapim bel kros na bringim gutpela sindaun long famili.

Mi traim long lukim ol pasto na pater na mi go lotu long daunim dispela pasin bilong paitim meri na arapela wari i stap long mi tasol, ausait mi giaman. Samting tru, wari i wok long kilim mi isi isi.

Ating mi pinisim olgeta saveman bilong dispela

graun olsem, loya, polis, dokta, welfea opisa, kaunsila, pasto, na bisop long stretim dispela hevi. Tasol hatwok bilong mi i lus nating.

Long Wod 6 bilong Pot Mosbi Jeneral Haus Sik, Krismas de 2004, dispela tok tru bilong Tanim bel, kisim baptais na God bai givim yu Holi Spirit, (Acts 2:38/John 3:3-5/ Mathew 6:33) i bungim mi.

Mi no givim baksait, mi bihainim dispela tok tru na mi mekim bihainim tok bilong God long Baibel na mi lukim God i senisim laik bilong mi. Em mekim gut marit bilong mi, wokmani bilong mi we man i traim long rausim mi long wok long jeles pasin. I nogat pasin bilong kros pait long marit na God i senisim man bilong mi tu.

Mi laik tokim yu husat man o meri, God tasol i wokim man na meri na em yet i save long rot bilong stretim o senisim man o meri. Yu ken lotu man o meri tasol long pasin bilong lotu tu bai yu no inap helpim yu. Yu i mas bihainim rot bilong kisim malolo i stap insait long Baibel.

## Bikpela hevi long bagarapim ol pikinini insait long famili na komyuniti

Veronica Hatutasi i raitim

YUNAITET Nesens (UN) stadi ripot long "Vailens Agensim ol Pikinini" ol bin autim long dispela wik Tunde i soim olsem ol famili na sosaiti i kamapim bikpela bagarap na ol pasin nogut long ol pikinini.

Na ol dispela bagarap i wankain long olgeta hap bilong wol.

Long autim bilong ripot ol i bin bungim long olgeta kantri long wol stat yet long yia 2003 Dokta Jacqui Badcock i makim maus

bilong UN i bin tok nogat wanpela kantri long wol i bin tok em i nogat hevi long bagarapim ol pikinini. Na olgeta rijen long wol i luksave long ol rekomendesen o ol samting we ripot i tok ol kantri i mas mekim long stretim dispela hevi, we stadi ripot i kamap wantaim.

Dokta Badcock i tok bihainim stadi ripot, ol i kari-maut wok awenes long dispela hevi long ol pikinini planti taim em i stap hait na i no save kamap long ples klia. Na tu, long mekim ol

gavman na sivil sosaiti go hetim ol dispela eksen plen o wok.

Dispela ripot i bin luksave long ol dispela bagarap i save kamap long ol pikinini long olgeta hap bilong wol olsem fisikel vailens o paitim ol, mentel o bagarapim tingting bilong ol, seksual o holim ol nabaut long sem bilong ol o mekim ol sliip wantaim ol, stilim na kisim i go long narapela hap, mekim ol mekim pasin pamuk, na sampela tum-buna kastom we i no gutpela olsem katim sem

bilong meri na marit taim ol pikinini meri i yangpela tumas yet, i no lukautim ol pikinini.

Ripot i tok tu olsem planti vailens o bagarap i save kamap insait long haus na famili yet, long skul, ol ples olsem kalabus na ples bilong lukautim ol pikinini taim ol papamama i dai, long wokples na komyuniti.

Ripot i tok ol gavman long wol i mekim strongpela wok long daunim vailens agensim ol pikinini na wokim ol plen long karimaut ol rekomendesen.

Ol Wantok Stap AIDS Fri - Wina #1: STANLEY WANGI, PO BOX 536 MAPRIK, ESP

Wina #2: ALBERT AKMA, PAUP KOMYUNITI SKUL, AITAPE, SANDAUN. Wina #3: FRANCIS BARI, DISTRIK TREASURY, AITAPE, PO BOX 152, AITAPE, SANDAUN.

Olgeta winas mas ringim Darren Stocks or Maila Kidu long Airlines PNG - Phone: 325 2011 Ext: 154 or 161



## "WANTOK STAP AIDS FRI" 2007 KUPON KOMPETISEN




Stap insait long Krismas bonas dro na winim K300 kes moni, FTC Musik CD's na Kasets wantaim Mini Stereo Plaia bilong CD/ Kaset na Mobail fon. DRO DE: FRAIDE, Disemba 14th, 2007

Raitim ol ansa bilong yu na salim kupon i kam long: WSAF KEMPEN, P.O.Box 961, Boroko, NCD.

Tel: 325 4718 Mobail: 682 5865

Kamap wanpela fri netwok kempen memba bilong "Friends That Care (FTC) Production. Ringim mipela nau long painimaut moa.



PNG MICRO-FINANCE LTD Helpim Yu Long Lukautim Yu Yet



The Printing Haus

Question: Q44: Pri Tes Kaunsiling em i wanem samting?

Answer: -----

Name: ----- Sex: ----- Age: -----

Address: ----- Contact: -----





**TELIKOM PNG LIMITED**  
"our communication company"

**"B" Mobile Post-Paid**

# International Roaming

**NOW YOU CAN ROAM IN AUSTRALIA USING "B" MOBILE POST-PAID SERVICE to:**

- SMS to PNG.
- Call from Australia to Rest of the World.

**COMING SOON ARE FOLLOWING COUNTRIES;  
South Korea, Singapore and Malaysia.**

**LOOK OUT IN THE PAPERS  
for other countries...**

## **Be free. Roam the world.**

**ANOTHER REASON WHY YOU SHOULD STICK WITH TELIKOM PNG**

*Always there!*








# Intanesenel Wol AIDS De - 1st Desemba




# Stopim AIDS




**Holim Promis**

**Lidasip**





# Gavana Jeneral i laikim lidasip long sik HIV na AIDS



Gren Sif Sir Paulias Matane, Gavana Jeneral bilong Papua Niugini.

"Bikpela askim bilong lidasip eksen long rispons long sik HIV na AIDS"

**P**apua Niugini i bungim wanpela bikpela HIV birua, na dispela em i wanpela gutpela taim long askim yumi olgeta long wok bung wantaim na wok hat long daunim dispela sik.

Het tok bilong Wol AIDS De bilong dispela yia: Stop AIDS-Tingim Promis- i gat bikpela laikim, moa yet long ol lida long strongim rispons o wok ol i mekim long daunim dispela sik

long dispela kantri. Bikpela tingting bilong lidasip long rispons long HIV, olsem long olgeta samting, em mekim wanem samting em i stret na tingim ol pasin olsem sekyuriti bilong ol wan man na meri na ol famili, soim luv na rispek, givim ol sans bilong ol man na meri long gro, bai ol i gat as long stap laip.

Ol gutpela lida i save makim, promotim na

divelopim ol narapela lida. Dispela em ol lida husat i bai mekim visin bilong sosaiti we i save daunim sik HIV na AIDS, na i ke long ol dispela husat i gat AIDS, i kamap stret.

**Ol gutpela lida save mekim wanem?**

- Go pas na kirapim senis namel long ol narapela
- I gat visin, na soim rot

bilong bihainim namel long ol pipel bilong ol

• Kamapim ol tim bilong mekim wok namel long ol pipel bilong ol

• I gat gutpela infomesen, i save skelim ol samting gut, na i gat planti ol gutpela we long stretim ol hevi

• I save toktok wantaim ol pipel na mekim ol mekim ol gutpela wok; na,

• I ol gutpela piksa long ol pipel bilong ol na i gat ol

gutpela na stretpela pasin Tasol, ol lida i no olgeta taim i save stap long ol bikpela opis. Lidasip i mas i stap long olgeta levul long i go pas long dispela sik - long ol famili, ol komyuniti, ol kantri na ovasis.

Wantaim dispela, yumi i mas tingim ol tok stia bilong bikpela Indian saveman, Mahatma Gandhi, husat i bin tok: "Yumi i mas kamap on senis yumi i laik lukim"

## Bikpela toktok bilong Honorebol Praitim Minista bilong PNG, Gren Sif Sir Michael Somare GCL GCMG CH CF KStJ long tingim bilong Wol AIDS De, Desember 1, 2007.

**T**ude taim mipela tingim Wol AIDS De, mipela i kisim dispela taim long tingim ol dispela husat i dai long HIV na AIDS, ol dispela i stap wantaim dispela binatang o vairus na ol famili bilong ol.

**E**m i taim long tingim wanem mipela olsem wanpela kantri i mekim pinis na i mas go het long mekim log daunim dispela sik.

Planti bilong mipela i lusim ol pipel husat i dia tru long mi long HIV na AIDS. Namba bilong ol kes i save go antap olgeta yia taim mipela i kamap

wantaim ol nupela we tu long painim dispela sik. Taim namba bilong ol kes i go antap em i putim narapela hevi long ol risos, ol wokmanmeri na ol fasiliti long ol haus sik.

Papua Niugini i no inap putim planti tausen Kina olgeta yia i go long privensen na kontrol o daunim bilong HIV na AIDS.

Em i taim long glasim gen na lukluk gut long wanpela gavman na ol stek holda bilong en long ol HIV na AIDS privensen program i putim pinis.

Em i no wok bilong lida tasol long stretim dispela hevi. Olgeta komyuniti i mas mekim wok.

Sapos yumi bung wantaim olgeta sekta bilong komyuniti bai yumi inap daunim dispela sik.

Yumi olgeta i ol lidas. Na yumi i mas soim gutpela piksa.

Mipela i mas tok no long ol pasin we inap kamapim HIV na AIDS. Ol yangpela na i no strong planti taim i ol lain husat ol narapela i save rabisim na paitim na bihain ol

i save kisim dispela sik.

Yumi no inap tok yumi i no save long AIDS moa. Yumi i no inap hait.


Ol komyuniti bilong yumi i no inap sutim tok long pasin sanguma na kilim ol lapun meri taim ol pipel i dai long HIV na AIDS. Dispela kain rabis pasin i mas stop. Mi askim olgeta lida bilong ol eria we dispela kain samting i wok long kamap long strong na stopim long kamap.

Mipela olsem ol lejisleta, i gat wok long kamapim ol lo we i ken lukautim na helpim ol

pipel bilong mipela. Gavman i wok long putim mani long baset o mani plen yet long wok bilong daunim HIV na AIDS.

Gavman na ol pipel bilong PNG i bung wantaim ol narapela hap long wol long tok promis long mekim wok long daunim - na wanpela de-stopim olgeta dispela sik.

Long Wol AIDS De dispela yia, yumi i mas karimaut tok promis na mekim wok bilong mipela na soim lidasip long privensen na daunim bilong HIV na AIDS.



Gren Sif Sir Michael Somare.

## Lidasip bai kamapim senis, het meri Midia i gat bikpela wok long HIV wok bilong AusAID long PNG i tok



Mis Thomas.

**E**m i hat long mi painim wanpela narapela het tok bilong Papua Niugini long Wol AIDS De. Dispela we ol i makim pinis bilong dispela yia, em i gutpela. Lidasip.

Strongpela lidasip bai stopim kalap bilong sik HIV na AIDS na strongpela lidasip bai lukim ol komyuniti long PNG i soim rispek long ol pipel

husat i stap wantaim sik HIV na AIDS long PNG na i no rabisim ol.

I gat planti wok long mekim tasol planti wok i wok long kamap nau yet tu na mi amamas tru long we Australia i wok long helpim sapatim lidasip bilong Nesenel AIDS Kaunsil Sekretariat (NACS) long dispela isyu.

Long Sanap Wantaim Program, Australia i wok wantaim planti ol patna, gavman na non gavman, na i lukluk moa yet long PNG Nesenel Strategik Plen long HIV na AIDS.

Sapot bilong Australia i karamapim planti ol wok we PNG i go pas long en olsem privensen, tritmen, ke na ol sapot wok. Mipela i sapatim tu ol lidasip na rises program. Dispela yia wantaim

Lidasip Sapot Inisiativ, mipela i holim ol woksop bilong ol nesenel na provinsel gavman politisen na wokmanmeri. Bikpela tingting bilong ol dispela woksop em long kisim isyu bilong HIV na AIDS i go insait long wok ples na sinia levul na long ol dispela pipel long lukim olsem ol dispela isyu i kamap wanpela namba wan wok bilong ol.

Na taim dispela rispons long HIV na AIDS i wok long kamap long nesenel levul na NACS i go pas long en, mipela i luksave tu long lidasip we ol lain long ol non gavman eria i wok long soim.


I gat planti ol non gavman ogenaissen husat i wok long wok hat long ol eria bilong privensen, trit-

men, kaunsiling, testing, na givim ke na sapot long ol pipel husat i stap wantaim HIV na AIDS.

Planti bilong ol dispela grup i no save kisim planti fanding na fomol sapot tasol dispela i no save stopim ol long mekim wok ol i save mekim.

Australia bai sapatim yet PNG long dispela bikpela salens na moayet long ol program we i lukluk long stopim vailens o pait pasin agensim ol meri na stigma na diskriminesen agensim ol pipel i stap wantaim HIV na AIDS.

HIV na AIDS i ken bagarapim tru ikonomi na sosaiti bilong kantri, tasol sapos mipela i wok bung wantaim na i gat strongpela lidasip mipela i ken kamapim sampela senis.



Mis Kini.

**M**idia o ol niuslain i gat bikpela wok long wok bilong daunim HIV na AIDS o HIV rispons long sait bilong awenes na infomesen diseminesen o tilim infomesen, tasol em i mas mekim moa wok advokasi tu.

Vais Presiden bilong Midia-Kaunsil, Sisa Kini, i tok: "Mipela i lukluk tumas long awenes na mipela i lus tingting long advokasi."

Mis Kini i tok het tok bilong Wol AIDS De-Tingim Promis - Lidasip, em i gut-

pela na tru olsem planti taim midia i ken mekim wok awenes tasol, na infomesen diseminesen, em i mas lukluk long mekim wok advokasi.

Midia i mas mekim moa na ripotim ol HIV isyu na kamapim ol HIV awenes program na yusim ol patna bilong en long tilim ol HIV infomesen.

Mis Kini i luksave long wok bilong Midia Kaunsil long i go pas long wok bung wantaim ol patna long helpim ol long ol kainkain wan wan HIV/AIDS program bilong ol.


Em i tok wok kaunsil i wok long mekim wantaim ol memba na patna bilong em olsem Bisnis Koalisen Agens HIV na AIDS (Baha) long sait bilong wok ples polisi na sapot bilong ol long HIV program bilong Helen Samilo Stori long EMTV em sampela bilong ol gutpela wok.

Em i tok midia i mas askim ol kwesten bilong wanem na ol sistem, olsem helt sistem i no wok?

Mis Kini i tok ol sevis go long ol pipel moa yet long ol ruel eria i ken kamap gut moa sapos i gat strongpela wok advokasi, tasol tu wok bung wantaim bilong olgeta ol lida i bikpela samting long pait agensim HIV na AIDS.



# Intanesenel Wol AIDS De - Desemba 1, 2007



## TOKTOK I KAM LONG HONORABEL SASA ZIBE, MP LONG MAKIM WOL AIDS DESEMBA 1, 2007

### Dia pipel bilong Papua Niugini,

Long makim Gavman bilong Papua Niugini na Nesenel AIDS Kaunsil na Sekreteriet (NACS), Mi Hon. Sasa Zibe, Minista i bosim Helt na HIV/AIDS i laik kisim dispela taim long tok tenkyu long olgeta wan wan long yupela na ol ogenesesen i stap insait long pait agensim HIV/AIDS birua we i wok long go bikpela moa insait long Papua Niugini. Tude, Papua Niugini i bung wantaim olgeta arapela kantri long wol long makim na givim luksave long Wol AIDS De 2007. 'Het tok' bilong dispela yia em Soim Lidasip long Pait Agensim HIV/AIDS.

Las yia ol wol lida i bin kisim luksave long strongim bihainim ol tok promis bilong ol long givim sevis long daunim groa bilong dispela sik na daunim namba bilong ol manmeri i wok dai long sik AIDS. Dispela yia i makim tupela ten (20) yia long wok PNG i mekim long daunim dispela hevi bihainim long namba wan manmeri i bin kisim dispela sik long 1987.

### Sindaun bilong sik HIV/AIDS tude

Maski bikpela wok tru i kamap long wol long sekim olsem ol lida i wok long bihainim ol tok promis bilong ol long stopim groa bilong HIV, em i no wok bungim mak bilong em. I kam inap tude, wol i lusim pinis ova 25 milien pipel long dispela sik AIDS na 4.3 milien samting i gat dispela binatang bilong HIV. Long Papua Niugini sindaun i wankain tu.

Bihain long mipela i bin painim namba HIV/AIDS kes long 1987 na i kam inap long pinis bilong mun Desemba, 2006, namba bilong olgeta manmeri i gat HIV/AIDS i bin sanap olsem 18, 484 we 8530 em long ol man na 8834 em long ol meri. (Estimation Report, 2007).

HIV/AIDS nau i kamap olsem wanpela bikpela sik nogut i stap namel long olgeta manmeri olgeta taim insait long Papua Niugini. Namba wan bikpela rot long dispela sik i kalap em taim ol man i slip wantaim meri o meri wantaim man, bihain mama i go long pikinini, we i wok long go antap moa nau.

Insait long Pasifik, Papua Niugini i go pas long namba bilong ol sik bilong kuap. Dispela sik nogut i wok long go bikpela moa insait long ol bus ples we strong bilong em tru bai go moa yet long yia 2008. Bikpela namba bilong ol dispela sik ol i ripotim pinis i kam long ol yangpela manmeri. Moa yet ol yangpela meri i wok kisim dispela sik taim ol i yangpela yet. Moa long ol man. Namba bilong ol pikinini i lusim papamama long dispela sik AIDS i wok long go antap tu. Kalap bilong HIV binatang nau mipela i lukim i wok long groa hariap moa long Papua Niugini na olgeta arapela hap long wol.

### Bai yumi mekim wanem nau?

I Bikos i nogat wanpela marasin bilong kilim dispela HIV na AIDS, yumi mas wok hat na strongim kempein bilong yumi long privensen o



Helt Minista Sasa Zibe.

banis long en.

I Papua Niugini i gat wanpela Nesenel Stratejik plen long HIV/AIDS 2006-2010. Long dispela Plen bai ol wan wan ol sekta i strongim pait agensim HIV/AIDS wantaim ol wan wan wok progrem bilong ol.

I Mi lukim tu olsem Edukesen o skul long Banis long HIV em i bikpela samting tru long dispela kantri bikos ol pipel i save kisim dispela sik na laip bilong ol i save bagarap long stat yet bikos ol i nogat inap save long en.

I Yumi mas kamapim moa wok awenes o wok skul i go insait long ol bus ples tru bilong Papua Niugini Mipela i mas makim olgeta toksave bihainim savemak bilong wan wan ol grup. Olsem insait long ol skul, skul tok long noken kuap bai mobeta. Ol pikinini i mas klia long ol gutpela kaikai ol i ken kisim sapos ol i no kuap hariap inap ol i redi long marit na stap strong long bihainim. Ol sios tu i mas sanap na go pas long dispela toksave bilong stap strong wantaim wanpela na noken kuap hariap. Em i mobeta long tisim ol dispela tok skul.

I Mi amamas tu olsem

Dipatmen bilong Edukesen i wok kamapim wanpela karikulum bilong trenim ol tisa long skulim ol sumatin long HIV/AIDS long olgeta level stat long elementary i go inap yuni-vesiti level.

I Mi amamas tu olsem ol sekta i wok strongim bekim bilong ol long daunim hevi bilong AIDS na pasim ol rot bilong dispela binatang i ken kalap i go insait long wan wan ol sekta bilong ol.

I Mi laik askim olgeta long stat long sekim ol HIV/AIDS kempein plen ol i wok yusim insait long kantri nau bai ol i ken luksave olsem ol i mekim wanem ol i tok ol bai mekim. Sampela ol plen i ken kamapim hevi long komyuniti na dispela i ken kamapim ol arapela moa hevi mipela i no klia long en. Em i bikpela samting long skelim gut olgeta toktok bai ol i mas helpim na i no bagarapim.

I Yumi noken wok bihainim antap tingting tasol olsem plan- ti i save mekim taim ol i laik banisim ol yet long HIV. Ol pipel insait long komyuniti i gat bekim long kain pasin bilong ol. Wantaim dispela, mi amamas olsem wok risets i sanap pinis bilong PNG long strongim ol namba na save bilong en long luksave long ol hevi i stap nau. Dispela i mas kamapim bai ol wok bilong yumi i ken stretim ol hevi bilong HIV/AIDS insait long kantri we i bihainim ol wok painimaut i gat namba bilong ol.

I Mi askim Nesenel AIDS Kaunsil na sekreteriet bilong em wantaim helpim i kam long ol dona patna long glasim bek ol progrem na skelim strong

bilong ol bai yumi noken west- im o tromoi nating ol risoses bilong yumi.

### Lukluk bagarapim ol arapela

I Pasin bilong bagarapim o rabisim ol arapela em i samting yumi olgeta i mas paitim. Em i wok kisim luksave insait long HIV/AIDS Menesmen na Privensen Ekt 2003. Mipela i no inap long rausim ol wan famili bilong yumi i gat dispela sik. HIV/AIDS binatang i no save kalap olsem ol arapela sik olsem skin poks, sik tomato o sik tibi (TB). Em i save strong moa long taim bilong kuap olsem na yumi mas stretim pasin bilong yumi long kuap na ol arapela wankain pasin.

### Stap i go pas long HIV/AIDS sik - I mas gat ol strongpela lida

Spit long gro bilong HIV/AIDS i nidim strongpela lidasip long olgeta level insait long olgeta wokabout bilong laip sapos em bai gat gutpela bekim long HIV/AIDS.

Mipela i lukim na kisim skul long ol arapela kantri i bin win long daunim mak bilong HIV/AIDS. Na as bilong ol gutpela wok ol i kamapim em LIDASIP. Ol pipel i save harim tok tok bilong ol lida bilong ol na ol lida yet i bin inap long makim mani na ol arapela samting long strongim sindaun bilong ol long sait bilong givim sevis.

Taim mi toktok long lidasip, mi minim lidasip insait long olgeta wan wan sekta na lidasip long olgeta level. Mipela i wok wantaim wanpela mali

sektoral bekim na ol lidasip long olgeta level insait long ol sekta i mas makim ron na kamap ol rol modul long strongim dispela pait.


Yu na mi em ol sempion bilong tude. Yumi mas holim han wantaim na stopim groa bilong HIV transmisen na daunim bagarap bilong AIDS insait long Papua Niugini.

Tasol wok bilong lidasip i mas stat insait long haus na insait long ol famili insait long olgeta sekta bilong komyuniti bikos HUV/AIDS em i wanpela samting i save kamap long ol arapela hevi, we mi bilip, i save kamap taim sindaun long haus i no gutpela. Ol dispela hevi em papamama i save pait oltaim, ol i save bagarapim ol pikinini na lus ting long ol, nogat dis- aplin na poveti o nogat gutpela taim na sindaun.

PNG gavman i go pas long strongim lo na polisi bilong daunim dispela sik. Antap long dispela em i givim luksave long HIV/AIDS olsem wanpela developmen hevi na i givim luksave long en aninit long Midium Tem Developmen Stretaji. PNG i mas go pas long stretim ol hevi bilong ol man na meri na moa yet domestic vailens na drak we i wok long strongim dispela sik namel long ol yangpela bilong yumi. Ol pipel i save kisim drak, kuap taim i nogat banis, kuap ausait long marit, kuap taim ol i yangpela tumas, kalt pasin na spak, na long olgeta dispela ples, ol meri na pikinini i save karim hevi moa long ol sik.

Maski dispela sik i luk olsem em i sindaun strong pinis na i wok long groa yet, i gat planti

## Mekim pait agensim sik AIDS pait bilong yu



NCD Gavana Powes Parkop.

NCD Gavana i askim ol lida long mekim pait agensim sik HIV na AIDS pait bilong ol

Ol lida long olgeta level i mas mekim pait agensim sik HIV na AIDS pait bilong ol, Nesenel Kapitel Distrik (NCD)

Gavana Honorebol Powes Parkop i tok long wanpela Lidasip Bung i no longtaim i go pinis.

NCD Provinsel AIDS Komiti (NCD PAC) i bin kamapim dispela bung long Holide Inn Hotel we i wanpela wok we i kamap pastaim long luksave bilong Wol AIDS De long Sarere, Desemba 1, 2007.

Mista Parkop i tok: "Het tok bilong Wol AIDS De: Stop AIDS - Tingim Promis - Lidasip em i we long pait agensim sik HIV na AIDS na ol lida long olgeta level, nesenel o komyuniti, i mas mekim dispela pait, pait bilong ol. Em i no wanpela medikel o spiritisel isyu tasol."

Mista Parkop i tok olsem i gat bikpela nid long olgeta

pipel long wok bung wantaim na wan wan i mas mekim komitmen long kamapim senis. Tasol em i tok ol pipel i mas noken ting olsem ol i no inap win. "Noken ting olsem mipela bai lus, sapos yumi laik win, yumi i mas tingting olsem yumi bai win na wok bung wantaim.

Em i tok tu olsem olgeta lida i mas i go pas long helpim long sait bilong akauntabiliti na transparansi o kliapela na stretpela pasin.

Mista Parkop i tok tu olsem i mas i gat gutpela lidasip long dispela taim. Em i tok em bai putim K20,000 long baset o mani plen bilong NCD PAC long luksave long Wol AIDS De.

Ol narapela komitmen Mista Parkop i mekim em long mekim sabmisin i go long NCD Bot long apim mani bilong baset bilong NCD PAC long K250,000 i go long K500,000. Em i tok em i bai helpim Pasto Daniel Hewali long posision bilong em olsem Siaman bilong NCD PAC.

Mista Parkop i tok tingting bilong mekim lidasip Wol AIDS De het toktok bai strongim lidasip long rispons long sik HIV na AIDS long olgeta level na sekta bilong sosaiti na hop em bai kirapim tingting na bel bilong ol wan wan man na meri long mekim ol wok bilong daunim dispela sik long ol kankain wan wan grup bilong ol long olgeta level.

## Gutpela lidasip em rot long bihainim - I gat Hope Inc.

Het tok lidasip em i wan- pela gutpela kar long draivim long rispons long HIV, tasol, lidasip stability (we i no save senis o surik na i save wanem mak stret em i laik kamap long en) em i ki bilong statim kar sapos yumi i laik ron i go, I gat Hope Inc. Kodineta, Anne McPherson i tok i no longtaim i go pinis.

Misis McPherson i tok: "Olsem wanpela ogenesesen mipela i wari long ol humanitarian nid na bikos lidasip i wanpela bikpela samting long wok bilong mekim ol disisen na polisi, lidasip stabiliti i mas stap long olgeta level long lukim olsem ol gutpela disisen i kamap we i ken lukim develop-


men i kamap hariap olsem mekim kamap ekt ol humanitarian bil o kamapim ol risos senta na kain samting olsem. Dispela em bikpela samting sapos yumi i laik daunim dispela sik."

Em i tok tu olsem ol kes stadi na eksperiens i soim olsem ol bikpela na gutpela developmen long rispons long HIV i save kamap taim i gat strongpela, na gutpela lidasip wantaim komitmen long wok bilong en.

Misis McPherson tok em i laik lukim tu moa ol risos senta i kamap moa yet long ol ruel eria o ples bilong olgeta pipel husat i stap wantaim HIV na AIDS long i go insait na kisim infomesen long HIV na AIDS.



# Intanesenel Wol AIDS De - Desemba 1, 2007



## PNG LIDASIP LONG BEKIM SIK HIV INSAIT LONG PNG

I KAM LONG DOKTA NINKAMA MOIYA



Dokta Ninkama Moiya.

Namba wan keis bilong HIV i bin kamap long namel bilong 1980s. Strong bilong HIV long wan wan manmeri, famili na ekonomi i no bin klia long ol lida na pipel long dispela taim.

Nesenel Dipatmen bilong Helt i bin gavman ejensi i bin go pas long bekim ol hevi bilong HIV, maski namba wan bekim i bin bihainim moa ol hevi bilong helt.

Tupela taim Palamen i bin rausim Nesenel AIDS Kaunsil (NAC) Ekt taim ol i bin salim i go long palamen long stat bilong 1990s. NAC Ekt i bin kisim luksave nau long 1997 we i opim rot bilong sanapim NAC na Nesenel AIDS Kaunsil Sekreteriet (NACS).

Sampela long ol

bikpela wok kamap bilong Papua Niugini long sait bilong HIV lidasip em:

I Oraitim bilong NAC Ekt we i bin opim rot bilong sanapim bilong NAC, NACS (na ol Provinsel AIDS Komiti, PAC na ol Sekreteriet bilong ol, em ol PACS) olsem ol nupela Gavman opis bilong was na kodinetim wok-bung bekim bilong olgeta sekta long HIV.

Dispela i opim rot bilong wanpela tru tru multi sektoral kodinesen wok long bekim HIV.

I Sanapim bilong multi sektoral bekim long stretim HIV insait long PNG aninit long fremwok bilong Midium Tem Plen.

Dispela i larim ol HIV hevi long stap insait long luksave bilong developmen na i no helt hevi tasol, maski ol helt program i olsem bikpela hap bilong dispela bekim.

I Oraitim bilong HIV/AIDS Menesmen na Privensen Ekt long 2003

Dispela i opim rot bilong ol hevi bilong stikma na diskriminesen o pasin bilong lukluk nogut long ol arapela bai mas kisim luksave bikos em i wanpela samting i wok strongim dispela sik nogut.

I Developmen bilong wanpela Nesenel Stratejik Plen (NSP) bilong bekim long HIV epidemik

NSP em i fremwok bilong bekim long HIV na AIDS bilong faipela yia (2006-2010). Namba wan Siaman bilong NSP Stiarng Komiti we i bin lukautim developmen bilong dispela dokumen i no narapela man. Em Gavana Jeneral bilong Papua Niugini, His Ekselensi, Gren Sief, Sir Paulias Matane bipo long em i kamap Gavana Jeneral bilong PNG.

I Sanapim bilong Spesol Palamentari Komiti long HIV/AIDS insait long laspela gavman

Komiti i bin kisim sapot na helpim long Esia Pasifik Lidasip Forum

(APLF) program bilong strongim long Palamentari level. Siaman, bipo memba bilong Henganofi Open, Dokta Banare Bun i bin Siaman bilong APLF Stiaring Kkomiti husat i bin lidim wanpela tim i gat ol politisen long wanpela skul raun i go long Afrika na Esia. Hon Fransisca Semoso, Deputi Spika bilong Otonomes Bogenvil Gavman i bin stap insait long dispela skul raun na nau em i wanpela mauseri bilong strongpela lidasip long politikel level. Honorabel Semoso nau em i wanpela fasiliteta insait long ol Lidasip Sapot Inisativ (LSI) program.

I Disisen Namba 241/2004 long sanapim NAC aninit long Dipatmen bilong Praim Minista na i no longpela taim i go pinis ol i makim wanpela Vais Minista bilong HIV.

Dispela nupela tok wanbel bai givim HIV bikpela moa luksave olsem wanpela long ol bikpela hevi kamap long PNG.

I Trening na haiarim bilong ol lida long olgeta level bilong Gavman, na tu olsem ol praivet sekta na komyuniti long ol kain kain lidasip wok, olsem Lidasip Developmen Program aninit long UNDP, APLF aninit long UNAIDS na LSI aninit long AusAID.

Dispela em helpim ol lida long ol kain kain level long strongim ol HIV isiu na kamapim ol bikpela nupela rot bilong banisim kalap bilong HIV, strongim lukautim na sapotim o helpim ol pipel i gat na i sindaun long bagarap long HIV. Sampela ol ejensi bilong PNG gavman na ol praivet ogenaisesen i kamapim pinis ol polisi bilong wok ples long stretim ol HIV hevi insait long ol ogenaisesen bilong ol.

I Developmen bilong Nesenel Lidasip Strateji

Dispela strateji o plen em bilong givim wanpela bikpela stori stia bilong karimaut Fokas o Luksave Eria namba 5: Lidasip, Patnasip na kodinesen bilong NSP.

I Ristraksa na rio-genaisesen bilong NACS long lukluk moa long kodinesen

Dispela bai opim rot bilong karimaut wok na mekim wok gut bilong ol NACS kodinesen mekanisim.

I NACS i sanapim NSP Kodinetet Plening proses o rot

Dispela wok bai larim ol stekholda long kam bung wantaim, kamapim na oraitim wanpela wok plen bilong yia na baset bilong mani, i kam long Gavman na ol Developmen patna.

I Sanapim bilong ol kodinesen rot NACS i save yusim

Dispela em ol mekanisim o rot we NACS i save bihainim long karimaut kodinesen wok bilong em bikos ol stekholda i wok kamap planti tumas long wok wantaim wan wan ol manmeri. Sampela ol mekanisim i ken karamapim ol Bisnis Kolisen Agensim HIV-AIDS, PNG Alliance Sivil Ogenaisesen, ol Sios Bes Ogenaisesen/Sios, PAC/PACS, ol Provinsel Administresen, na Nesenel Join Kodinesen Komiti. Ol arapela bai kamap sapos i gat nid long kamapim.

I Nogat moa sapot projek tok wanbel i go long multi sektoral bekim long HIV. Olgeta sapot o helpim i kam long ol Developmen

Patna em bihainim ol program sapot mekanisim.

Dispela i save larim NAC long go pas na sindaun long 'sit bilong draiva' long kodinetim malti sektoral wok luksave insait long HIV.

I Sanapim bilong Developmen Patnas Forum

Dispela em i wanpela forum we ol Developmen Patna (em ol baileteral na multi leteral) i ken bung long paitim toktok long ol ples we helpim bilong ol i ken karim kaikai moa long en. Dispela em i wanpela rot tu we NACS i ken givim stia long ol Developmen Patna we ol prairiti eria i stap bai ol i ken givim helpim. Dispela i larim ol DP long strongim wok bilong kodinetim ol yet na strongim tu sapot bilong ol.


**ASKIM NA BEKIM**

1. Carol Ugava - Program Opisa bilong Family Helt Intanesenel i tok het tok bilong Wol AIDS De; Lidasip - STOP AIDS - Kipim Promis em i gutpela tru, tasol i mas i gat strongpela lidasip long olgeta level bikos olgeta wan wan manmeri em i lida long rait bilong ol yet. Misis Ugava i tok tu olsem long sait bilong kodinesen PNG i nidim ol gutpela lida bilong kodinetim gut ol HIV program. Em i givim tok piksa long NACS I KAM LONG DOKTA NINKAMA MOIYAEktng Dairekta posisen we Mista Pakure i wok bosim i stap - em i mas strongim bai em i ken mekim ol strongpela disisen long sait bilong kodinesen.
2. Roselle Mallari em i wanpela famasis bilong City Pharmacy Limited. Em i tok ol lida i noken kisim olgeta sut toktok tasol bikos em i wok bilong olgeta wan wan manmeri long mekim samting i stret olsem na yumi mas stat long senis insait long ol yet.

# Hepi Wol AIDS De

Putim Retpela Klos long Novemba 30 long luksave long Wol AIDS De 2007





# 20 yia bilong mipela wantaim HIV

## INSAIT

- Pes 25: Namba wan HIV kes
- Pes 21: Kirap bilong NACS
- Pes 23 - 24: Ol Dona Ejensi na ol Stekholda
- Pes 25 - PLWHA
- Pes 26: Rot I got het






# 20 yia bilong mipela wantaim HIV



## Dokta Paul Modia - Sinia Fisisen PIH



Dokta Paul Mondia.

**D**oka Paul Modia i wanpela bilong ol fisisen husat i bin wok wantaim wanpela bilong ol namba wan kes bilong AIDS long Papua Niugini.

Em i bin wok wantaim Dipatmen bilong Helt olsem wanpela Konsalten

Fisisen husat i bin bosim wok bilong daunim sik Tebekulosis o TB long kantri long dispela taim. Em i bin stap wantaim Pot Mosbi Jeneral Haus Sik long 1986 inap 1990. Em i tingim dispela taim:

"Mipela i bin painim aut long namba wan kes long Desemba 1986, taim planti bilong ol medikel opisa i bin stap long malolo bilong ol. Dispela kes i bin go long wanpela konsalten na bihain narapela inap em i kamap long klinik bilong mi long Desemba.

"Long dispela taim smel bilong bodi i bin narakain olgeta. Namba wan kes mi i bin lukim i bin long Australia, taim mi i bin stap wantaim Royal Prins Albert Haus Sik long Sidni. Mi wok long lukautim em na smel bilong em i bin olsem wanpela dai man.

"Em dispela kain smel mi i bin smelim taim mi bungim dispela man husat i kam long lukim mi long Desemba

1986. Mi wok long traim long tingim wanem hap mi bin smelim kain smel olsem bipo.

"Mi kisim blut bilong em na salim i go long ol leb long testim.

"Teknik mipela i save yusim dispela taim long testing em serodia. Tes i soim positiv planti taim, na mipela i salim dispela blut i go long Melbon bilong Westen Blok tes.

"Dispela i bin long Desemba, na risal i kam bek long mipela long Februari. Ol tu i tok positiv na mipela i toksave long Dipatmen bihain long dispela," em i tok.

### Wanem tingting bilong ol medikel opisa long dispela taim?

"Em i olsem wanpela bom i bin pairap bikos mipela i no bin luksave olsem dispela sik i stap long dua bilong mipela.

"Mipela i save long dispela sik bikos mipela i bin ritim ol stori long en insait

long ol medikel jenal o buk, tasol mipela i no bin save olsem em i stap long hia pinis.

"Namba wan kes long Desemba 1982 i bin bilong wanpela man husat i wanpela pablik sevan, na bihain mi lukim 5-pela arapela kes bihain long dispela, wanpela i bin bilong mama i givim sik i go long pikinini we i bin namba wan kain kes olsem long kantri.

"Mama na pikinini wantaim i dai. Dispela i bin long 1987 na mipela i no bin i gat ol anti-retroviral drak long helpim ol."

### Bihain long 20 yia yumi stap long wanem mak nau?

"Mi ting olsem Lo nau i no strong na sapos mipela i no was gut kantri bilong mipela bai pulap long ol dai man.

"Mi bilip tru olsem ol samting i no luk gut bilong kantri, bikos long mak

bilong sik HIV na AIDS long kantri nau yet, olsem na mi tok i nogat lo we i bosim daunim bilong ron bilong sik HIV na AIDS, na wanpela man o meri wantaim dispela sik i ken givim long narapela na save olsem em i wok long givim long narapela tasol em i no inap kisim mekimsave long lo. Mi bilip em i taim ol lain bilong mekim ol lo i lukluk long dispela hevi," em i tok.

### Tritmen na ke long nau na long 1987

"Long 1987 mipela i no bin i gat wanpela tritmen. Anti-retroviral drak em ol i wok long traim yet, na i no bin i gat wanpela marasin. Ol pipel i wok long dai bikos i nogat tritmen.

"Tasol nau mipela i gat ol dispela drak na sapos ol pipel i kisim ol marasin bilong ol olgeta taim, em virus bai i stap hait. Dispela i no min olsem yu orait bikos dispela virus i ken kirap gen bikos i nogat marasin i ken rausim olgeta dispela sik," em i tok.

## Helt Seketari Dokta Clement Malau i toktok long namba wan taim em i bin bungim HIV na AIDS

**N**amba wan kes bilong mipela i bin long 1987 - ol salens bilong dispela mi bin ritim, mi save wanem i wok long kamap long Afrika, mi save wanem i wok long kamp long US, na bikpela salens bilong mi yet em long klia na save long wanem bai kamap long kantri bilong mi.

Sampela ol sinia dokta long haus sik na Institut bilong Medikel Rises (IMR), long dispela taim, i no bin wari tumas long dispela kes. Ol i no ting olsem em bai wanpela bikpela hevi.

Tasol mi yet i no bin slip gut, mi wok long tingting long bikpela hevi we inap kamap sapos dispela sik i kalap long ol narapela. Na ating bikos long dispela mi kirapim ol wok long daunim dispela sik.

Dispela namba wan kes i bin bilong wanpela meri long 1987 husat i bin slip wantaim wanpela wait man.

Dispela meri i bin wok long Pink Pusi Ket long dispela taim daun taun, na bikos em i namba wan kes mipela olgeta i bin guria liklik bikos

mipela i no save wanem samting stret mipela i mas mekim.


Mipela i bin mekim disisen long painimaut husat tru i bin givim dispela meri dispela HIV binatang o virus ol i kolim kontek tresing. Mi bin i go daun long Pink Pusi Ket long dispela taim na toktok wantaim wanpela man husat i save long dispela meri.

Mipela i bungim sampela ol dispela meri husat i save slip wantaim ol man long kisim mani na toktok long ol insait long wanpela rum bilong Pink Pusi Ket, hap we dispela meri i bin wok.

I bin i gat 8-pela bilong ol na mi askim ol long as ol i save slip wantaim ol man long kisim mani?

Namba wan bekim ol i givim mi em, mipela i nogat wok.

Dispela i bin mekim mi guria liklik bikos mi bin lainim long dispela taim olsem i no laik bilong ol long mekim dispela wok. Dispela i bin 'senisim tingting bilong mi long ol lain husat i save slip wantaim ol narapela long



Dokta Clement Malau.

kisim mani o seks woka na sik AIDS.

Mi bin luksave olsem mipela i mas mekim wok long daunim dispela sik long wanpela we we i skelim olgeta hevi em i kamapim bikos em i wanpela developmental isyu, em i no wanpela isyu we mipela i ken putim lo we i banisim ol wok bilong ol seks woka o rabisim ol seks woka na em bai stopim dispela sik.

Mipela i bin yusim klostu long

K1800 long painim aut husat i bin givim virus long dispela meri. Em i bin lusim Mosbi na i stap Ing Markham Veli long wanpela hap na mipela i bin salim sampela pipel i go long hap long painim na toktok wantaim em taim mi bin luksave olsem kontek tresing i no inap wok.

Mipela senisim strateji bilong mipela na tingting olsem sapos mipela i no inap mekim kontek tresing mipela i mas kamap wantaim wanpela stratejik we long stretim dispela hevi, yusim ol midia o niuslain na jeneral pablik long senisim ol pasin bilong ol.

Mi save olsem mipela i mas makim ol pipel husat i wok long slip raun olsem ol seks woka, tasol mipela i mas toktok wantaim ol i no putim ol long kalabus, bikos dispela i no inap stopim dispela wok tasol mekim ol i hait na mekim dispela wok.

Long dispela taim, taim mipela i stat long toktok wantaim ol bikpela sinia medikel opisa long haus sik na long IMR tingting bilong ol em dis-

pela sik i no inap bagarapim PNG.

Dispela kain tingting em i wankain olsem tingting bilong ol sampela ol wan wan pipel, dispela sik i no inap bagarapim mi, olsem na mi no inap mekim ol dispela samting long lukautim mi yet.

Tasol mi yet, mi bin rit na lainim long dispela sik na mi save wanem samting bai kamap long PNG, ol samting we i wok long kamap long Afrika i soim olsem dispela sik i wok long kilim ol man na meri husat i save slip raun na tu ol man na meri husat i save mekim gupela wok long sosaiti.

Mi lukim olsem sapos dispela virus i kalap long planti ol pipel em i bai senisim tru developmen bilong kantri bilong mipela. Mi painim hat long slip long nait bikos long dispela.

Mipela i kisim sampela lain olsem Carrol Jenkins long IMR husat i bin helpim mipela long toktok long Praim Minista husat long dispela taim i bin Sir Julius Chan, na Kabinet bilong em.

### Dokta Goa Tau Sif Fisisen NDOH



Dokta Goa Tau

**O**l leksera o tisa i tokim mi long dispela taim olsem wanpela nupela sik i bin kamap long Yunaitet

## I bin wanpela treni rejista long Intenel Marasin wantaim NDOH taim namba kes bilong HIV i bin kamap. Em i stori...

Stets ol i kolim AIDS, na dispela sik save kamap long wanpela binatang o virus.

Long taim ol i bin painim aut long dispela sik, mipela i no bin save tumas long en, bikos em i wanpela nipela sik, na mipela i no save wanem i bai kamap long bihain taim.

We bilong mipela long lukautim ol lain husat i gat dispela sik long dispela taim em wankain tasol olsem mipela i lukautim ol lain i gat ol narapela sik, bikos mipela i nogat plan-

ti save long dispela sik.

Ol wok mipela em olsem kisim blut tasol na salim i go long Australia.

Long 1987 mipela i bin i gat wanpela sikman (i gat HIV) tasol, tasol nau olsem long 2006, 14 pesen bilong ol siklain husat i slip long haus sik i gat sik AIDS. Em planti manmeri tru.

### Marasin

Ol anti-retroviral drak o marasin i bin stat long 2003 tasol bipo long dispela i bin i gat sampela ol praiwet medikel opisa

husat i wok long givim tritmen long ol siklain. Tasol long 2003 wanpela Un grup i glasim gen ol HIV prosek na program long Papua Niugini (PNG).

Ol i lukim olsem planti ol pipel i wok long dai long ol wod bilong Pot Mosbi Jeneral Haus Sik, olsem na mak bilong ol pipel long dai long dispela taim i bin antap tru bipo long 2003.

Taim dispela grup i kisim dispela toksave o infomesen, Wol Helt Ogenaisesen (WHO) i mekim disisen olsem

mipela i mas traim givim sampela ke long ol siklain husat i gat HIV na i sik nogut tru, na dispela em taim WHO na Yunaitet Nesens (UN) i kirapim 3 na 5 tingting bilong ol. Mipela i mekim wanpela raun i go long Manila na givim wanpela liklik toktok na wantaim helpim bilong WHO i tok olsem PNG i mas yusim dispela 3 na 5 tingting. Na dispela tingting i kirap long 2003.

Long Desemba 2003 i bin i gat wanpela plen bilong anti-retrovairal trit-


men we i bihain ol tingting bilong WHO, tasol i gat ol liklik senis tasol we mipela i mekim long helpim karimaut wok bilong en long PNG. Long Februari 2004 Dipatmen bilong Helt i givim tok orait long yusim ol dispela drak na Minista bilong Helt long dispela taim i lonsim o autim. Long stat bilong dispela wok WHO i save baim ol dispela drak na i bin i gat inap drak bilong 66 pipel tasol.

Long dispela taim em mipela i save yusim

tripela drak tasol. Pailot prosek o prosek long traim dispela kain wok na marasin i bin stat long POMGH long Heduru Klinik, na sampela mun bihain prosek i stat long Lae.

Nau i gat 6-pela gavman hap na planti ol narapela liklik hap wantaim tu ol Feit Bes Ogenaisesen (FBOs), praiwet dokta-na ol narapela liklik haus sik. I luk olsem i gat gupela namba bilong ol pipel nau husat i wok long kisim ol anti-retrovairal drak.





# 20 yia bilong mipela wantaim HIV



**Kirap bilong Nesenel AIDS Kaunsil na Sekretariat wantaim wanpela Ekt bilong Palamen long 1997 i bin wanpela gutpela samting. Dokta Clement Malau i bin stap wantaim SPC long dispela taim Deputi Praim Minista Dokta Puka Temu, husat i bin Helt Sekretari long dispela taim, i bin askim em long kam bek.**

**M**i kisim askim long Deputi Praim Minista nau, Dokta Puka Temu, long 1999, na em i tok olsem em i laikim mi long kam bek na kirapim NACS.

"Long 1999 mi ting ol lain olsem Dokta Timothy Piakalia bilong Helt Dipatmen i bin mekim wok bilong stat bilong dispela NAC Ekt, dispela Ekt i tok olsem olgeta sekta i mas mekim wok long daunim dispela sik HIV na AIDS o multi-sektoral rispons.

"Mi pilim olsem dispela i bin gutpela.

"Papua Niugini i gat sampela ol gutpela lo o lejislativ fremwok long mekim wok long daunim dispela sik.

"Em i wanpela bilong sampela kanti tasol long rijen husat i gat wanpela lejislativ bodi long go pas long dispela multi-sektoral rispons," em i tok.

**NACS na NDOH**

"Hevi mi bungim pastaim em long klia long multi-sektoral rispons namel long namel long helt sekta na NACS," em i tok.

Em i tok NACS i bin i gat wok long kirapim wanpela bikpela multi-sektoral rispons taim helt sekta i bin i mas karimaut ol helt sektoral rispons olsem sevelens, karimaut ol gutpela testing, givim ken na sapot long ol dispela husat i kisim ol opotunis infeksiem olsem ol gutpela Tebukulosis o TB program, gutpela ke bilong ol dispela pipel husat i kisim ol trush o developim ol narapela opotunis infeksiem olsem Chlamydia o oral trush, cryptococcal meningitis na ol opotunis infeksiem olsem.

Dokta Malau i tok ol i mas lukluk long ol dispela infeksiem bikos long imune status bilong ol pipel husat i gat HIV na AIDS.

"Wok bilong helt sekta i bin long lukluk moa yet long dispela na mi ting olsem pastaim tru ol pipel i no bin klia long dispela. Bikos long hevi bilong tokaut stret long wok bilong NACS, mipela i kirapim ol sab-komiti bilong Kaunsil, mipela i kirapim ol Provinsel AIDS Komiti tu, olsem hap bilong Ekt," em i tok.

Ol narapela komiti i bin kirap aninit long Sekretariat long lukluk long ol multi-sektoral rispons we ol narapela sekta i ken karimaut, long glasim o monitaim dispela long Nesenel Levlo.

"Pastaim tru i bin i gat salens long kisim opis bikos mipela i mas paitim tok wantaim Central Hausing Opis alokesens komiti long kisim wanpela opis bilong Sekretariat.

"Helt sekta i bin mekim planti wok taim mi i no bin stap, ating Dokta Piakalia bilong Disis Kontrol Yunit bilong Dipatmen bilong Helt i bin i go pas long dispela wok. Na taim mi kam bek, mipela i bin i gat salens bilong makim ol nupela wokmanmeri na kirapim dispela rispons," em i tok.

**Tritmen**

"Long ol dispela taim mipela i save lukluk moa yet long ol opotunis infeksiem bikos i no bin i gat tritmen, nogat ol anti-retroviral drak, olsem na tritmen bilong mipela em long tritim ol besik STI, TB, oral trash na ol narapela opo-

tunis infeksiem ol pipel i kisim.

"Mipela i lukluk moa long privensen na i no tritmen stret.

"Long ol dispela taim mipela i mas salim ol risalt i go long Australia tasol bihain leit Dokta Diro Babona i bin developim algorithms. Dispela sistem em tupela tes, na sapos tupela i kamap positif orait bai ol i bai konfemim long skringing tes.

"Dokta Babona i mekim long wanpela we, we mipela inap long yusim dispela tes long mekim wanpela konfem risalt. Bikpela luksave i mas go long em long bikpela wok em i bin mekim long dispela, na long bihain taim mipela i bin inap long konfemim sampela ol tes long hia," em i tok.

Dokta Babona i bin developim algorithms sistem long 2002.

**Dokta Malau i toktok long advokasi**

Mi amamas olsem mi inap long brukim sampela banis na wanpela samting mi amamas long en em ol

toktok yumi i wok long yusim.

Isyu bilong dispela tok koap i bin kamap tasol nau mi save harim long redio. Na dispela em gutpela bikos wanpela samting we yumi i mas mekim yet em painim ol toktok long yusim long dispela taim, wanem em toktok stret long yusim long we i tok wanpela i slip wantaim narapela, toktok we i sut long mak na i stret.

Mipela i bin lukluk raun na mipela i no bin painim wanpela, na mipela i go long Sensasip Bot na Midia Kaunsil.

Ol i bin ol tupela lain we mi i bin pilim olsem sapos mipela i kisim tok orait long ol mipela bai yusim dispela tok koap.

Mipela i kisim tok orait long Midia Kaunsil na Sensasip Bot long yusim dispela tok koap, na mipela i lukluk raun long ol pipel long tok dispela tok long publik.

Mipela i no inap painim wanpela. Kaunsil i tokim mi olsem bikos mi kisim tok orait pinis long yusim dispela tok, mi ken mekim.

Taim mi bin yusim dispela tok koap ol pipel i no bin laik. Tasol nau taim mi lukluk i go bek mi pilim olsem em i bin gutpela, gutpela tru, bikos yumi i mas givim tok we i stret. Yu no inap tok slip wantaim bikos dispela bai kirapim stigma agensim ol pipel husat i positiv. Dispela i bin tingting na as mipela i kamap wantaim na yusim dispela tok koap. Yumi i mas yusim maski yumi harim olsem nogut liklik.

Kaunsil tokim mi long yusim na mi amamas olsem nau em i stap long ol toktok bilong ol pipel na mi bilip ol i amamas wantaim, we em i gutpela bikos bikpela rot virus i save kalap i go long wanpela narapela long kantri. Narapela tok long yusim em karamap. Dispela mipela i no bin yusim long mekim ol pipel guria tasol long mekim em kamap wanpela toktok we ol pipel i ken yusim olgeta taim.

I bin i gat sampela lain husat i no laikim dispela tok tu, tasol mipela bilip karamap i bin wanpela gutpela tok. Noken mekim


kondom kamap olsem wanpela samting long sem long en, em olsem kaikai yu kaikai, koap em wanpela samting ol man na meri i save mekim. Em i ol samting we ol pipel i save mekim, tasol yumi i les long toktok long en bikos yumi i sem tumas.

Olsem na taim mi tingting i go bek dispela tupela samting i senisim we bilong tingting bilong ol pipel long PNG na mi ting olsem em i sori tru olsem planti bilong ol ruel pipel bilong mipela o ol pipel long ples i no kisim dispela toksave yet. Tasol mi bilip long ol taun na siti bilong yumi, yumi i ken toktok long publik long seks na seksualiti na dispela i ol tupela hap we mi bilip mipela i mekim gutpela wok long en long rispons insait long kantri.

**Ron bilong PNG bihain long 20 yia**

Yes, mipela i lukim bikpela senis na mipela i gat planti ol risos nau, mipela i gat planti mani, na planti intanesenel lain nau i laik sapotim mipela.

## Dokta Moiya mekim bikpela wok



Dokta Ninkama Moiya.

Dokta Ninkama Moiya i bin senisim Dokta Clement Malau olsem Dairekta bilong Nesenel AIDS Kaunsil Sekretariat long 2002.

Em i tok mak we nesenel rispons i laik kamap long en long dispela taim em long kirapim awenes na redim, senisim ol tingting na pasin bilong ol pipel long dispela isyu bilong HIV na AIDS.

"Planti pipel wantaim tu gavman i no klia gut long isyu bilong HIV olsem na bikpela tingting bilong NACS em long kirapim na kirapim wok bilong senisim tingting na pasin bilong ol pipel, jeneral sekta, gavman sekta na praiyet sekta long HIV.

"Wok em i lukluk moa yet long nesenel awenes na edukesen," em i tok.

Dokta Moiya i lusim NACS long 2006 bihain long em i mekim planti bikpela na gutpela wok. Em i bin i go wok wantaim AusAID program ol i kolim Sanap Wantaim olsem Nesenel HIV/AIDS Advaisa.

## Kirap bilong NACS

Nesenel AIDS Kaunsil na Sekretariat bilong en i bin kirap long Desemba 1997 wantaim wanpela Ekt bilong Palamen we i opim rot bilong ol institusenal mekanisim we bai lukim olsem wanpela strateji i kamap long helpim long daunim hevi bilong HIV na AIDS long na we em inap bagarapim developmen bilong kantri.

Dispela ogenaisesen i gro i go bikpela na i senis inap em i kamap long mak em i stap long en tude. Bikos long nupela wok bilong en long kodinet, NACS i mekim sampela senis insait long ogenaisesen bilong ol yet long helpim ol karimaut dispela wok. NACS i gat wanpela het

opis we i stap long kapitel siti bilong kantri, Pot Mosbi, wantaim 20 Provinsel AIDS Komiti long ol provins we i stap long ol provinsel taun.

Nesenel AIDS Kaunsil i gat ol divisin, we i gat wok long karimaut ol wok bilong ol dispela 7-pela eria bilong Nesenel Stratejik Plen (NSP 2006-2010);

- I Tritmen, Kaunsiling, Ken na Sapot
- I Edukesen na Privensen
- I Epidemioloji na Sevelens
- I Sosel na Behavioral Senis Rises
- I Lidasip, Patnasip na Kodinesen

- I Famili na Komyuniti na
- I Montaring na Evaluesen

**Ol divisin em:**

- A: Eksekutiv, em ol opis bilong Deputi Dairekta na Daireka, Polisi na Ligel
- B: Koporet Sevises we i karamapim Fainens, Human Risos, Lojistiks na Prokuamen, Infomesen Teknoloji na Komyunikesen
- C: Infomesen, Edukesen na Komyunikesen we i karamapim Pia Edukesen na

- Behavioral Senis na Risos Senta
- D: Medikel, Epidemioloji na Sevelens
- F: Ol Provinsel Program
- G: Komyuniti Ke, Kaunsiling na Sapot na
- H: Ol divisin bilong Polisi, Plening na Evaluesen

NACS na Sekretariat bilong en wantaim strongpela sapot bilong Nesenel Gavman, ol Aid ejensi, na ol stek holda i lukluk moa yet long i wok long redi long kisim nesenel rispons i go long narapela mak gen. Ol i laik wok bung wantaim Dipatmen bilong Helt long mekim ol dispela wok.

## Ol Provinsel Program

Provinsel Programs Divisin bilong NACS i wanpela bikpela divisin long rispons, bikos em i save wok wantaim ol Provinsel AIDS Komiti (PACS). 2007

Estimesen Ripot long HIV na AIDS we i kam aut i no longtaim i go pinis i soim wanpela senis long ron bilong dispela sik - dispela sik i wok long kamap

bikpela long ol ruel eria, na nau nesenel rispons i mas senisim liklik rot em i wok long bihainim long daunim dispela sik long stretim dispela hevi.


Menesa Philip Tapo i tok kila long wok bilong divisin: "Ol Provinsel AIDS Komiti i bin kirap long 2001, sampela yia tasol

bihain long tok orait bilong Nesenel AIDS Kaunsil Ekt bilong 1997.





# 20 yia bilong mipela wantaim HIV



## i kam long pes 7

"Kirap bilong NACS i bin lukim tu kirap bilong ol PAC tasol long stat bilong rispons, planti ol prosek we i wok long kamap long ol provins i bin kam aninit long Prosek (AusAID fanded Nesenel HIV na AIDS Sapot Prosek NHASP) long dispela taim, husat i bin helpim tu long kirapim ol PAC opis long olgeta hap bilong kantri.

"Bikpela tingting bilong ol PAC em long kodinetim ol rispons long provinsel gavman levul o long provinsel levul.

"Dispela em i mas kamap bikos long multi-sektoral we NACS i wok long mekim wok, we i min olsem olgeta ogeta-raisemen i mas karimaut AIDS awenes long karim dispela infomesen go long olgeta pipel," em i tok.

Mista Tapo i tok disisen long kirapim ol PAC opis long ol 20 provins bilong PNG i bin wanpela bikpela na gutpela wok long lukim olsem rispons i kamap long olgeta provins. Em i tok i bin i gat sampela liklik hevi long sampela provins, tasol planti gutpela awenes i kamap, tasol ol i wok long lukluk moa yet long ol taun na siti.

Em i tok olsem ol i mas i go yet long planti ol ruel eria, tasol i gat ol plen i stap long helpim ol mekim dispela.

"NACS i sainim wanpela Memoradum bilong Andastening (MOUs) o wanbel pepa wantaim sampela ol provinsel gavman long serim wok bilong ol PACs.

"Ol MOU em ol i mekim bihain long ol i toktok na wanbel wantaim ol provinsel gavman long serim ol operesen we i save kamap olgeta de bilong ol PACs, olsem: NACS bai lukautim ol pe bilong ol HIV Rispons Kodineta (HRCs), Provinsel Ken a Kaunsiling Kodinetas (PCCs) na Bihavia Senis Kodinetas (BCCs) na wok stretim bilong ol PAC kar na fuel. Ol provinsel gavman bai lukautim pe bilong ol ki bot operetta, draiva na givim PAC wanpela opis," em i tok.

Mista Tapo i tok olsem long taim ol PACS i bin kirap long 2001 i kam inap nau, i gat planti ol gutpela risalt, tasol planti salens i stap yet olsem:

1: Kamapim wantaim ol gutpela samting long pe o ol narapela samting long holim ol PAC wokmanmeri; dispela em long daunim namba bilong ol wokmanmeri husat i save kam na go na lukim olsem i gat sampela gutpela wok i kamap insait long ol PACs.

2: Lukim olsem ol PACs i yusikm ol baset o mani plen bilong ol bihainim ol anuel wok plen bilong na

3: Lukim olsem ol i yusim gut ol mani ol provinsel gavman i givim ol

"Wanpela bilong ol samting mipela i mas lukluk long en em sastenabiliti (stap longpela taim) long PAC levul. Mipela lukim olsem ol dispela provins husat i gat ol opisa husat i bin stap taim opis i bin kirap i wok long lukim wok i ron gut. Tasol ol dispela we i kisim ol nupela opisa i wok long bungim sampela hevi," em i tok.

Mista Tapo i tok wanpela bikpela samting em ol PACs na ol stek holda i mas toktok namel long ol yet olgeta taim.

Em i tok em i wanpela hatpela wok, bikos NACS i save wok wantaim planti ol stek holda olsem ol sios, yut, meri grup, husat i gat ol kainkain nid na ol we long wok wantaim ol pipel long ol wok bilong ol yet.

"Olsem na sastenabiliti em i bikpela samting long lukim olsem ol pipel i save gut long rispons," em i tok.

## Ol gutpela mak ol i kamap long en

"I gat sampela ol gutpela mak mipela i kamap long en, olsem klostu olgeta provins i gat ol PAC opis na ol wokmanmeri nau. Ol sampela posisen tasol we i nogat wokmanmeri em long ol provins bilong Simbu, Milen Be na Oro.

"I gat planti ol trening we i kamap pinis

wantaim ol stek holda long provinsel levul," em i tok.

## Ol salens

Wanpela bilong ol bikpela salens em i save bungim wantaim ol 4-pela Provinsel Liaison Opisa bilong em long lukim olsem mani ol provinsel gavman i givim long ol PACs em ol i yusim gut long ol prosek we i stap insait long plen na anuel provinsel wok plen na i no go long ol narapela prosek we i no stap long plen.

"Narapela salens em long strongim ol stek holda patna long ol provins long lukim gutpela wok bung wantaim, long ol yia pastaim mipela i no bin i gat dispela, tasol tude mipela i gat," em i tok.

Mista Tapo i tok bikpela hevi em ol PACs i no wok long go aut tru long ol ruel ples bikos i nogat inap mani. Em i tok olsem long ol yia i go pinis K3000 operesenal fanding bipo long olgeta kota i save go long wan wan PACs.

"Dispela mani em i inap long lukautim ol wok bilong opis na long kisim fuel bilong ol PACs kar, tasol nogat mani long i go long ol distrik, long bung wantaim ol Distrik AIDS Komiti long painim aut wanem i wok long kamap long dispela levul.

"Tasol dispela bai senis taim mipela i kisim namba wan developmen mani," em i tok.

Em i askim olgeta ol PACs opisa long mekim wok bilong ol gut na sindaun na lukluk long ol eria long lukim hamaspela stek holda ol i gat pinis long provins na long wok bung wantaim ol dispela pipel.

"Wok bilong mipela em long kisim toktok bilong AIDS i go long ol ruel eria, bus hap tru bilong PNG, na ol pipel i ken mekim ol disisen ol yet," em i tok.

Mista Tapo i tokim ol pipel long was long ol samting ol i mekim bikos sik AIDS i stap insait long kantri.

## Ol man i ken kamapim senis

Komyuniti, Ke, Kaunsiling na Sapot Divisin i gat 4-pela wokmanmeri (tupela komplaiens opisa na wanpela kesual opisa) wantaim tu wanpela Menesa i gat wok long lukautim 5-pela program eria, olsem Volentari Kaunsiling na Testing (VCT), Ofens na ol Valnarebol Children (OVC), Pipel Living Wit HIV na AIDS (PLWHAs), Komyuniti Mobilaisesen na Netwoking, na Trening - Introdaksen tu HIV na AIDS, Introdaksen tu HIV Kaunsiling na VCT, Hom Bes Ke, Jenda Trening olsem wok wantaim ol Man na Rapid Testing Trening.

Nau yet i gat moa long 89 VCT hap long kantri na 50 tasol i wok long givim ripot bilong ol statistiks bilong ol long NACS.

Menesa David Passirem i stap wantaim NACS long taim ogenaisesen i bin kirap inap nau, em i givim ol tingting bilong em long ol man na wok bilong ol long rispons:

David Passirem i bilip olsem long mekim ol senis long ol ken a kaunsiling eria, ol man i mas stap insait long dispela wok moa.

"Long wanpela sosaiti olsem Papua Niugini we man i gat graun na ol narapela samting, ol man i nid long stap insait long dispela wok long klia gut long ol samting ol i mas mekim olsem man na save wanem ol samting ol i wok long lusim long ol pikinini bilong ol," em i tok.

Em i tok long kamapim ol bikpela senis long dispela 10-pela yia, isyu bilong ol man na wok bilong ol long ol tradisenal sosaiti em i wanpela eria we mipela i mas lukluk long en.

"Ol man i mas stap insait long ol program bilong mipela. I gat planti ol program bilong ol meri tasol, i no bilong ol man. Mipela i mas toktok long ol man, i no bagarapim ol bikos ol i ol man, tasol traum long save long ol na bringim ol i kam insait long wok we i wok long kamap," em i tok.

Mista Passirem i salensim ol man long i go long ol VCT hap bikos ol i ol lain husat i save mekim ol disisen long PNG sosaiti na ol inap mekim ol senis bilong ol meri na pikinini bilong ol.

Em i tok ol man i mas luksave long hevi bilong dispela isyu bikos ol inap kamapim senis. Mista Passirem i bilip olsem sapos PNG i lukluk moa yet long ol dispela eria em i ken kamapim ol bikpela senis.

"Mipela i mas painim wanpela gutpela hap long stretim ol dispela isyu. I nogat wanpela samting we yumi i no inap mekim. Mipela i mas bungim ol-gutpela tingting bilong mipela long dispela Kristen sosaiti we i gat kainkain kalsa, i gat planti tingting na mipela i mas save na klia long ol, yumi i mas bihainim ol gutpela tingting na lainim long ol dispela we i nogat," em i tok.

## Sevelens

Opisal rekot bilong ol HIV/AIDS kes long Papua Niugini i no givim trupela piksa bilong ron na mak bilong ol HIV infeksien. Nogat planti ripot bilong ol HIV na AIDS kes bikos sevelens sistem em nau tasol ol i developim, i gat ol hevi wantaim ol ruel medikel sevis na i nogat planti testing na sapos em i kamap i kamap long ol hai risk grup long ol siti o taun hap. Papua Niugini Nesenel Stratejik Plen bilong HIV/AIDS 2006-2010

Dokta Joachim Pantumari i stap insait long wok bilong HIV na AIDS 18 yia nau. Em i gat

planti ol stori bilong dis-pela sik.

Nau yet em i wok wantaim NACS olsem wanpela Menesa, na em i bosim Medikel, Epidemioloji na Sevelens Yunit bilong ogenaisesen.

Dokta Pantumari i mekim ol wankain tok olsem hap toktok bilong NSP we i stap antap. Em i tok olsem i bin i gat ol ripot we i wok long kam insait long ol helt fasiliti long kantri, tasol i bin i gat planti infomesen we i no stap bikos planti pipel bilong PNG i wok long dai long ol kain sik olsem AIDS long ol ples.

"Ol namba we i bin stap long 2007 estimates ripot bilong 18,343 pipel long PNG husat i stap wantaim AIDS i no stret. I gat plan-

ti moa pipel husat i stap wantaim dispela sik.

"Mipela nid long mekim moa awenes, na em i mas sut long mekim ol pipel i go long ol Volentiarig, Kaunsiling na Testing (VCT) senta long kisim tes. Taim dispela i kamap orait mipela i ken i gat wanpela gutpela rekot na inap long glasim mak bilong ol namba bilong ol pipel husat i kisim tes na ol dispela mipela i save i gat sik pinis," em i tok.

Em i tok ol lain husat i save bagarapim wok bilong Gavman, NACS na Dipatmen bilong Helt, i no luksave olsem AIDS em wanpela bihaviorial hevi, o hevi we tingting na pasin bilong ol pipel i mas senis long stretim, na sapos dispela i no kamap, nogat

senis bai kamap.

"Em i save kisim planti, planti yia long senisim ol pasin bilong ol pipel. Ol i no save senis insait long wanpela nait tasol.

"Gavman i gat ol polisi long stretim dispela na mi bilip olsem bai i kisim sampela taim tasol bai mipela stretim ol dispela isyu na bai mipela lukim ron bilong dispela sik i go daun," em i tok.

Em i tok olsem bikpela samting em gavman i mas save long stretpela rises na sevelens infomesen bai ol ejensi i ken mekim ol plen we i bihainim gutpela infomesen.

Dokta Pantumari i tok olsem ol tupela namba wan rot bilong transmision o sik i kalap long wanpela i go long narapela em long

man na meri i koap na mama i gat bel i givim long pikinini we i stap insait long bel bilong em. Ol narapela transmision em ol intravenous Drak Yusa (IDU) o ol lain husat i save yusim drak we ol i save sutim nidel i go insait long skin na rop bilong blut bilong ol, ol man husat i save koap wantaim ol narapela man (MSM) na ol blut transfusin.

Em i tok em ol namba i go antap bikos moa pipel i gat ol VCT sevis nau na i gat gutpela sevelens nau.

Dokta Pantumari i askim olgeta stek holda long wok bung wantaim na long wanbel wantaim ol gavman polisi bikos sampela bilong ol dispela polisi i wok gut long ol narapela kantri long wol,

wanpela bilong ol dispela em ol kondom.

"Ol kantri husat i save yusim ol kondom olsem wanpela bikpela rot bilong daunim HIV na AIDS i lukim olsem mak bilong transmision i go daun.

"Long PNG mipela i mas lukim kondom olsem wanpela bilong ol rot long daunim sik HIV na AIDS na givim ol pipel sans long mekim ol disisien ol yet bihain long ol i kisim ol infomesen long Nesenel Gavman na NACS," em i tok.

Dokta Pantumari i tok olsem ol pipel i no wok long senisim ol pasin bilong ol na prevalens reit bilong 1.28 pesen bai i go antap.

"Mipela lukim olsem save bilong ol pipel long

HIV na yusim ol-kondom i wok long go bikpela, tasol dispela i no min olsem ol pipel i wok long senisim ol pasin bilong ol, tasol i gutpela long lukim sampela senis," em i tok.

Em i askim ol patna long nesenel rispons long go het long wok long ol strateji na ol nupela introdaksen na nupela strateji long strongim save bilong ol pipel bai ol i ken mekim ol gutpela disisen.


Dokta Pantumari i tok PNG i kam longwe tru long dispela 20 yia i go pinis, na i go pas long Pasifik long sait bilong lejislativ sapos na ol yia i go pinis i lukim gavman i givim moa mani long HIV na AIDS.

Em i tok dispela em i gutpela tru bilong PNG.






## 20 yia bilong mipela wantaim HIV



# HIV i ken daunim divelopmen bilong PNG, AusAID i tok



Margaret Thomas.

Gavman bilong Australia, wantaim Australian Ejensi bilong Intanesenel Divelopmen (AusAID) i wanpela bilong ol bikpela aid dona long kantri husat i wok long helpim Gavman bilong Papua Niugini long wok bilong

daunim sik HIV na AIDS.

Minista Kaunsila bilong AusAID Margaret Thomas i toktok long wok bilong Australia Gavman long ol HIV na AIDS program long kantri.

"Namba wan samting em HIV i no wanpela helt hevi tasol. HIV na AIDS em i wanpela divelopmental isyu.

"Yumi olgeta i wok bung wantaim long daunim dispela sik i mas mekim dispela wanpela namba wan wok, bikos sapos PNG i no inap stretim ol HIV isyu, dispela sik bai daunim olgeta divelopmen bilong PNG long ol yia i go pinis i kam inap nau.

"Namba tu samting em i mas i gat gutpela lidasip. Mipela i lukim long ol narapela kantri olsem taim politisen o komyuniti na bisnis lida i redi long mekim dispela wok, ol gutpela senis i save kamap," Mis Thomas i tok.

Em i tok sapot bilong

Australia long eria bilong HIV na AIDS long PNG i bin stat long 1995 taim Australia i bin luksave olsem dispela sik em i wanpela bikpela hevi hia.

Bihain long kirap bilong Nesenel AIDS Kaunsil na Sekretariat bilong en wantaim wanpela Ekt bilong Palamen long 1997, Australia Gavman i givim sapot bilong en long Nesenel HIV na AIDS Sapot Program NHASP long 1999.

Bikpela tingting bilong dispela em long sapotim rol aut bilong ol HIV ken na sapot program long kantri we i bin pinis long 2006.

"Long 2007 mipela i kirapim wanpela nupela program we mipela i kolim PNG-Australia HIV na AIDS Program o Sanap Wantaim na mipela i givim sapot tu long helt sekta.

"Ol dispela program i mekim i go bikpela moa sapot bilong mipela long

HIV wok long kantri. Mani mak bilong Sanap Wantaim long 5-pela yia em \$100 milien (Australian dolas) na mani mak bilong helpim long helt sekta em moa long \$50 milien (Australian dolas).

Mipela i hop ol dispela program bai kamapim moa risos long wok wantaim PNG Gavman long stretim dispela hevi, em i tok.

Mis Thomas i tok sapot bilong ol AusAID program long kantri i save go insait long Nesenel Stratejik Plen bilong PNG Gavman long HIV na AIDS na ol i wok bung wantaim NACS long sapotim wok bilong em.

Mis Thomas i bilip wok bilong ol sios na non gavman ogenaisesen em i bikpela wok long wok bilong daunim HIV na AIDS bikos ol i save stap long ol grasrut levul.

Sampela ol dispela ogenaisesen we AusAID i save helpim em Anglike

StopAIDS, Save the Children na Ikat Hope.

Em i tok AusAID i wok long wok bung tu wantaim Dipatmen bilong Helt long ol eria bilong VCT, sevelens, na ol narapela teknikel isyu bilong HIV na AIDS.

Mis Thomas i tok AusAID i wok long wok wantaim sampela ol Memba bilong Palamen na i bin kisim wanpela bikpela grup i go long wanpela stadi raun long Afrika na Saut Is Esia long ol i ken lukim ol hevi bilong HIV na AIDS long hap na traun long yusim wanem ol i lukim long helpim PNG.

Em i tok sapot bilong Australia em bai i stap longpela taim.

**Ron bilong PNG long ol 20 yia i go pinis**

Mis Thomas i tok PNG i mas amamas long sampela ol gutpela mak em i kamap long en long ol 20

yia i go pinis.

Wanpela em i HIV na AIDS Menesmen na Privensen Ekt we i wanpela tasol olsem long Pasifik rijen.

Em i tok wok bilong NACS na ol PACs i soim olsem i gat gutpela sistem o program long HIV rispons.

Mis Thomas tok ol NGO, sois na komyuniti i mekim gutpela wok tu long HIV rispons, na olsem wanpela dona husat i save givim aut planti mani ol i amamas olsem 2007 baset o mani plen bilong gavman i go antap moa long 300 pesen long mani em i givim i go long wok bilong daunim HIV na AIDS.

Mis Thomas i tok tenkyu long olgeta ol pipel bilong PNG husat i wok hat long ol provins long HIV rispons.

## UN askim long moa advokesi bilong ol meri

Ol Yunaitet Nesens (UN) program i stap insait long kantri planti yia na i mekim bikpela wok long nesenel rispons long helpim long kirapim NAC na Sekretariat bilong en.

UN Residen Kodineta Dokta Jacqueline Badcock i tok klia long wok ogenaisen i mekim long ol yia i go pinis na tok promis long givim sapot bilong ol yet inap Nesenel Gavman na NACS inap mekim wok em yet.

"Yunaitet Nesens i wok long wok wantaim Gavman long taim Midiem Tem Divelopmen Plens (MTDP) i bin develop long stat bilong 1990s. Mipela i bin mekim advokesi wok, na

i bin toktok long ol isyu taim ol i wok long develop long wol.

"Long stat bilong 2000 mipela i bin kirapim wanpela Yunaitet Nesens AIDS (UNAIDS) opis we i helpim Yunaitet Nesens Divelopmen Program (UNDP) long givim moa teknikel helpim long kantri," em i tok.

Dokta Badcock i tok UN sapot i bin kam long 2002 taim sik HIV na AIDS i bin kamap bikpela na taim MTP i stap long namba tu hap bilong wok na NACS i bin kirap.

Ol i givim NACS sapot na wok bung wantaim NACS, em i tok.

Em i tok planti ol sapot ol i givim em long ol teknikel na kapasiti bild-


ing eria.

**Wok bilong UN long kantri**

UNAIDS em i UN rispons long sik HIV na AIDS na dispela han bilong UN program i save karimaut ol polisi bilong ol narapela tripela long kantri, Dokta Badcock i tok.

UN Intanesenel Childrens Fand (UNICEF) i save wok bung wantaim Wol Helt Ogenaisesen long ol hevi bilong ol mama i gat bel i givim pikinini sik HIV na AIDS na ol narapela komyuniti bes program, em i tok.

UNDP i save mekim advokesi wok wantaim ol



Dokta Jacqueline Badcock - UN Residen Kodineta.

PLWHA wantaim ol grup olsem Ikat Hope. Em i save wok bung wantaim NACS long divelopim ol wok ples polisi na privensen, jenda odit na

jenda polisi wantaim ol narapela patna olsem AusAID wantaim tu HIV na AIDS privensen (HAMP) Ekt, we i glasim gen ol lejistsen, Dokta

Badcock i tok.

"UN Populesen Fand (UNFPA) em i narapela patna we i wok wantaim ol yangpela pipel na yut long advokesi na sapot.

"Wok bilong mipela em long ol hap we NACS i askim long en, tasol bikpela wok bilong mipela olsem UN em long advokesi na helpim kodinesen bilong rispons," em i tok.

Em i tok PNG i kamapim planti gutpela sistem, program na tingting, na HAMP Ekt we i namba wan long Pasifik rijen

Em i tok i gutpela long lukim PNG Gavman i wok long givim moa sapot long wok bilong daunim sik HIV na AIDS olsem

kamapim Parliamenteri Komiti long HIV/AIDS.

Tasol em i tok infomesen i mas i go aut long ol ruel eria yet.


"Em i wanpela salens hia long PNG, komyunikesen, ol tokples bilong yupela, na sevis i no go long olgeta-hap, edukesen levul long save na klia long sik HIV na AIDS, em olgeta ol bikpela salens," Dokta Badcock i tok.

Em i tok mak bilong bilong ol man na meri i stap wantaim sik HIV na AIDS long PNG i narakain long ol narapela kantri bikos em i sanap olsem 50-50, hap hap. Long ol narapela kantri namba bilong ol man wantaim infeksen em antap liklik long ol meri.






# 20 yia bilong mipela wantaim HIV



## UNAIDS i bilip long privensen



Mista Rwahembah.

**P**apua Niugini i mekim bikpela wok long ol 20 yia i go pinis, moa yet long sait bilong ol polisi."

Dispela em toktok bilong UNAIDS Kantri Mausman, Tim Rwahembah.

Mista Rwahembah i tok nau salens em long karimaut dispela ol polisi, olsem Nesanel Strateji Plen long HIV/AIDS long PNG.

Em i tok long sait bilong privensen, tritmen na ke, moa wok i mas kamap long ol ruel eria, we sik i wok long kamap bikpela nau olsem 2007 Estimesen Ripot we i kam aut long Ogas dispela yia i tok.

"Mipela i mas i go long ol famili na komyuniti long olgeta

hap bilong PNG, i no long Mosbi tasol.

"Dispela em wanpela bikpela salens bikos long ol kalsa, sevis, na bus, graun na solwara," em i tok.

Em i tok narapela bikpela salens em stigma na diskriminensen.

Em i tok bikpela wok bilong UNAIDS em long karimaut 3-1 polisi.

Mista Rwahembah i tok UNAIDS i stap long lukim olsem i gat wanpela Nesanel AIDS kodinAeting atoriti, na em i amamas olsem dispela em NACS. Em i tok dispela em wanpela gutpela sain.

Em i tok namba tu em long lukim Nesanel Stratejik Plen

long AIDS i stap, na wok karimaut i kamap.

Na las em long lukim olsem i gat Monitoring na Evaluesen sistem.

UNAIDS i save givim teknikel na fainensal sapot planti taim long ol non-stet patna olsem ol Sivil Sosaiti Ogenaisesen.

Mista Rwahembah i laik lukim moa wok kamap hariap long sait bilong privensen, i no awenes tasol na kamapim ol woksop.

Em i tok privensen tasol inap stopim dispela hevi bilong ol pipel i kisim infeksen na painim tritmen.

## BAHA lukluk long ol wok ples

**W**ok bilong Nesanel Supaanuesen Fand (Nasfund) long daunim sik HIV na AIDS i bin stat long 2001 taim ol lida bilong ogenaisesen i bin lukim olsem ol dispela sik i wok long kamap bikpela long kantri. Rod Mitchell, Sif Eksekutiv Opisa i tok klia long wok bilong dispela tupela ogenaisesen na wok ol i save mekim long nesanel rispons:

Pastaim i bin i gat wanpela HIV kes tasol long membasip bilong ol, tasol long dispela taim inap nau, ogenaisesen i wok long kisim olsem wanpela HIV kes olgeta wan wan wik.

Mista Mitchell i tok ogenaisesen i bin wari long ol memba bilong en na i laik kamapim awenes long helpim ol lukautim ol yet long dispela sik.


"Pastaim praivet sekta i bin wari liklik tasol bihain ol i klia long tingting bilong mipela na olsem sik HIV na AIDS i wanpela bikpela hevi," Mista Mitchell i tok.

Em i tok ogenaisesen i bin stat wantaim sampela posta na bihain sampela advatimen long TV, radio, yusim ol tieta grup we em i bilip i bin wok gut long givim aut ol liklik tasol gutpela infomesen.

### As ol i kamapim BAHA

Bisnis Koalisen Agens HIV na AIDS (BAHA) i bin stat las yia. Mista Mitchell i tok klia long en.

BAHA em i han bilong wanpela intanesenel grup, ol i kolim Esia Pasifik Bisnis Koalisen agens HIV na AIDS, na BAHA



Rod Mitchell.

em han bilong en long PNG.

"Ol i traim statim long hia long lukim sapos em bai wok gut long ol Pasifik na Esia rijen, na em i ron gut tru.

"Em i long kamapim ol wok ples polisi long HIV na AIDS long ol wok ples we i lukluk long ol samting olsem stopim diskriminensen, gutpela trening bilong ol wokmanmeri na kain samting olsem," em i tok.

BAHA nau i wok long pait long daunim sik Tebukulosis o TB tu, wanpela sik we Mista Mitchell i bilip i susa bilong HIV.

### Ol wok na program

Nasfund i save mekim ol wok

olsem givim pawa long ol meri taim ol i givim ol moa sans, mekim wok long daunim pasin bilong ol man paitim ol meri bilong ol, meri i paitim man, o paitim ol pikinini, na traim long daunim sik HIV na AIDS.

"Sapos mipela i ken strongim ol meri na edukesen bilong ol, dispela i ken daunim ol HIV na AIDS infeksen. Em wok Nasfund i save mekim.

"Tasol BAHA i save lukluk long wok ples. Olsem na mipela i wok long traim long stretim dispela hevi long tupela sait wantaim," em i tok.

Em i tok ol bisnis i ken lainim long sik HIV na AIDS na go aut long ol ples, na ol pren na famili na tokim ol long lukautim ol yet

long dispela sik.

Em i tok sapos olgeta pipel long kantri i save long ol dispela infomesen bai i gat sans long daunim dispela sik.

BAHA i wok wantaim ANZ Beng nau long ronim wanpela skul resis bilong ol tisa.

Dispela em long ol tisa long rait i go long BAHA na tokim ol we ol i save lainim ol sumatin long HIV na AIDS long skul bilong ol, Mista Mitchell i tok.

"Mipela i laik lainim wanem em ol gutpela we long lainim ol sumatin long dispela sik," em i tok.

Ol yanpela i ken tokim ol papamama o toktok wantaim ol poro long dispela sik tu na infomesen i ken i go aut.

## PACSO

*Bikpela tingting bilong PACSO em long "toktok olsem wanpela nek na olgeta bai i ken harim"*

PNG Alaiens bilong ol Sivil Sosaiti Ogenaisesen (PACSO) agens HIV na AIDS i wanpela nesanel koalisen bilong ol non-gavman ogenaisesen, komyuniti bes ogenaisesen (CS), faith bes ogenaisesen na praivet sekta na wan wan manmeri husat i laik stap insait.

PACSO i bin kisim tok orait taim sampela mausman bilong 40 ogenaisesen i bung long Julai bilong 2006 long kirapim na makim wanpela interim eksekutiv.

Ol interim eksekutiv em Ledi Roselyn Morauta husat i makim PNG Semba bilong Komes olsem Siameri, Pasto Daniel Hewali husat i makim NCD FBO Lidas Woksop olsem Vais Siaman, Dominica Abo husat i makim Anglike StopAIDS olsem tresera.

PACSO nau yet i gat klostu long 440 CSO na i stap long helpim ol narapela sivil sosaiti promotim na strongim advokesi bilong sosel na bihaviarol senis o senis long pasin long olgeta sekta bilong komyuniti long daunim sik AIDS.

PACSO i bin kirap wantaim bikpela sapot bilong Ekt bilong Palamen na NACS, UNAIDS, na Global Fand agens AIDS, TB na Malaria.

PACSO i save lukluk long ol eria bilong kodinensen, lidasip na patnasip.


"Mipela i pilim olsem mipela i mas wok bung wantaim na strongim ol wan wan wok bilong mipela. PACSO i helpim long kamapim dispela."

Ogenaisesen i stap insait long NACS opis long Waigani.





# 20 yia bilong mipela wantaim HIV



Ol pipel i stap wantaim HIV na AIDS i save mekim bikpela wok long daunim ron bilong dispela sik long kantri. Ol ripot bilong ol namba bilong ol i no planti tasol i gat planti moa husat i hait i stap bikos long hevi bilong stigma na diskriminesen. Sampela bilong ol i kam aut, i no hait moa, na ol i stori:

## Dokta Clement Malau i tingim leit Joe Berem

Mi tingim Joe Berem, wanpela biknem man, na namba wan Pasifik Ailan man husat i bin painimaut olsem em i gat HIV, binatang bilong sik AIDS, o em i bin HIV positif, na i bin tokaut stret olsem em i bin olsem. Sampela pipel i tok olsem ol narapela pipel i bin mekim dispela pas, tasol tru tru, em i bin namba wan Pasifik Ailan man long mekim.

Em i bin laik tokaut tru long ol hevi bilong dispela sik na helpim ol narapela pipel long banisim ol yet long en.

Bikos em i bin laik tokaut

long dispela em i bin mekim wanpela vidio long haus bilong em yet. Em i bin redi long toktok long dispela sik, na em i mekim dispela vidio long em na meri bilong em Helen Berem. Mi hop Nesenel AIDS Kaunsil i gat wanpela rekot bilong dispela vidio bikos em i mekim em yet.

Helen Berem i stap wantaim mipela tude, na ating i stap long ol anti-retroviral drak o marasin nau. Mi sori tru olsem mipela i no bin i gat ol dispela drak long dispela taim, bikos mi save ting em i wanpela strong-pela man husat i bin strong

long kam aut long pablik na tokaut long sik em i gat, maski ol famili bilong em i bin bagarapim em.

Mi ting olsem em i wanpela bilong ol trupela man na bai mi tingim em olsem wanpela man husat i bin strong long daunim sik HIV na AIDS. Planti taim mipela i save lus tingting long ol dispela likdik pipel husat i traim long kamapim sampela senis, na long dispela as, mi sori olsem i no bin i gat ol anti-retroviral drak long dispela taim long helpim Mista Berem. Sapos i bin i gat, em i bai stap wantaim mipela tude.

## Maura Mea-PLWHA I gat Hope

"Sapos ol lain i laik yusim ol postiv pipel long ol HIV na AIDS program o ol narapela wok, dispela i mas i no long wan wan taim tasol taim ol i pilim olsem ol i laik yusim ol, o bikos ol i pilim olsem ol i mas yusim ol bikos ol i sori long ol. Nogat.

Ol i mas yusim ol bikos ol dispela postiv pipel i gat bikpela wok long mekim long wok bilong kantri long daunim HIV na AIDS." Maura Mea - Bot Mema bilong I gat Hope

Maura Mea bilong Galp Provins em i wanpela meri husat i stap wantaim HIV na AIDS. Em i wanpela Bot Mema bilong I gat Hope, wanpela ogenaesen bilong ol PLWHA (Pipel Living Wit HIV/AIDS) o ol pipel husat i stap wantaim HIV na AIDS.

Maura i tok em i tokaut long pablik olsem em i wanpela PLWHA long 2001 bikos em i lukim planti diskriminesen (pasin bilong rabisim ol pipel i gat sik HIV na AIDS) na tu bikos planti pipel tru i nogat haus na wok

na ol narapela samting bikos long stetus (i HIV positif) bilong ol.

Em i tok dispela i wok long kamap bikos planti ol pipel i no klia long dispela isyu na em i lukim nid bilong ol postiv pipel long toktok long ol HIV na AIDS isyu, bikos wanem i wok long kamap long ol i wok long brukim ol human rait lo.

Maura i tok olsem long taim em i mekim disisen bilong em long kam aut, i no bin i gat planti infomesen long HIV na sapos yu tok "HIV" tasol ol pipel i save pret.

## Margaret Marabe - PLWHA

Margaret Marabe i bin tokaut long stetus bilong em long 2003 bikos em i pilim olsem i gat planti pipel i wok long kisim HIV binatang o virus na planti moa pipel i wok long dai o sik tru bikos ol i wok long haitim stetus bilong ol.

Margaret i kisim virus long man bilong em long 1987 na i bin stap wantaim long ol 20 yia i go pinis.

Em i tok long ol yia

bipo, i nogat planti save long dispela virus na i no bin i gat planti sevis ol hap we i ken helpim ol pipel i gat dispela virus olsem nau.

Em i tok olsem taim man bilong em i stat pekpek wara, i go bun na gras i lus, em i ting em i wanpela narapela sik tasol na i go het long lukautim man bilong em.

Margaret i tok man bilong em i save long stetus bilong em tasol i no

bin tokim em.

Long 1994, Margaret i karim wanpela bebi boi tasol em i no susuim em long susu stret.

Em i lainim long stetus bilong em long 1999 taim em i go long klinik long sekap taim em i bin sik nogut tru bihain long em i karim dispela pikinini.

Long dispela taim, Salvesen Ami tasol em i bin wanpela ogenaesen we i save givim kaunsiling. Em i bin harim olsem

em i gat wanpela virus we nogat marasin i ken stretim na em i mas go bek long haus bilong em na wet tasol long dai.

Em i tok nau i gat moa awenes we i helpim long senisim ol pasin bilong ol pipel na dispela i helpim em long stap laip long-pela taim moa na helpim long mekim wok bilong daunim sik HIV na AIDS moa.

Em i tok nau i gutpela moa long bipo.

## Salens long ol manmeri stap wantaim HIV



Peter Momo

Peter Momo i gat 42 krismas na i wanpela biknem pes long PNG, bikos em i wanpela man husat i stap wantaim sik HIV na AIDS na i wok long go pas long wok bilong daunim dispela sik long kantri.

Inap i no longtaim i go pinis. Mista Momo i bin Presiden bilong I gat Hope, wanpela ogenaesen we i bin kirap long 2003 bilong ol pipel husat i stap wantaim HIV na AIDS. Em i bin holim dispela posisen bilong tupela tem.

Mista Momo i bilong Kila Kila Ples long Sentral Provins. Em i marit i go long Florence bilong Madang Provins. Tupela wantaim i HIV positive, tasol ol i gat tupela pikinini husat i HIV negative.

Peter Momo i givim salens long ol postiv pipel

"Noken sem, mi askim yupela long kam aut bikos i gat planti toktok we i wok long kamap long HIV na

AIDS, na yu i no stap yu wan," em i tok.

Em i tok strong long ol Stekholda (olgeta lain husat i stap insait long wok HIV na AIDS) long yusim moa ol postiv pipel long go pas long ol wok advokasi o wok bilong daunim sik HIV na AIDS.

Em i tok pastaim long em i bin painim aut olsem em i HIV positif, ol pipel long ples bilong em i save bagarapim em bikos ol samting i kamap long bodi bilong em olsem, gras i lus, em i go bun na skebis i kamap long olgeta hap bilong skin bilong em. Ol samting ol i mekim i mekim. Peter i go long kisim tes, na ol risalt i kam bek i tok olsem em i HIV positif. Em i tok olsem long dispela taim em i no bin kisim kaunsiling pastaim long tes, tasol ol tes risalt bilong em i bin go long Sosel-Sevises husat i bin givim kaunsiling long em na salim em i go long Nesenel Kapitel Distrik (NCD) Provinsel AIDS Komiti opis.

"Long dispela taim i bin i gat planti stigma na diskriminesen (pasin bilong rabisim ol pipel i gat sik HIV na AIDS) na mi bin i wok long mekim tasol wanem samting ol dokta i tokim mi long mekim long rausim dispela stigma na diskriminesen.

"Mi bin stap long haus wantaim pikinini man bilong mi na i bin stap isi

tasol na tingting long stetus (i HIV positif) bilong mi na wanem mi bai mekim," em i tok.

Peter i go long wanpela tripela wik woksop o bung bilong NCD bilong 30 Yut Lida long dispela taim. Nogat wanpela i bin save em i bin HIV positif.

"Mi bin i go olgeta de long dispela woksop. Mi bin laikim tru long go na dispela i bin mekim i narakain long ol narapela lain husat i stap insait long woksop. Em bikos mi i bin laikim tru long lainim na i bin askim planti kwesten tumas.

"Ating dispela em bikos mi save long stetus bilong mi pinis. Mi lukim olsem ol narapela i stap long woksop bilong ol i makim ol long stap insait," em i tok.

Em i bin long dispela woksop we em i autim stetus bilong em long ai bilong ol mausman bilong ol Dona ejensi olsem Yuropien Yunien, Nesenel AIDS Kaunsil Sekretariat (NACS, Dokta Joachim Pantumari) na ol narapela stekholda.

Em i tok em i bin amamas long tokaut long stetus bilong em bikos em i bin pilim gutpela tru taim ol pipel husat i bin stap long dispela woksop i bin givim sapot bilong ol long em.

Dispela bekim long ol pipel long dispela woksop long stori bilong em i bin

Thomas Kelea i HIV positif 13-pela yia nau. Em i bilong Sauten Hailans Provins tasol i bin muv i go long Maunten Hagen long Westen Hailans Provins we em i bin painimaut long stetus bilong em, bikos long stigma na diskriminesen (pasin bilong rabisim ol pipel i gat sik HIV na AIDS).

Em i raun i go long planti hap long ol rijen bilong Hailans na Momase long mekim advokasi long kamapim awenes long dispela sik.

Thomas i gat wanpela pikinini meri husat i gat 10-pela krismas na em na mama bilong em i HIV nega-

mekim em laik long tokaut long stetus bilong em long ol pablik, wantaim hop olsem ol i bai givim em sapot bilong ol tu.

Ol lain husat i stap long dispela woksop i bruk i go long ol grup na i bin go aut long soim wanem samting ol i bin lainim long dispela woksop.

Peter i bin stap long wanpela grup we i bin raun i go long Waigani Praimer Skul, na em i bin long dispela hap we em i bin tokaut olsem em i HIV positif. Em i tok samting

em i bin pilim i bin narakain olgeta, taim em i bin lukim ol sumatin na tisa i kraf. Dispela i bin kamap namel long 2003 na 2004.

Em i pilim olsem em i gat wanpela samting we em i ken serim wantaim kantri.

"Mi pilim olsem em i wok bilong mi long go long olgeta hap na tokim ol pipel long dispela sik, na long taim mi wok long mekim dispela wok ol pipel i wok long tokim mi olsem mi wanpela strong-

pela man tru.

"Tingting bilong mi long mekim dispela wok i no long soim ol olsem mi strongpela man, but bikos long ol pipel, mi laik soim ol olsem i gat wanpela samting we i narakain insait long mi," em i tok.

NACS i harim long stori bilong em na 6-pela mun bihain i putim em insait long wanpela raun bilong ol i go long Saut Afrika.

Em i tok i bin i gat 800 PLWHA (Pipel Living Wit HIV/AIDS) o ol pipel husat i stap wantaim HIV na

AIDS husat i makim kankain hap bilong wol husat i bin stap insait long dispela bung, na em i bin pilim amamas tru olsem em i bin wanpela bilong ol.

"Long dispela taim long laip bilong mi, mi pilim wanpela senis i kamap. Mi tingting long mi yet, mi no wari long stigma na diskriminesen. Em strong bilong mi, long noken wari long ol dispela toktok.

Taim mi kam bek mi salensim ol postiv pipel long mekim wankain," Peter i tok.





# 20 yia bilong mipela wantaim HIV



**We i go het: PNG Nesenel AIDS i gat planti ol polisi Menesmen na i kam long we long Kaunsil na fremwok we i Privesen (HAMP) ol 20 yia i go pinis Sekretariat bilong kamap long soim Ekt. long stretim hevi en, wanpela rot long rispons PNG i gat planti bilong sik HIV na nesenel plen bilong PNG long ol program bilong AIDS long PNG na bilong HIV rispons, HIV na AIDS we i sampela gutpela the Nesenel PNG em wanpela wok long kamap, mak em i kam long Stratejik Plen na bilong sampela moa na gutpela en em; aninit long wanpela nesenel Pasifik kantri tasol fasiliti bilong kaun- 3 na 1 intanesenel Monitoring na long Pasifik husat i siling, ke, testing, kodinetim Long sait bilong Evaluesen Sistem. divelopim lejisle- na i gat ARV trit- mekanisim, na polisi na lejislesen, AIDS, HIV-AIDS**

**NACS Ekting Dairekta, Mista Romanus Pakure i givim tingting bilong em long sampela bilong ol dispela samting.**

## HIV na AIDS namba i go antap bikos ol wok painimaut i gutpela moa

Romanus Pakure i tokaut olsem ol maski planti wok i wok long kamap long kantri long daunim sik HIV na AIDS ol namba bilong ol pipel husat i gat dispela sik i wok long i go antap bikos i nogat gutpela sevelens sistem we i ken givim gutpela piksa bilong mak bilong infeksien long kantri.

"Wok i wok long ron gutpela moa nau. Long ol yia i go pinis mipela i save kisim statistik long sampela ol fasiliti tasol, na mipela i save olsem namba mipela i no save long en em bikpela," Mista Pakure i tok.

Em i tok nau ol dispela namba i wok long kam insait bikos sevelens bilong ol i moabeta na namba i wok long go antap.

### Midiem Tem Plen na Nesenel Stratejik Plen

Nesenel Stratejik Plen (2006-2010) i kam bihain long Midiem Tem Plen (1999-2002). Midiem Tem Plen i bin namba wan plen bilong kantri na i bin i gat sampela hevi long sait bilong karimaut plen, mani long karimaut plen, strong na save bilong ol stek holda, na ol samting long helpim wok bung wantaim namel long ol patna na karim ol nupela patna i kam insait long rispons.

Mista Pakure i tok olsem long dispela taim NACS i no bin i gat fanding long gavman na i save lukluk i go long ol divelopmen patna ol AusAID, UNAIDS na UNDP prosek we i bin stap insait long NACS long helpim.


NACS i bin muv wantaim ol dona bikos ol i bin i gat mani long givim long ol prosek bilong ol. Ol prosek i bin planti wok bilong NACS, tasol ol samting i senis nau na NACS i go pas long ol wok.

Nesenel Stratejik Plen i bin kamap long stretim ol hevi bilong Midiem Tem Plen. Em i wanpela multi-sektoral plen na i bilong olgeta pipel. Em i soim ol rot wan wan sekta i ken stap insait long nesenel rispons.

### Awenes na edukesen

"Planti wok i kamap long sait bilong awenes, tasol mipela save olsem awenes i no go long ol ruel eria.

"Tu ol pipel i mas senisim ol pasin bilong ol na mipela i mas karim dispela toktok i go long ol ruel eria, bai ol pipel i ken senisim sampela ol pasin bilong ol," em i tok.



**Mista Pakure.**  
Ol gutpela mak mipela i kam long en long las 20 yia

"Mi ting ol gutpela mak mipela i kam long en em long ol stek holda i wok bung wantaim, na moa yet gavman sekta. Ol stek holda i wok long toktok wantaim ol yet na wok bung wantaim, i no resis. Na NACS i wok long mekim wok em i sapos long mekim long kodinetim tasol olgeta dispela wok," Mista Pakure i tok.

Em i tok ol lida i wok long mekim wok bilong kirapim ol Provinsel AIDS Komiti (PACs) wantaim ilektorel mani bilong ol yet na ol administreta wok long kamap ol siamanmeri bilong ol PACs, na dispela em i gutpela.

Em i tok ol Faith Bes Ogenaisesen i wok long wok bung long na autim tok bilong rispons long ol sios bilong ol na planti moa wok i kamap namel long ol Komyuniti Bes Ogenaisesen na Sivil Sosaiti. Em i tok nau NACS i mas lukim wanem rot stret i gutpela long em long wok wantaim ol divelopmen patna long daunim sik long kantri.

### Rot i go het bilong NACS

"Wok bung wantaim ol patna long kodinetim nesenel rispons long olgeta levul. Mipela i laikim ol lain i kam bihain i tok ol lain i go pas i kamapim sampela senis."

### SKELIM TINGTING

Dokta Clement Malau

PNG i go het long ol 20 yia i go pinis. Mipela i gat gutpela lejislesen na ol gutpela polisi long helpim long daunim sik HIV na AIDS, Mipela i mas strongim ol sevis long ol ruel eria long ol pipel long yusim ol dispela sevis.

Dokta Ninkama Moiya, Nesenel HIV/AIDS Advaisa, Sanap Wantaim

Gavman i mas givim moa sapot long HIV rispons.

Dokta Goa Tau, Sif Fisisen

Mipela i mekim gutpela wok wantaim sapot bilong ol patna bilong mipela. I gat planti ol plen i stap. Ke na sapot bilong ol pipel i stap wantaim sik HIV na AIDS i mas kamap gutpela moa.

Dokta Jacqueline Badcock - UNDP Kantri Dairekta.

I gat planti ol program i stap. Mipela i gat HAMP Ekt I gat moa politikel sapot olsem kirapim bilong Spesel Palimentari Komiti long HIV/AIDS Mipela i mas stretim yet ol hevi bilong stigma na diskriminesen Mipela i mas lukluk moa yet long ol ruel eria Mipela i mas lukluk tu long ol meri na pikinini

Tim Rwabuhemba, UNAIDS - Kantri Kodineta

PNG wok bihainim ol 3-1 tingting Tu i gat planti polisi Bikpela salens em long karimaut ol dispela polisi I mas givim moa risos long ol ruel eria


Sista Tarsicia Hunhoff

I mas i gat moa testing long ol pipel long ol ruel eria.

Romanus Pakure-Ekting Dairekta NACS

Mipela i lukim planti gutpela samting. Ol dona na stek holda i wok bung I gat moa sapot long gavman I gat planti wok i wok long kamap I mas kamapim gut moa wok bilong bungim data o infomesen.






TELIKOM PNG LIMITED  
"our communication company"

Start-Up kit discount

"Telikom PNG makes  
my communication needs  
easy and simple"



K20

DON'T LIMIT YOUR  
CALLS. CHANGE  
YOUR SIM WITH  
THIS BEST OFFER  
& GET CONNECTED  
WITH EVERYONE

START-UP KIT

WITH K15 FREE CALL CREDITS

now that's real communication

Always there!





## YUMIFM Redio Program

### Program bilong Wanwan De - Mande - Fraide

6am - 10am - Sankamap show - Host: Kas.T  
 6:15am - Komuniti Notis Bod  
 6:30am - Nius Hetlains / Bondei grittings  
 STOP & SHOP GES FAIA KOMPETISEN  
 6:45am - Niuspepa Hetlains  
 7:00am - Major Nius Bulletin - YUMIFM Nius Senta  
 7:15am - Powerhaus Hit prediksen  
 7:30am - STOP & SHOP GES FAIA KOMPETISEN  
 8:00am - Major Nius Bulletin - YUMIFM Nius Senta  
 8:15am - YUMIFM Bisnis / Market Ripot  
 8:30am - STOP & SHOP GES FAIA KOMPETISEN  
 9:00am - Nius Bulletin - YUMIFM Nius Senta  
 9:15am - Luksave long Komuniti (Redio Pilai)  
 9:30am - STOP & SHOP GES FAIA KOMPETISEN  
 9:45am - YUMI PAINIM WOK Segment  
 10:00am - Nius - YUMIFM Nius Senta  
 10am - 2pm - Morin Trek na Belo Pack -  
 10:10am - Lukatim yu yet - Helt toktok - RH Hyper Mart  
 10:15am - Powerhaus Hit Prediksen  
 10:45am - YUMI PAINIM WOK Segment  
 11:00am - Nius - YUMIFM Nius Senta  
 11:10am - Cont'd - Lukauti yu yet - Helt toktok  
 11:30am - Nius Hetlains b'long Belo Taim  
 12:00pm - Major Nius Bulletin - YUMIFM Nius Senta  
 12:10pm - ESI COOK RICE Belo faim Dedikesen  
 12:15pm - Komuniti Notis Bod  
 12:20pm - cont'd ESI COOK Belo taim dedikesen  
 1:00pm - Nius - YUMIFM Nius Senta  
 1:10pm - cont'd ESI COOK RICE Belo taim dedikesen  
 1:15pm - Powerhaus Hit Prediksen  
 2:00pm - Major Nius Bulletin - YUMIFM NIUS SENTA  
 2pm - 6pm - Avinun Draiv Taim - Host: UNCLE ET  
 2:00pm - 4:00pm (Tunde / Fondei) TOKAUT TOKSTRET  
 2:45pm - YUMI PAINIM WOK Segment  
 3:00pm - Nius - YUMIFM Nius Senta  
 3:10pm - Avinun cruz  
 4:00pm - NIUS - YUMIFM Senta  
 4:10pm - SAUT B'long UNCLE ET - foapela singsing  
 4:30pm - Nius Hetlains  
 4:45pm - YUMI PANIM WOK Segment  
 5:00pm - Nius - YUMIFM Nius Senta  
 5:10pm - 6:00pm - FLAME KULCHA (1 hr)  
 6:00pm - MAJOR NIUS BULLETIN - YUMIFM NIUS Senta  
 6pm - 00am - NAIT BEAT - Host: ANGRA KENNEDY  
 6:10pm - 7:00pm Mon kamap so  
 6:15pm - Powerhaus Hit Prediksen  
 6:45pm - Komuniti Notis Bod (Toksave wantaim Vaviessie)  
 7:00pm - 9:00pm - COCA COLA GARAMUT  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW  
 00:00 - Early Morin Taim Cruz (ol lain brukim tulait So)

# Wiken raun wantaim Wantok



**TELIKOM SPONSA:** Ol sponsa bilong Musik Awot bilong 2007 i sindaun amamas wantaim sampela ol top musik atis bilong PNG. Biknem musik man bilong Niu Kaledonia Edou (wantaim skaf long naimel) tu i kam long pairapim musik bilong em long dispela Musik Awot nait.

**Poto: NICKY BERNARD**

## Yumi FM Musik Awot i kamap gen

...Telikom B Mobail i go pas long en

Nicky Bernard i raitim

**93FM Yumi FM i kisim bikpela sapot i kam long Telikom PNG B Mobail long dispela bikpela musik awot we bai kamap long dispela wik Sarere, Desember 1, 2007 long Pot Mosbi Kantri Klab long Mosbi.**

Total Event Kampani bai lukautim olgeta samting dispela nait. Yumi FM i save kamapim dispela musik awot olgeta yia long promotim o kirapim luksave long ol musik manmeri na ol grup insait long Papua Niugini (PNG) na Pasifik.

Long dispela yia Telikom PNG i kam insait long helpim ol musik manmeri

na grup bilong PNG long kisimluksave long ol nara-pela Pasifik kantri.

Sarere nait bai lukim ol biknem musik manmeri na grup bilong yumi olsem Pati Pots Doi, Anslom, Moqai, Taita Maraga, Lerams of Kagua na wanpela String Ben ol kolim long Giveaway, pilai.

Yumi FM tu i kisim wanpela biknem musik man bilong Niu Kaledonia, Edou, we musik bilong em i save pairap long PNG wantaim sapot bilong Frans Embesi.

Bikman bilong Frans Embesi, Gorart Jean-Pierre i tok em wok long traim long Kisim Edou long kam pilai long PNG long-taim i go pinis tasol em i no inap. Nau Telikom na

Yumi FM i wokim gutpela samting stret long kisim Edou i kam pilai.

Edou i no nupela long musik bilong yumi PNG na em save laikim kain stail pilai bilong Pots na sampela biknem musik man bilong yumi.

Yumi FM bai givim ol Awot i go long ol musik manmeri long musik bilong ol save pulim laik bilong yumi ol manmeri bilong PNG. I bai gat 8-pela kategori we ol musik manmeri bai winim. Sapos yu laik painim aut husat bai winim ol dispela Awot kam long Kantri Klab na bai yu painim aut, em ol lain i stap long Mosbi tasol. Get fee em K40.00 na bai yu ken baim long get long dispela nait.

## RADIO AUSTRALIA TOK PISIN PROGRAM

HARIM LONG: 101.9 FM

### Radio Australia Tok Pisin Program - MANDE

**Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Privi  
 7.15PM Musik na Chit-Chat  
 7.30PM Nius na Karent Afes  
 8PM Helt  
 8.15PM Musik/Spots  
 8.30PM NIUS  
 8.40PM Spots Riplei  
 8.55PM Musik  
 9PM Stesen Pas

### TUNDE

**Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Privi  
 7.15PM Musik na Chit-Chat  
 7.30PM Nius na Karent Afes  
 8PM Marna Graun  
 8.15PM Musik/Spots  
 8.30PM NIUS  
 8.40PM Helt Riplei  
 8.55PM Musik  
 9PM Stesen Pas

### TRINDE

**Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Privi  
 7.15PM Musik na Chit-Chat  
 7.30PM Nius na Karent Afes  
 8PM Focus  
 8.15PM Musik/Spots  
 8.30PM NIUS  
 8.40PM Marna Graun Riplei  
 8.55PM Musik  
 9PM Stesen Pas

### FONDE

**Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Privi  
 7.15PM Musik na Chit-Chat  
 7.30PM Nius na Karent Afes  
 8PM Youth  
 8.15PM Musik/Spots  
 8.30PM NIUS  
 8.40PM Focus Riplei  
 8.55PM Musik  
 9PM Stesen Pas

### FRAIDE

**Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Privi  
 7.15PM Musik na Chit-Chat  
 7.30PM Nius na Karent Afes  
 8PM Wantok  
 8.15PM Musik  
 8.30PM NIUS  
 8.40PM Youth Riplei  
 8.55PM Musik  
 9PM Stesen Pas

### SARERE

**Nait**  
 7PM Stesen op - Ol Nius Hetlain/Program Privi  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8.30PM Nius  
 8.40PM Musik/Chit Chat  
 9PM Stesen Pas

### SANDE

**Nait**  
 7PM Stesen op - Ol Nius Hetlain/Program Privi  
 7.05PM Musik na Chit Chat  
 7.30PM Nius  
 7.40PM Famil Blong Serah (Radio Plei)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Stesen Pas

## 93 FM YUMIFM WIKLI HIT PARADE

Date Ending: Saturday: 17/11/07		SONG	ARTIST		
1	1(4)	Laea long mi	Solkizs		
3	2	Oh Mama	Owa Unit		
5	5(3)	Crazy	Anslom		
2	3	Swit Love	Patti Potts Doi		
4	4	Mangi Moresby	Massive Sound System		
7	7	Anua Moagere	Patti Potts Doi		
12	9	K - Nait Club	Uralom Kania Anua		
10	10	Swit Lewa	Leonard Kania		
6	6	Unari	Tribe of Jubal		
8	8	Tugurere	Papua Originators		
14	14	Gutsi Peren	Suluna Toupan		
ft George Luff	11	12	12	Lost in a dream	Leonard Kania
9	11	13	Fool moon	Anslom Nakikus	
0	16	14	Umangil	Giveaway String Band	
13	13(5)	15	Auna Fonza	Moqai	
15	15	16	Darling	Solkizs	
0	0	17	Oh Girl	Phi Jay	
0	0	18	Gaidi lalokau	Sega Brothers	
0	0	19	Kusai Sandy	Shem Calls	
0	0	20	My Rocks	Toni Mex	

## TV GAID

## EMTV Celebrating 20 Years of Television Broadcasting in PNG!

### FONDE29 NOVEMBA, 2007

5.27AM STATION OPEN  
 5.30AM G JOYCE MEYER  
 Religious programme  
 6.00AM G TODAY  
 9.00AM G CREFFLO DOLLAR  
 Religious Program  
 9.30AM EMTV PRIME TIME LINE UP  
 2.59PM STATION RE-OPEN  
**KIDS KONA**  
 3.00PM G KANGOO  
 3.30PM G HI-5  
 4.00PM G SHARKY'S FRIENDS  
 4.30PM G FOREIGN EXCHANGE  
 4.57PM G EMTV TOK SAVE  
 5.00PM G THE SHAK  
 5.29PM G EMTV NEWS UPDATE  
 5.30PM G HOT SOURCE  
 6.00PM G NATIONAL EMTV NEWS  
 6.30PM G CURRENT AFFAIR  
 6.59PM G NEWS UPDATE IN TOK PISIN  
 7.00PM G BERT'S FAMILY FEUD: 7.30PM  
 G SPORT SCENE  
 7.57PM G EMTV TOK SAVE  
 8.00PM M 24

9.00PM M RPA  
 10.00PM M THE GIFT  
 The Gift is a factual new series hosted by 60 Minutes reporter Tara Brown which documents the amazing stories, trauma and importance of organ donation and transplants. (Season Premiere)  
 10.00PM G EMTV NEWS REPLAY  
 11.00PM PG I SHOULD'N'T BE ALIVE  
 MIDNIGHT Australia Network

### FRAIDE 30 NOVEMBA, 2007

5.29AM STATION OPEN  
 5.30AM G JOYCE MEYER  
 Religious programme  
 9.00AM G CREFFLO DOLLAR  
 Religious Program  
 9.30AM EMTV PRIME TIME LINE UP  
 2.59PM STATION RE-OPEN  
**KIDS KONA**  
 3.00PM G KANGOO  
 3.30PM G HI-5  
 4.00PM G SHARKY'S FRIENDS  
 4.30PM G FOREIGN EXCHANGE  
 4.57PM G EMTV TOK SAVE

5.30PM G HOT SOURCE  
 6.00PM G NATIONAL EMTV NEWS  
 6.30PM G A CURRENT AFFAIR  
 6.59PM G NEWS UPDATE IN TOK PISIN  
 7.00PM G TEMPTATION  
 7.30PM G LOVE PATROL  
 8.00PM G IN MORESBY TONIGHT  
 8.27PM G EMTV TOK SAVE  
 8.30PM G FRENCH FILM FESTIVAL  
 Les Voyageurs de la Korrigane  
 (2005) Documentary - The voyage aboard La Korrigane in the South Seas in the 1930s undertaken by five well-to-do young people the expedition saw them return to France with over 2,500 truly genuine artefacts, many of which are now prized exhibits in the Musee du Quai Branly. Their travels also took them to the Middle Sepik River where the bonds of friendship remain.  
 9.30PM PG 20 TO 1:  
 11.30PM G EMTV NEWS REPLAY  
 Midnight Australia Network

### SARERE 1 DISEMBA, 2007

10.29AM STATION OPEN

10.30AM PG THE MUSIC JUNGLE  
 11.30AM G HOT SOURCE  
**Kids series**  
 Midday G TALKING TO ANIMALS  
 12.30PM G THE GARDEN GURU  
 1.00PM G BACKYARD BLITZ  
 2.00PM G THE PACIFIC WAY  
 3.00PM G TOTAL RUGBY  
 3.30PM G THE CAR SHOW  
 4.00PM G THE BOATIQUE  
 4.30PM G DO IT  
 5.00PM G SPEED MACHINE  
 6.00PM G NATIONAL EMTV NEWS  
 6.30PM G AUSTRALIA'S FUNNIEST HOME VIDEO SHOW  
 7.30PM PG JUST FOR LAUGHS  
 8.00PM G IN MORESBY TONIGHT (special time)  
 8.27PM G EMTV TOK SAVE  
 8.30PM G HELEN'S STORY  
 A special presentation in conjunction with World Aids Day - Helen Samilo is a senior counsellor with Anglicare PNG. She was diagnosed as HIV+ in 1999. This is her story.  
 9.30PM PG THE SIMPSONS: HALLOWEEN SPECIAL, PART I & II

The show follows the comical adventures of the Simpson family in the town of Springfield.  
 10.30PM G TOTAL RUGBY  
 11.00PM G EMTV NEWS REPLAY  
 11.30PM PG AIRPORT  
 Midnight Australia Network

### SANDE 2 DISEMBA, 2007

8.59AM STATION OPEN  
 9.00AM G BUSINESS SUCCESS  
 9.30 G SUNDAY (FINAL)  
 11.00AM Australia Network  
 5.00PM G THE PACIFIC WAY  
 Midday G THE CRICKET SHOW  
 5.00PM G SPEED MACHINE  
 6.00PM G NATIONAL EMTV NEWS  
 6.30PM G SEVENTH HEAVEN  
 7.30PM G 60 MINUTES(final for 2007)  
 8.27PM G EMTV TOK SAVE  
 7.30PM G NATIONAL AIDS COUNCIL  
 A special presentation marking World Aids Day.  
 8.27PM G TOK SAVE  
 8.30PM PG SUNDAY NIGHT MOVIE: THE WEDDING DATE





TORO



BIABIA



KANAGE



meri toktok ol bai tok mipela save. Olsem tupela wan wok, narapela bai go lusim narapela, na taim tupe'a sindaun long kar tupela askim tupela gen, "bai yumi go we?" Draiva tok, "Holide In Hotel." Taim tupela kamap long hap man bilong go daun i go daunbilo na draiva tek ov. Taim man ya i go kam long kaunta ol lain long hap i tok sori mipela i no save lon dispela bung, em i mas stap long Hideaway Hotel. Tarangu, bikman ya i wokabaut long Holide In go bek long opis bilong em.

Sikirap long sindaun long fran

Noken traim long go sindaun long fran sapos yu gat narapela wok. Yu bai lok na bai yu no inap go wokim narapela wok bilong yu. Olsem man bilong kisim piksa bilong Wantok Niuspepa i go long opim bilong nupela haus lotu bilong ol AOG na em i sindaun long fran. Taim em i lukim olsem taim bilong em long go wokim narapela wok em paul olgeta bikos sapos em i

sanap bai olgeta manmeri bai lukim em. Em sindaun tasol inap olgeta samting i pinis.

Yu gat laisens tu?

Ol rot long Mosbi i gat manmeri long klinim long nait na nau planti ol manmeri save putim ol klos bilong sefti na taim lait bilong kar i kisim bai em lait na bai yumi luksave long ol. Ol polis tu save putim dispela klos na planti ol draiva bai save. Wapela nait wapela mama i laik ronim kar na man bilong em i givim em ki. Taim ol kam long Waigani Polis Stesin, ol lain bilong klinim rot i wok stap. hariap tru mama ya katim i go long sait bilong rot stopim kar na givim ki long man bilong em. Wankain taim wapela bas i kam na stop bikos ol i ting olsem tupela i pait. Taim draiva bilong dispela bas askim, man bilong meri ya i tok, "nogat mi ronim kar na ting olsem ol polis i rot blok olsem na mi stop na givim bek ki."

Tokwin Tasol...


PAINIM NEM INSAIT

B	U	K	A	I	T	P	O	T	M	O	S	B	I	C	T	K
6	H	U	I	R	E	X	S	A	D	U	Y	I	M	N	O	A
L	E	G	A	B	A	W	E	S	A	M	E	R	E	K	E	V
A	W	E	T	U	I	L	O	P	N	M	S	A	N	G	R	I
E	M	A	D	A	N	G	N	E	V	C	H	O	D	R	T	E
K	A	K	I	A	V	B	N	A	M	W	N	E	I	R	E	N
R	E	B	N	O	X	E	W	B	H	E	U	I	L	R	E	G
A	L	O	T	A	U	A	E	R	G	W	B	N	M	A	S	A
W	E	R	T	Y	I	K	O	A	H	A	D	C	O	K	I	D
A	S	T	R	D	B	O	H	Y	C	K	H	I	P	O	K	A
E	E	W	N	S	A	N	G	R	I	L	A	E	L	R	O	R
B	I	U	C	K	E	L	V	A	N	I	M	O	K	O	L	U
M	K	E	N	T	F	A	R	M	E	S	U	Y	N	G	J	I
I	U	P	N	E	T	I	O	N	M	B	C	Z	E	S	E	D
K	S	U	S	E	P	O	P	O	N	D	E	T	A	I	D	E
W	A	L	L	A	R	O	F	C	I	D	R	O	N	M	Y	J
M	A	L	U	A	B	A	R	A	U	A	G	N	E	R	O	L

Painim ol nem bilong ol dispela biktaun bilong yumi:

KAVIENG	LORENGAU	RABAU	KIMBE	BUKA
LAE	ALOTAU	DARU	POPONDETA	WEWAK
VANIMO	GOROKA	KEREMA	MENDI	WABAG
MADANG	KUNDIAWA	MAUNTEN	HAGEN	POT MOSBI

ANSA BILONG LAS WIK...



ANSA BILONG LAS WIK...

1	4	7	6	8	2	3	5	9
5	2	8	3	9	1	6	4	7
3	9	6	5	7	4	2	1	8
7	1	4	2	5	6	9	8	3
9	6	5	8	3	7	4	2	1
8	3	2	4	1	9	5	7	6
6	5	1	9	2	8	7	3	4
4	7	3	1	6	5	8	9	2
2	8	9	7	4	3	1	6	5

			8	2				9
5			3	9	1			4
	9	6			4			1
	1	4						8
9			8		7			1
	3					5	7	
	5		9			7	3	
	7		1	6	5			2
2			7	4				

Ol ansa bai kamaut long neks wik so putim was long neks wik pepa!!

EMTV TV GUID

EMTV Celebrating 20 Years of Television Broadcasting in PNG!

(2005) Comedy/Romance - Kat's worse nightmare is about to come true. Not only is her young sister Amy getting married before her but to add insult to injury the groom's best man is her ex-fiance. Kat can't bear to attend the wedding as a single so she hires an escort to play her dashing new boyfriend. But Kat's plan takes a turn when she starts to fall for Nick her 'boyfriend'.  
Stars: Debra Messing and Dermot Mulroney.  
10.30PM G EMTV NEWS REPLAY  
11.00PM PG KING OF QUEENS  
11.30PM Australia Network

MANDE 3 DISEMBA, 2007

5.29AM STATION OPEN  
5.30AM G JOYCE MEYER  
Religious programme  
6.00AM G TODAY  
9.00AM G CREFFLO DOLLAR  
Religious Program  
9.30AM EMTV PRIME TIME LINE UP  
2.59PM STATION RE-OPEN  
KIDS KONA  
3.00PM G NEW MACDONALD'S FARM  
3.30PM G HI-5  
4.00PM G SHARKY'S FRIENDS

4.30PM G FOREIGN EXCHANGE  
4.57PM G EMTV TOK SAVE  
5.00PM G THE SHAK  
5.29PM G EMTV NEWS UPDATE  
5.30PM G HOT SOURCE  
6.00PM G NATIONAL EMTV NEWS  
6.30PM G A CURRENT AFFAIR  
7.00PM G TOK PIKSA: ...  
7.30PM PG THE SINGING BEE (Series final)  
8.00PM PG AIRLINE  
8.30PM PG GOING PLACES  
8.57PM G EMTV TOK SAVE  
9.00PM M RPA: WHERE ARE THEY NOW? RPA: Where Are They Now looks back at the most memorable cases in the program's history and finds out what happens to those patients.  
10.00PM G PASTOR JOSEPH KINGAL  
MINISTRIES: "Are You God Mover or Man Mover?"  
10.30PM G EMTV NEWS REPLAY  
11.00PM PG KING OF QUEENS

11.30PM Australia Network  
TUNDE 4 DISEMBA, 2007  
7.15AM G TODAY  
9.00AM G CREFFLO DOLLAR  
Religious Program  
9.00AM G CREFFLO DOLLAR  
Religious Program  
EMTV PRIME TIME LINE UP  
STATION RE-OPEN  
9.30PM  
2.59PM  
KIDS KONA  
3.00PM G NEW MACDONALD'S FARM  
3.30PM G HI-5  
4.00PM G SHARKY'S FRIENDS  
4.30PM G FOREIGN EXCHANGE  
4.57PM G EMTV TOK SAVE  
5.00PM G THE SHAK  
4.57PM G EMTV TOK SAVE  
5.30PM G HOT SOURCE  
6.00PM G NATIONAL EMTV NEWS  
6.30PM G A CURRENT AFFAIR  
7.00PM G TEMPTATION  
8.00PM G HAUS & HOME  
(special time)  
PNG's weekly guide to cooking, finance, child-

care, health and gardening.  
Presented by Sharon Onsa-Pople.  
8.57PM G EMTV TOK SAVE  
9.00PM PG WHAT'S GOOD FOR YOUR  
10.00PM M 24  
11.00PM PG THE FARMER WANTS A WIFE (new night) Missed the last episode? Catch up on the last episode tonight, then watch the new show on Wednesday.  
Midnight G EMTV NEWS REPLAY  
TRINDE 5 DISEMBA 2 007  
5.29AM STATION OPEN  
5.30AM G JOYCE MEYER  
Religious programme  
6.00AM G TODAY  
9.30PM EMTV PRIME TIME LINE UP  
2.59PM STATION RE-OPEN  
KIDS KONA  
3.00PM G NEW MACDONALD'S FARM  
3.30PM G HI-5  
4.00PM G SHARKY'S FRIENDS  
4.30PM G FOREIGN EXCHANGE  
4.57PM G EMTV TOK SAVE  
5.00PM G THE SHAK  
5.30PM G HOT SOURCE  
6.00PM G NATIONAL EMTV NEWS  
6.59PM G NEWS UPDATE IN TOK PISIN  
7.00PM G TEMPTATION

7.30PM PG THE FARMER WANTS A WIFE  
8.27PM G EMTV TOK SAVE  
WEDNESDAY NIGHT MOVIE: THE WEDDING PLANNER (new time)  
(2001) Comedy/Romance - A romantic comedy about love, destiny and other events you just can't plan for. Mary Fiore is the wedding planner. She's ambitious, hard-working, extremely organized, and she knows exactly what to do and say to make any wedding a spectacular event. But when Mary falls (literally) for a handsome doctor her busy yet uncomplicated life is turned upside down - he's the groom in the biggest wedding of her career! Will she help him walk down the aisle with his internet tycoon girlfriend, or will Mary finally get to be the bride herself? When it comes to love, you can never plan what's going to happen.  
Stars: Jennifer Lopez, Mathew McConaughey, Bridgette Wilson.  
10.30PM PG WIFE SWAP  
11.00PM G EMTV NEWS REPLAY  
11.30PM Australia Network



# Awot bilong ol meri tu long Nesenel Musik Awots 2007

**S**AVE bilong musik bilong Papua Niugini (PNG) na ol rijenal musik krieta bai kamap ples klieta gen taim Yumi FM Nesenel Musik Awots 2007 bai kamap dispela wiken long Mosbi. Tasol dispela yia i gat sampela moa awot i stap bilong givim sans long moa musik atis long win.

Na namba wan nupela kategori em bilong ol meri musik atis husat bai gat sans nau long winim wanpela musik awot.

Tru tumas, mi yet mi bilip olsem nau bai mobeta bikos stat long taim ol lokal musik awot i bin kirap 4-pela yia i go pinis, ol man tasol i wok long winim ol awot na ol meri musik atis i save sindaun long baksait tasol.

Nau ol meri i opim maus pinis na tok 'em inap nau', na ol i laik stap insait long dispela 11-pela musik awot bilong dispela yia.

Yumi FM Nesenel Musik Awots em i samting i save givim luksave long strong na save bilong ol musik atis long PNG na Pasifik na i save luksave long stail bilong ol.

Long tupela yia i go pinis, dispela bikpela musik awot so i wok kisim helpim long SP Brewery.

Dispela yia nau bai lukim ol i kisim bikpela helpim tru long B-Mobile bilong Telikom PNG.

Yes, mipela em wanpela kantri tasol i ken givim ol rijenal awot program we ol musisen long rijen wantaim ol as ples lokal musisen tu i ken skelim strong bilong ol long musik wantaim na traime winim ol awot olsem 'Rookie of the Year' awot, 'Atis of the Year' na planti ol arapela kategori olsem 'South Pacific Artist of the Year' awot we em bilong ol atis



bilong ol Pasifik kantri husat i gat ol hit singsing long PNG insait long wan wan yia. Ol Pasifik musik atis tu i ken kwalfai long winim ol awot insait long olgeta arapela kategori.

I kam inap nau, ol wina bilong South Pacific Artist of the Year awot i kam long Solomon Ailans tasol bihain long dispela spesol kategori i bin kamap long 2004/2005 SP Rock Musik Awots, tasol ating namba wan kategori em Rookie of the Year we mi ken tok olsem em i namba wan awot tru long PNG musik long lusim sua bilong yumi na ol PNG Musisen husat i bin lusim i go long han bilong supasta bilong Honiara, Sharzy long 2002 taim em i rausim long han bilong Anslom.

Long 2003, Manny bilong Alotau i bin winim bek long Honiara na i stap long han bilong PNG inap nau.

Tasol husat i save, nogut bai em i go bek gen long dispela Sarere nait i kam. Bikos i gat sampela nupela Honiara ben olsem Solkizs, Third World Crew, Sharzy na Litol Rasta, husat bai mas fleksim masol bilong ol agensim Tribe of Jubal bilong Cairns na Jeannie Hui we hit musik bilong em i wok kamaut long Mangrove Studios.

Ol strongpela lokal musik atis i stap dispela yia em Moqai, Taita Maraga, Suluna Toupan, Gary Vaibua o Elizabeth Tandoa, em dispela hai

skul tisa bilong Sauten Hailans husat i bin sut long bilakbot na sok long rekotim musik.

Glasim Musik Kolum long Wantok Niuspepa na The National i wok long was gut tru long strong bilong planti ol lokal na rijenal musisen na mipela i laik helpim wanem ol disisen i go long ol awot i o lain i kisim awot taim mipela i givim liklik tingting long husat tru bai gat sans insait long wan wan kategori.

I gat 11-pela kategori dispela yia we i bin gat 10-pela tasol long 2006. Nupela kategori dispela yia em Rookie of the Year - Female (meri) we i brukim dispela kategori we i bin sanap em yet i go tupela. Wanpela bilong ol man na narapela bilong ol meri.

Long luksave bilong mipela, i bin gat tripela meri atis husat i bin mekim nem wantaim sampela ol singsing bilong ol.

Em Jeannie Hui bilong Mangrove Studios wantaim singsing bilong em Melymelo, na bihain i bin gat singsing Siare Miaru i kam long Elizabeth Tandoa em dispela hai skul tisa. Tasol nem i stap pas long planti maus tru em Taita Maraga we albam bilong em Sorri Francis i bin mekim gut tru long 2007. Mi ken bet na tok olsem dispela meri Sentral Provins meri long winim dispela Rookie of the Year - Female Kategori,

Bihain i gat awot bilong ol man long dispela awot, na long lukluk bilong mi, mi ting Moqai bai kisim dispela awot bihainim bikpela senis na stail em i givim long tua em i mekim wantaim Anslom taim em i bin lonsim Fool Moon albam bilong em.

Namba tu posisen wina long ol redio sat, Auna Fonza i bin senisim tru stail bilong musik long Sentral Provins.

Tasol mi bin save abrus liklik tu long ol pridiksen bilong mi. Tasol taim mi lukluk long ol arapela lain i ken win long dispela kategori mi lukim Suluna Toupan bilong Buka Ailan i apim han bilong em long skorim sampela poin wantaim singsing bilong em Gutsi Peren, na narapela atis i ken traime dispela wanpela kategori tu em Garry Vaibua husat i bin gat sampela sapot liklik tu long singsing Lady. Tasol mi yet mi no lukim em i go antap moa. Askim poroman bilong yu long tingting bilong ol, tasol mi ting Rookie of the Year bai go yet long Moqai na singsing bilong em Auna Fonza.

Ol singsing we i pulim tru ai bilong ol Jas em ol i bin kirapim das long Nesenel Wikli Hit Pareit long Yumi FM.

Man i save bosim, em Kas-T yet, i tok olsem ol jas bai kisim taim tru long painim ol wina 'bikos planti long ol musisen bilong yumi i mekim gut tru long kaundaun bilong yumi insait long dispela 12-pela mun.'

Dispela i ken inap bilong Glasim Musik long helpim long skelim ol wina long strong bilong ol singsing long albam bilong ol, na mi laik givim tingting bilong mi tu long Group of the Year kategori. Mi save. Ating yu wok tingting pinis long Solkizs o Junia Insects o Lerams tu.

Tasol noken lus tingting long Daville husat i autim Ire Bala albam bilong ol na taitol trek i bin kam gut tru long ol yangpela.

Grup bilong Oro, Empiss tu i bin tanim het long 2007, tasol ol i no mekim nem long mak. Mi ting Group of the Year bai go long Kagua bikos ol na ol produsa bilong ol bin skelim gut tru singsing Mangi Hailens. Mi no strongpela sapota bilong Lerams of Kagua, tasol mi ting ol i gat inap long winim.

Yu bai wanbel tasol olsem Song of the Year awot i mas go long singsing bilong Patti Doi, Swit Love.

Em i brukim olgeta rekot insait long 30 yia histori bilong PNG musik industri taim em i sindaun long namba wan posisen 42 wik olgeta.

Maski Solkizs i bin rausim em long namba wan, em i wok drip antap yet long soim strong bilong em.

Tru tumas, Tago Urere em wanpela albam i bin kamap gut tru long 2007. I gat inap strong long winim Most Consistent Charter 2007.

Albam bilong Potts i bin kamapim faivpela singsing i go kamap long top 10 na dispela i ken lukim Patti Doi i kisim tripela o fopela awot dispela yia.

Tasol olsem wanem long ol arapela awot olsem Solo Atis of the Year, Newest Group of the Year na ol arapela?

"Ol dispela awot bai isi long ol jas long makim." Kas-T i tok. "Em i no hat, olsem, long painim strongpela solo atis bilong yia...em Potts em wanpela."

Tasol long narapela sait, Prins bilong PNG Rab-a-dab stail i minim bisnis tru long pinis bilong yia wantaim rilis bilong singsing bilong

em Where Stap Love na lonsim tua bilong albam Fool Moon. Narapela bilong tingim em albam bilong Gedix Atege. Singsing bilong em Pilai Mosa i ken tanim ol tebol na winim Gedix taitol bilong Solo Artist of the Year. Bihain em nau king bilong Tolai Rock, Leonard Kania, husat i bin stap insait long top 5 wantaim singsing bilong em Swit Lewa. Mi no save long yu, tasol ating Prince bai kisim sans bikos em i gat strong long stap bilong winim dispela awot.

Olsem na husat nau bai nupela musik ben o atis bilong win long 2007? Yu ken makim namel long ol ben olsem Giveaway Stringben bilong Bogenvil na Meri Nissan.

Noken lus ting long ol mangi Gravity bilong Lae, Unitech, o yu ken bihainim tasol Wamo Wamo husat i mekim Gaivakala mejik bilong ol long-ol redio musik kaun kaun o Empis bilong Oro. Em bai nais moa long lukim bihain long ol taim nogut na dai i kamap long provins long las tupela wik.

Mi ting Giveaway Stringben bai gat sans long Newest Group of the Year awot.

Mi laik bilip olsem Lifetime Achievement Awot bai go long wanpela long taim poroman bilong mi na man husat i bin opim musik bilong Hailans rijen long redio, em Pat Siwi bilong Waghi Hellcats long leit 70s na 80s. Pat i nau wok olsem Produsa bilong Kumul Studios long Goroka.

Mi ting nem bilong em i wok kamap olsem wanpela nominesen name long ol arapela insait long musik bisnis olsem Cornelius Po'owa bilong Xerox Studios long Buka na strongpela kontenda tu Anua Kana, em

Eksekutiv Produsa bilong Soundview Studio long Pot Mosbi. Mi wok sanap namel long dispela tupela man long winim, tasol bai mi wet na lukim long Sarere i kam long Pot Mosbi Kantri Klab.

Na long sait bilong ol musisen na atis long rijen i gat planti liklik dispela yia. Sampela em Sharzy, Third World, Tribe of Jubal, Solkizs, Litol Rasta, Dollar Man bilong Honiara na sampela arapela i mekim nem liklik.

Las wik Glasim Musik i tok olsem Yumi FM i askim pinis wanpela rijin ben long kam pilai long dispela ol awot. Dispela ben em ben i save winim tu South Pacific Artist of the Year 2007 awot.

Long 2005 taim dispela awot i bin kamap, Sharzy i bin winim olgeta arapela rijin musik atis. Em i bin winim Album of the Year, Chart Consistency na South Pacific Artist of the Year awot.

Las yia, dispela awot i bin go long Kekene, husat i bin kam long PNG long pilai laip tu. Olsem na mi ting ol i makim rot pinis. Dispela yia, bai Solkizs i kam pilai laip. Na i luk olsem ol bai winim dispela awot tu.

Tasol sapos Solkizs i no inap kamap, noken wari. Dispela yia bai yumi gat sans long lukim wanpela biknem musik man bilong Mangrove Studios long Noumea, Nu Kaledonia em Edou.

Kas-T bilong Yumi FM i toksave pinis olsem em bai kamap long Pot Mosbi long Mande wantaim helpim bilong Frens Embasi na Telikom PNG:

**Yu ken ritim Glasim Musik long tok inglis: olgeta Mande insait long The National tasol.**

## Tokpilai wantaim Kanage olgeta wik!!

pulap long ol turis i go long ples maket bilong salim kaving. Kanage i lukim na askim ol poro bilong em, "hei wanem dispela tupela bot ya?" Ol tokim em, "em ol turis i kam nau." Kanage na tok sans ya. Ol i go kamap long maket we ol turis i stap na ol poro bilong Kanage i sanap lukluk long ol turis na tarangu Kanage sindaun em yet long as bilong kokonas na wok long sikirapim skebis bilong em i stap. Em i no save olsem wanpla lapun turis waitmeri i wokabout i kam na askim ol poro bilong em long kapul long Tok Inglis olsem, "have you got a cuscus?" Kanage i ting olsem waitmeri i askim em. Ol poro bilong em redi long tok nogat, tasol Kanage i kirap long as bilong kokonas na kisim skebis han bilong em i go na soim long dispela meri. Meri i lukim na belhat na tokim Kanage, "not that one. I am talking about the animal." Kanage tok, "aiyo, yu tok long kaska na mi soim yu na yu tok nogat gen." Dispela meri i no save long Tok Pisin na em askim Kanage, "hey what did you say?" Kanage tokim em, "yu paulim mi long Tok Inglis na mi paulim yu long Tok Pisin."

**ESHRONE MUTANGI  
KERAM RIVER  
IS SEPIK PROVINCS**

Kanage em wanpela lapun Sepik i stap long blok long Popondeta longpela taim. Lapun misis Kanage

i dai pinis na boi nogut em yet i stap. Wanpela taim ol senses lain i kam bilong kaunim namba bilong ol manmeri. Wanpela senses opisa i go long blok bilong Kanage na askim em, "hei pren, hamas age bilong yu?" Kanage paul na tokim em, "yu ting kain lapun olsem mi bai karim kain sik nogut olsem raun? Em yupela ol wokman bilong gavman tasol i save karim sik nogut ya na givim long ol gutpela lain ya. Koan go pinis." Senses boi i save olsem em i no Tok Pisin stret olsem na em i tok, "sori papa, mi laik save hamas krismas bilong yu?" Taim Kanage harim em tok, "mi stap 11 krismas long Popondeta."

**Masta Wai  
Renbo**

Kanage em bilong ples Nuru long Marawaka tasol em bin lusim ples na go stap long Lae siti inap long 26 krismas. Em tingting long go long ples na painim abus long maunten bilong em wait ston apurari.

Long krismas em i go long ples na stap wantaim kasen bilong em. Kasen bilong em givim em sampela spia na bunara. Em tingting long em wan bai go painim abus long nait. Taim apinun nau em wokabout isi isi i go long bus rot. Em wokabout yet nait i go tudak olgeta. Em kisim tos na batri long bilum bilong em, onim na wokabout isi isi i go. I no longtaim em

harim traipela nois antap long lip bilong diwai. Hariap tasol em rausim rop long bilum bilong em na go antap long diwai wantaim tos, bunara, spia na bilum. Kanage isi tru i go antap long wanem nait, na i tudak tru bikos nogat mun lait na hap em i go long em maunten ples tru. Em i go sanap long han bilong diwai na i laik sutim kapul na nogat em surik i go antap tru long het bilong diwai. Kanage tu em surik i go antap bihainim kapul ya. Em i go sanap klostu tru na i laik sutim ya nogat ol liklik kru hari bilong diwai bruk nau Kanage pundaun i kam daun long diwai. Em i laik holim ol arapela han bilong diwai tasol ol bruk. Taim em wok long pundaun i kam daun, em ting olsem tete long dispela nait em dai bilong em. Taim em wok long kam daun yet na tupela han bilong em i kam pas long wanpela bikpela han diwai em holim pas tru na stap. Dispela hap i ples arere long maunten na ples nogut tu na em tingim laip tu na em i no lusim. Taim em wok long pundaun kam daun ol spia na bunara na tos na bilum na kep ol flai long laik pundaun long bus. Ol gras save gro antap long diwai long bus na em i hat long surikim han bilong en long bikpela han diwai. Samting olsem long 8:30 long nait em i bin hangamap olsem bilak bokis. Maski han bilong em pen na em pilim toilet em fingim laip na em kaikaim tit na hangamap yet. Taim em pilim slip em hangamap na pasim ai tasol na slip. Long dis-

pela nait em i no mekim nois em hangamap i go inap 6 kilok long moning. Em slip na em harim ol pisin singsing na em opim ai na lukim tulait pinis. Em lukluk long ples em hangamap ya man lek bilong em i no longwe tumas long tasim graun. Em i klostu tru. Em lusim han bilong em isi tasol na sanap long graun. Tupela han bilong em pen nogut tru na em painim ol samting pundaun long graun nau em i kam long ples Nuru. Stat long dispela taim Kanage em givap long painim abus long nait.

**JONAH KAM  
MARAWAKA YUKAMU**

Kanage em i wanpela ekting bodi bilong hap long Banz ol i kolim Kalanga viles. Nik nem bilong em Tais Wara. Em i save draivim lasmangi daina long Banz-Kimil rot. Wanpela taim buk i kamap stret long lek mit bilong em na wara nogut i kamaut. Dispela taim em i bin putim wanpela blakpela spotwe bilong Susana na draiv i go long Banz taun. Long hap yet em kamaut long kisim buai na wokabout i krangi liklik. Man ol meri long KNK i lap na tok "Porok o Draiva". Kanage strongim sait na tok "Em tais wara ya noken tok". Ol meri KNK lap na ronawe.

**MATT DEDEBOH HOLEYAH  
BANZ**

**K**anage em bilong ples Yaut long Angoram. Em yangpela man na em i save skul long Angoram Hai Skul. Kanage wantaim ol poro bilong em i go stap long Aigris Maket, baim buai na kaikai na mekim kainkain tok pilai i stap.

Skebis i bagarapim skin bilong Kanage na em i luk panil olgeta. Ol i kaikai i stap na wankain taim Melanesian Discoverer, sip bilong ol turis i kam anga namel long Sepik Wara. Kanage i lukim na askim ol poro bilong em, "hei what kind of ship is this?" Ol poro i harim Tok Inglis bilong em na ol i tokim em, "Kanage wanem kain Inglis bilong yu?" Kanage i tok olsem em traime tasol. "Sapos ol turis i kam bai mi skelim Inglis wantaim ol". Ol i lusim maket na i go antap long eks sevis kem na wankain taim ol turis spit bot i



# Meri maritim wanpisin masalai

**B**ipo, bipo tru i gat wanpela man ol i kolim Masu i stap insait long Nese Barapu grup wantaim meri bilong em, Satia. Wanpela taim Masu na Satia i go long wanpela maunten ol i kolim Dumeu long painim abus. Tupela i wokabout inap long tupela de olgeta na kamap long maunten Dumeu. Tupela i wokim wanpela haus na i slip insait long en long nait.

Dispela maunten Dumeu i ples bilong wanpela masalai snek ol i kolim Dzonei Turango. Satia na Masu i no klia tumas long stori bilong dispela maunten. Em i namba wan taim bilong ol long go long dispela hap.

Masu i kirap long bik moning na i no givim strongpela tok lukaut long meri bilong em. Nogat. Em i larim meri i slip i stap na em i go long painim abus. San i kamap strong pinis Satia i laik pispis tru. Hariap tasol em i go na pispis long wanpela hul bilong graun klostu long maunten.

Man! Satia i wokim bikpela asua stret. Dispela hul bilong graun em i dua bilong masalai snek, Dzonei Turango. Dispela masalai snek i smelim pispis bilong meri na em i opim ai na lukim Satia.

Masalai i tok, "Aha! Tude dispela meri bai indai antap long bros bilong mi stret. Bai em go we?" Masalai i pasim ai gen na slip long hul bilong graun i stap.

Long apinun tru, Masu i karim sampela abus i kam long liklik haus. Em wantaim Satia i kukim na kaikai sampela abus. Tupela smokim

sampela abus na larim i stap. Na ol i slip long nait.

Long narapela moning gen, Masu i kirap long bik moning tru na i go long painim sampela moa abus. Dzonei Turango i tanim olsem man tru na kamap long Satia. Tupela i pren na slip wantaim.

Dzonei Turango i tokim Satia olsem tupela bai marit. Satia i ting Dzonei Turango i man tru na em i yesa tasol long dispela tok.

Long apinun taim, masalai i go pinis, tarangu Masu i karim abus i kam kamap long haus. Satia i no autim dispela sin nogut em i bin mekim long san. Tupela i lukim abus i planti na redi long go bek long bikples. Satia i karim bilum na Masu i karim ol supsup, sipa na tamiok. Klaut i pairap na bikpela ren i pundaun. Graun i bruk na bikpela win i kirap. Na lait bilong klaut i sain klostu klostu.

Win i brukim diwai na pasim rot bilong Masu na Satia. Masalai i no laikim Satia i lusim em na go. Em kain trik bilong ol masalai ya! Taim Masu na Satia i laik go ausait, klaut i save pairap.

Tasol taim Masu i laik go, gutpela san kamap na i nogat ren o win. Dispela kain pasin i kamap planti taim na Satia i klia pinis nau. Em i tingim Dzonei Turango na i tokim Masu long wokabout i go bek long ples.

Masu i harim dispela tok bilong meri na em i luk daun tru. Em i holim pasim meri bilong em na krai nogut tru. Bel bilong Masu i sori tru tasol em i save pinis long dispela masalai. Em i pret na i tilim

abus wantaim ol dok bilong tupela. Em i kirap na krai wantaim i go long bikples gen.

Taim Masu i go pinis, masalai snek i tanim olsem man tru na i kam kisim Satia i go long haus bilong em. Satia i stap wantaim masalai snek inap long sampela taim pinis na em i gat bel.

Wanpela gutpela taim, Satia na Dzonei Turango i wokim gaden bilong ol i stap long arere bilong maunten Dumeu.

Wanpela liklik pisin ol i kolim 'Biloli' i plai long bus i kam i go long ples bilong Satia. Dispela pisin, Biloli i singaut na plai isi tasol i kam i go. Satia i luksave long dispela pisin. Em i wanpisin bilong ol lain bilong em long Nese Barapu. Satia i singaut tasol na i go long dispela pisin na i tok, "O, Biloli, yu pisin ya, olsem na yu ken amamas na plai wantaim i go. Masalai snek i paulim mi na tarangu man bilong mi, Masu i lusim mi na i go pinis long ples. Na mi lus tru i stap long dispela maunten."

Dispela pisin i wanpela wanpisin bilong Dzonei Turango tu. Dzonei Turango i harim toktok bilong Biloli na em i sem pipia tru. Long wanem, Satia tu i wanpisin bilong em stret. Man! Masalai snek i rong tru long bagarapim wanblut!

Orait, masalai snek i wokabout isi isi tasol i go long gaden na katim suga ol i kolim 'Doni Mukowa'. Em i pulumapim planti bilong ol dispela suga long naispela bilum tru. Na em i kisim Satia i go bek long ples. Taim tupela i kamap klostu long ples, Dzonei i tokim Satia olsem, "Sapos yu karim pikinini man, yu yet i ken

lukautim em. Na sapos yu karim pikinini meri, em bilong mi. Klaut bai pairap na mi ken harim. Em bai mi kam kisim pikinini meri long dispela taim."

Ol manmeri i lukim Satia i kamap long ples na ol i amamas nogut tru. Olpela man bilong Satia, em Masu. Tasol Masu i maritim narapela meri pinis. Taim Masu i lukim olupela meri bilong em, Satia, em i amamas tru na i stap wantaim tupela meri wantaim.

Ol i stap inap long sampela mun bhain na Satia i karim wanpela pikinini meri. Tasol Satia i pulumapim pikinini meri long naispela bilum bilong masalai snek. Em i kisim bilum wantaim pikinini i go hangamapim long diwai arere long haus.

Klaut i pairap, bikpela ren i pundaun na traipela win i kirap long ples. Olgeta manmeri long dispela ples i go hait insait long wan haus bilong ol. Masalai snek kam isi tasol na karim bilum wantaim pikinini meri i go long maunten Dumeu.

Planti manmeri long dispela hap bilong Garaina i save olsem lain Nese Barapu i wanpasin bilong dispela masalai snek. Na dispela lain Nese Barapu i planim planti suga gat blakpela skin long ausait na insait bilong en i ret. Em dispela lain suga i bin kam long masalai snek bilong maunten Dumeu.

*Dispela stori tumbuna i kamap long ol tumbuna bilong ol Nese Barapu wanpisin long Garaina distrik insait long Morobe provins.*

## Laikim Penpren

**NEM: Herold Pokentua**

KRISMAS: 20 (man)

ADRES: P.O. Box 2129, Madang, Madang Province

SAVE LAIKIM: Pilai spot, ritim buk, mekim pren, raitim pas, go lotu, na harim musik.

**NEM: Emmanuel Deriga**

KRISMAS: 18 (man)

ADRES: Sorovi Primary School, P.O. Box 72, Popondetta, Oro Province

SAVE LAIKIM: Pilai tas ragbi, volibol, ritim buk, harim musik, na lukim TV.

**NEM: Rofina Wuni**

KRISMAS: 13 (meri)

ADRES: C/- Ignas Numo, P.O. Box 347, Vanimo, Sandaun Province

SAVE LAIKIM: Pilai soka, lukim TV, ritim buk, stori, swim na mekim pren.

**NEM: Joy Ghare**

KRISMAS: 17 (meri)

ADRES: Rakaboku village, P.O. Box 874, Kimbe, West New Britain Province

SAVE LAIKIM: Go lotu, pilai soka, mekim pani.

**NEM: Jermaine Tuane**

KRISMAS: 17 (meri)

ADRES: Hutjena Secondary School, P.O. Box 119, Buka, ARB.

SAVE LAIKIM: Ritim buk, mekim pani, pilai soka na mekim skul wok.

**NEM: Felicia Tabali**

KRISMAS: 17 (meri)

ADRES: Hutjena Secondary School, P.O. Box 119, Buka, ARB.

SAVE LAIKIM: Pilai mekim pani na ritim buk.

**NEM: Stephani Tohaina**

KRISMAS: 17 (meri)

ADRES: Hutjena Secondary School, P.O. Box 119, Buka, ARB.

SAVE LAIKIM: Mekim pani, stori na pilai spot.

**NEM: Vincent S**

KRISMAS: 20 (man)

ADRES: Frontier Holdings Ltd, P.O. Box 102 Boroko, NCD

SAVE LAIKIM: Raun wantaim famili, pilai spot, harim musik, ritim buk, na mekim pani.

**NEM: Dickson Bobby**

KRISMAS: 20 (man)

ADRES: P.O. Box 394, Popondetta, Oro Province

SAVE LAIKIM: Pilai soka, pilai musik, lukim TV, na raitim pas.

**NEM: Kenny Augustine**

KRISMAS: 16 (man)

ADRES: Kanabea Primary School, P.O. Box 220, Kerema, Gulf Province

SAVE LAIKIM: Go lotu, raitim pas na mekim pani

# Man bilong mi i no save helpim mi

Dia Laiplain,

*Mi marit na mi gat tripela pikinini. Mi no laikim pasin bilong man bilong mi na mi les pinis.*

*Em i no save helpim mi wantaim haus wok olsem wasim klos, wasim ol plet, kuk na tu em i no save mekim ti bilong em yet long dring. Tu em i save les long lukautim bebi bilong mi tupela.*

*Mi save long planti man husat i laikim tru ol meri bilong ol na helpim ol wantaim ol wok long haus long fri taim bilong ol.*

*Taim mi save askim man bilong mi long helpim mi, em i save tok em i wok bilong ol meri long wokim ol haus wok.*

*Mi save painim hat long senisim tingting bilong em long dispela na mi laik save wanem we mi ken senisim tingting bilong en long helpim mi wantaim haus wok?*

*Em i gat narapela pasin nogut long strong long mi slip wantaim em na taim*



*em i save spak, em i save strong long mi long slip wantaim em maski mi gat haus wok long wokim.*

*Taim mi save tok nogat bikos ol pikinini i stap raun na bebi tu i yangpela yet, em i save tok em bai paitim mi olsem na mi save bhainim laik bilong em tasol.*

*Em i sori samting long mi bikos dispela pasin i agensim laik bilong mi na mi pret long i gat bel gen taim bebi bilong mipela i yangpela yet.*

*Man bilong mi save laikim mi long bhainim laik bilong em wantaim nogat gutpela tingting long pilings bilong mi.*

*Mi laikim tru man bilong mi na laikim em long senisim pasin na tingting bilong en long mi. Em i save mekim mi pilim olsem mi nogat luksave na i*

*nogat rispek long pilings bilong mi.*

**Meri les long pasin bilong man**

Dia Pren,

Mipela i pilim sori long hevi yu bungim insait marit bilong yu wantaim man bilong yu.

Mipela i save kisim planti ol pas long ol meri husat i tokaut long wankain hevi yu bungim long dispela taim.

Planti i mas i lukim ol meri bilong ol olsem ol samting we i nogat luksave na planti bilong dispela man i tingting olsem bikos long we ol papamama i skulim ol taim ol i liklik.

Ol papamama i save skulim ol pikinini long wok bilong ol man na meri taim ol pikinini go inap ol i bikpela.

Ol pikinini i save lainim long ol papamama long wanem wok ol man i ken mekim na wanem wok ol meri i ken wokim.

Ol kalsa i lainim mipela olsem em i wok bilong ol meri long wokim haus wok na ol man i ken wok insait ol opis o kain olsem.

Sampela man i no save tingim pilings bilong meri bilong ol na bai soim olsem ol i no laik harim toktok long meri bilong ol.

Man bilong yu i gat dispela kain pasin bikos papamama bilong en i skulim em na em i bilip wantaim nogat tingting olsem em i bagarapim pilings bilong yu.

Yu tingting long traim sampela gutpela we long toktok long man bilong yu? Dispela em ol sampela samting long tingim pastaim long yu toktok long en.

Taim yu save laik toktok long en, em i gutpela taim o nogat?

Wanem taim em laspela taim yu laikim tru man bilong yu taim em i wokim samting long helpim yu?

Wanem samting i mekim em long dring planti na nau strong long yu long slip wantaim em?

Yu tingting long toktok wantaim ol famili bilong en long pasin em i wokim long yu?

Taim em i no spak, traim long sindaun wantaim em na tokaut long

pilings bilong yu na wanem we pasin bilong en i ken bagarapim famili bilong yu. Traim long painim wanpela famili long helpim yu long toktok wantaim em.

Gutpela marit i slip long han bilong gutpela toktok i go kam namel long yu tupela.

Laiplain

**Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telepon namba 326 0011.**

**Raitim trupela nem na adres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.**

Laiplain





**TELIKOM PNG LIMITED**  
*"our communication company"*

**Making Calls Easier**

**FROM AS LOW AS...**

**30t** *unlimited*

**HARD TO BEAT!**

*Always there!*

For the Best Coverage and Cheapest Rates, stick with Telikom PNG.





**TELIKOM PNG LIMITED**  
*"our communication company"*

## Off-Peak Rates

UP TO  
**63% off**

# DONT BE CUT OFF

USE OFF-PEAK TIMES TO YOUR BENEFIT

**A) DOMESTIC FIXED LINES**

**50% off**

**B) IDD FIXED LINES BAND 1 COUNTRIES**

See your Phone directory for Band 1 countries.

**35% off**

**C) MOBILE**

**63% off**

**TIMES TO ENJOY THESE RATES**

1. 5:30 PM TO 7:30 AM MONDAY TO SATURDAY
2. ALL DAY ON SUNDAY





# Ol sumatin kisim stia long go bek long graun bilong strongim laip

## Sape Metta i raitim

OL SUMATIN i bin kisim planti stia toktok long wok long graun bilong ol long kamap self rilaien sapos ol i no inap mekim i go long ol arapela haia edukesen institusien long surukim skul na edukesen bilong ol.

Dispela em i wanpela bikpela rot we olgeta lain yangpela husat i misaut na i go bek long ples bihain long pinisim skul i mas mekim.

"Yupela i mas wok hat long graun we yu i ken be nefit na painim gutpela sindaun long nau na bihain taim tu.

"Yupela i kam na pinisim skul na edukesen bilong yupela long dispela mak, tasol edukesen em i no pinis long hia. Na yupela husat i laki long kisim spes long surikim edukesen bilong yupela long ol arapela haia edukesen institusien, mi tok amamas long yupela. Wok hat na kamapim gutpela kaikai long edukesen bilong yupela bai yupela i ken painim gutpela sindaun long bihain taim."

Dispela em i sampela strongpela stia toktok em memba bilong Unggai Bena na Minista bilong Envaironmen na Konsavesen Benny Allen i bin mekim long taim em i adresim 62 gret 12 sumatin husat i greduet na pasaut long Bena Bena Sekenderi skul long Isten Hailans long Fonde wik i go pinis.

Minista Allan i tok "taim i wok long senis olsem na ol sumatin i mas senis tu long ron wantaim ol senis we i wok long kamap."

Em i tok olsem memba bilong dispela ilektoret we Bena Bena Sekenderi skul is tap long en, em

i gat bikpela amamas long wanem dispela skul i wok long givim skul, trening na edukesen sevis i go long ol pikinini bilong Unggai Bena na ol arapela sumatin tu husat i kam long ol arapela distrik long provins na long ol arapela provins olsem Simbu tu.

"Narapela yia, narapela greduesen na narapela skul yia i kam gut na i go nau wantaim gutpela kala. Na mi amamas long lukim yupela ol sumatin husat bai pas aut wantaim atenmen setifiket long dispela namba tri gret 12 greduesen seremoni," Mista Allan i tok.

Em i tok em i luksave long planti samting skul ya i bin kamapim na planti senis tu i bin kamap long taim dispela skul i bin kamap long level bilong sekenderi skul long 2004.

Na Mista Allan i givim strongpela toktok long ol sumatin olsem ol i mas i stap na bihainim gutpela pasin na abrusim ol pasin-nogut long i noken kisim ol drak nogut, strongpela dring na HIV/AIDS.

"Yupela i abrusim dispela ol pasin na bai yupela i kamap gutpela manmeri long komyuniti," Mista Allan i tok.

em i tok tu olsem plen em i stap pinis long kirapim ol kopi neseri prosek na em i gat bikpela tingting long kisim dispela ol sumatin husat i no nap long surikim edukesen bilong ol long wok long dispela prosek na kisim skul na trening tu long kamap gutpela ol kopi fama na growa.

Olsem wanpela olupela tisa Mista Allan i tok edukesen em i bikpela samting olsem na long taim em i bin winim ileksen na kisim opis long 2002, em i bin halivim moa long 500 Unggai

Bena sumatin long ol haia edukesen skul na institusien long Isten Hailans na ol arapela provins tu.

em i tok nau yet i gat K1 milien alokesen long Nesenel Gavman we bai ol distrik i ken kisim long yusim long edukesen na ol arapela gavman sevis.

Na Unggai Bena em i wanpela long ol dispela distrik we bai kisim bikpela halivim i go long sait bilong edukesen long dispela K1 milien mak.

Mista Allan i tok em bai halivim olgeta sumatin long ilektoret bilong en stat long elementeri skul na i go antap long sekenderi skul na tu ol sumatin husat bai i go long ol haia edukesen institusien.

Em i mekim komitmen na promis long halivim olgeta sumatin long ilektoret bilong em wantaim dispela alokesen long fandim skul fi bilong ol.

Long wankain taim, tu Mista Allan na gavana Mal Smith Kela i bin opiseli opim wanpela nupela haus bilong ol tisa na tu nupela Saiens leb.

Dispela em i tupela nupela infrastraksa developmen em Mista Allan na Gavana Smith Kela i bin wok bung wantaim Isten Hailans provinsel gavman long fandim na kamapim.

Prinsipel Lucy Merenge i tok amamas na tenkim tupela lida ya long sapot em tupela i givim long halivim skul.

Na em i askim tupela long i go het yet long sapotim skul ya long ol infrastraksa developmen long nau na long bihain taim tu.

Bena Bena Sekenderi skul em i namba tri sekenderi skul long provins bihainim Goroka Sekenderi na Henganofi Sekenderi.

## Marin pak i kisim K15 milien

WOK long mekim Papua Niugini i kamap olsem tuna kapitol insait long wol i wok long go strong nau.

Minista bilong Komes na Tred (Commerce & Trade), Gabriel Kapris bin tokaut long dispela long wiken long Madang taim em wantaim Foren Afes Minista Sam Abal na sekreteri bilong em Gabriel Pepson wantaim gavana bilong Madang, Se Arnold Amet bin go raun long Vidar.

As bilong ol long raun i go long Vidar em long lukim dispela ples we gavman i tingting long sanapim dispela marin pak we bai mekim kamap dispela driman long mekim PNG i kamap olsem tuna kapitol i karim kaikai.

Mista Kapris i tok olsem, gavman i luksave olsem PNG i no wok long kisim gut moni maski em i gat planti pis insait long solwara bilong em na em bilip em taim bai dispela i mas senis.

Long dispela as Nesenel Eksekutiv Kaunsil i oraitim moni mak olsem K15 milien long wokim ol wok painim aut i go insait long dispela marin pak.

"Moni mak bilong wol tuna industri i stap olsem US\$6 bilien na insait long dispela PNG i kisim K150 milien olsem ekse fi we ol foren fisin bot i baim long huk long solwara bilong yumi," em i tok. - Mina Evara i raitim




PNG Radiocommunications & Telecommunications Technical Authority

## PABLIK NOTIS

### Moa namba i go antap long telepon namba bilong ol mobail telepon

PANGTEL i laik toksave long ol kastoma na ol manmeri bilong pablik olsem ol namba i save stap olsem telepon namba bilong ol mobail telepon i go antap moa long 7 i go inap 8. Dispela senis i bihainim nupela plen bilong gavman ol i kolim ICT Polisi 2007.



Olgeta mobail telepon namba nau bai gat 8-pela namba long en na bai stat wantaim wanpela lida namba olsem 7 - **Em olsem; 7XXXXXXX (8-pela dijito namba).**

Ringim mobail sevis provaida bilong yu long kisim moa toksave na tok klia.

Tok orait i kam long:  
**Charles S. Punaha**  
Ekting Dairekta Jeneral

# Lukluk long ron bilong ikonomi

...Konstraksen sekta kisim moa manmeri long wok

## Paul Zuvani i raitim

KONSTRAKESEN Industri i sekta we i kisim planti manmeri long wok.

Long dispela yia sekta i mekim 1.7 pesen bilong ikonomi na dispela em foa pesen moa long em i kisim long 2006.

Bihainim em em sekta we i wok long gro hariap na we gavman i lukluk long pamim moa mani- Agrikalsa, Forestri na fising industri we ol i mekim 1.4 pesen bilong ikonomi. Dispela sekta i mekim bikpela kalap we long 2006 em i mekim olsem .3 pesen.

Maining Sekta we i mekim planti mani bilong kantri i mekim bikpela kalap tu long 2007 we em i bin stap long jiro (0) peseh tasol i mekim .5 pesen bilong ikonomi long dispela yia.

Oil na ges i stap long .1 pesen we bipo long 2006 dispela sekta i nogat nem tru. Tasol i gat bilip olsem wankain long agrikalsa na maining sekta dispela sekta bai gro bikpela long 2008 na ol yia i kam bihain.

Gros Domestik Prodak (GDP) long 2007 i stap long 6.7 pesen na dispela i antap moa long 6.2 pesen em Gavman i bin tingting bai gro long em.

Bikos long gutpela gro bilong ikonomi Gavman i ting gro bilong

GDP nogut bai go antap moa long 7 pesen.

Gro bilong ikonomi i hariap moa long gro bilong populesen na dispela i gutpela. Gro bilong ikonomi i stap long 6.7 pesen na gro bilong populesen i stap yet long 2.7 pesen.

Long lukluk long infesen, gavman i ting em bai stap daunbilo long foa pesen bihain long em i stap long 14 pesen long 2003.

Tasol Tresari Dipatmen i tok dispela infesen i ken kamap sapos hangre bilong yusim na kaikaim ol samting i gro bikpela.

Sapos kain olsem prais bilong ol samting we ol manmeri i laikim long olgeta de olsem kaikai bai surik go antap.

Nau yet ol saveman i tok prais bilong rais, tin pis, tin mit na ol arapela kaikai samting bai stap wankain.

Tasol Tresari i givim tok lukaut olsem ikonomi i ken go bagarap sapos bagarap i kamap long ol bikpela maining kampani olsem Lihir, Porgera, Ramu Nikel na Sinivit, long gavman i no mekim ol rot bilong mekim mani na lukautim mani gut, long nogat ol rifom i kamap long ol hap we bai strongim ikonomi na sapos prais bilong ol komoditi olsem gol, kopa, oil na ges i kamdaun.



# Bung gat 20 lis divelop distrik - ORD i tok

**James Kila i raitim**

NESENEL Eksekutiv Kaunsil (NEC) insait long wanpela disisen bilong en long yia 2003 bihain long senis i kamap long lo bilong provinsel na lokel level gavman gren i makim olsem 20-pela distrik long Papua Niugini em list divelop.

List divelop i min olsem dispela ol distrik long kantri i nogat gutpela gavman sevis na wok bisnis na tu laip stail bilong ol pipol i daunbilo tru.

Wanpela kibung em Opis ov Rurel Dvelopmen (O.RD) i bin tokaut long dispela long Goroka, Isten Hailans provins i no long taim i go pinis.

Dispela kibung o woksop long Goroka we O.R.D i bin kamapim em long skulim ol distrik edministreta na distrik tresera long ol rot o gaid lain long yusim K4 milien em nesanel gavman i bin makim pinis long 2007 saplimentri bajet we bai i go long wan wan distrik insait long kantri.

Long presentesen o ripot i kam long O.R.D, NEC i bin tok orait long Nesanel Ikonmik na Fiskol Komisn (N.E.F.C) long wok klostu wantaim minista bilong

Nesanel Plening na Monitaring long painim aut wanem ol distrik i mas kisim moni helpim ol i kolim "Les Dvelop Distrik Grent."

Long 2005, gavman i bin putim K3 miline long bajet long helpim ol les divelop distrik aninit long L.D.D Grent.

Ol 20-pela list divelop distrik long kantri em N.E.F.C i bin makim long en em, Telefomin, Nuku, Vanimo Green, Aitape Lumi, ( Saundaun provins), Ambunti - Dreikikir, Angoram (Is Sepik Provins), Menyama, Bulolo, Kabwum (Morobe provins), Middle Ramu, Raikow, Usino Bundi, Bogia (Madang Provins), Obura Wonenara, Okapa, Lufa (Isten hailans provins), Karimui - Nomane (Simbu), Jimi, Tambul - Nebilyer (Westen Hailans) na Gailala long Sentrel P r o v i n s .

ORD i tokaut olsem bikpela as tingting bilong LLD Grent em long helpim ol dispela distrik we i gat sosel na ikonmik kondisen we em i daunbilo tru.

Na dispela gavman grent em bilong helpim ol. sampela ol eria em ol yusim i skelim na makim ol distrik olsem les

divelop em taim ol i glasim hamas kris-mas ol manmeri i save stap na dai (Life Expectancy), manmeri husat i save rit na rait (literacy) na hamas moni i save raun insait long distrik.

N.E.F.C i bin glasim olgeta 85-pela distrik insait long kantri dispela rot long skelim na makim ol dvelopmen indeks o mak em ol i bihainim wankain olsem Yunaited Nesen Dvelopmen Program (UNDP) i bin mekim long 100p-pela kantri insait long wol.

Dispela wok painim aut i glasim tu hamas moni ol wan wan manmeri i save mekim long ples, helt stendet na eduke-sen stendet.

ORD i tokim ol distrik edministreta, tresera na menesa olsem dispela LLD Grent em gavman i kamap wantaim long helpim olgeta pipol (Intenol Revenue) long sait bilong dvelopmen.

Bikpela toktok em ol lain opisa bilong ORD i bin givim em olsem olgeta dispela les divelop distrik i mas kamapim 5 yia dvelopmen plen bilong ol pastaim na ol i mas salim i go long ORD long skelim na ol bai kisim ol LLD Grent bilong ol.



## ADENANTHERA PAVONINA L.

**Nem bilong en:**

ADENANTHERA PAVONINA L.

**Wok bisnis nem:**

**Wanem kain diwai:** Wanpela liklik i go namel sais diwai i ken gro inap 20 mita longpela na 50 sentimita raunim namel bilong en. Het bilong en i gat planti han diwai.

**Skin diwai:** Skin diwai bilong en i 1.2 sentimita bikpela.

Ausait Skin Diwai - I lait braun, na i gat planti rop

Namel Skin Diwai - Em i grin.

Insait Skin Diwai - Grin i go klostu lait yelo taim diwai i klostu tanim i go braun.

**Diwai o timba:** Kala bilong em i lait yelo, na strongpela diwai bilong en i kopi braun, i strong na i hevi. Gutpela long mekim ol pos bilong haus long en.

**Ol lip:** Ol i no save sindaun poroman. Ol lip i raun. Bikpela bilong ol i namel long 2.5 na 1 sentimita. As bilong em i raunpela, i no bruk hap long namel stret.

**Ol plawa:** Ol wan wan plawa i liklik, i gat wanpela bilum i olsem belo, i gat 5-pela grinpela sepal, 5-pela grin na wait lip.


**Prut bilong em:** Wanpela flet pod, longpela bilong em i 10cm, skin bilong em i rap, i braun taim em i bikpela tru na i gat ol strongpela flet na braun sid.

**McCARTHY & ASSOCIATES**

National & International Forest Consultants

mmcaf@datec.com.pg

"LONG KISIM TOK STIA LONG OLGETA WOK DIWAI"



**Cloudy Bay**

SUSTAINABLE FORESTRY LTD

YOUR NATURAL CHOICE

(A Subsidiary of PNG Sustainable Development Program Ltd.)

**ACQ PRESSURE TREATED TIMBER FOR SALE**

Website: [www.cloudybaytimber.com.pg](http://www.cloudybaytimber.com.pg)

Email: [marketing@cloudybay.com.pg](mailto:marketing@cloudybay.com.pg)

P.O. Box 120, Port Moresby, NCD

Ph: 325 4865/ 328 1189/ 328 1193

Fax: 325 3489



**WIN:** SAPOS yu wanpela strongpela sapota bilong Telikom, yu inap gat sans long winim wanpela kar. Telikom i wokim pinis wanpela resis i stap nau long ol kastoma bilong em long amamas wantaim ol dispela krismas. Mani mak ol i tromoi long dispela resis em K100,000. Long namba wan prais em wanpela Nissan yut, Namba tu (2) prais em wanpela spit bot wantaim moto, na namba tri (3) em wanpela Phillips sterio set. Bai yu gat sans long winim ol dispela prais sapos yu baim K20 pre paid o rait pre paid, SIM card o E-pay bai yu kisim risit na raitim nem bilong yu na putim long bokis we long Februari bai ol i pulim nem bilong husat manmeri i win.

- STORI NA POTO: NICKY BERNARD

## 'E'-Series The Evolution Continues

The 422E benefits from increased hydraulic performance and operator comfort, whilst maintaining the high levels of visibility, durability and reliability that Caterpillar® Backhoe Loaders have long established in the industry.

- **Engine and Hydraulics** - The Caterpillar® 3054 turbocharged engine is designed for strength, performance and versatility. The load sensing, closed centre hydraulics system provides power where you need it and when you need it.
- **Operator Station** - Style, comfort, superb visibility and ease of operation maximise operator comfort and productivity.
- **Serviceability** - Excellent access and fewer maintenance requirements add up to unparalleled ease of service.

Cat® 422E Backhoe Loader



Hastings Deering



Product People Commitment.

We deliver.




PORT MORESBY  
Spring Garden Road, Hohola, PNG  
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144

More than a machine. A Partner. With more of everything that counts. Balance, hydraulic performance, ease of operation and maintenance and reduced operating costs. The evolution continues.





EM I GO.....

EM I RERE.....



EM I KALAP.....

EM I GO DAUN.....


NA WANEM? ....TRAI YA!

# Ragbi Yunien 7's eksen gem long wiken

OL POTO: NICKY BERNARD NA ANDREW MOLEN, LONG MOSBI









**PNG Gems ekson  
long Lae**

Bikpela Tok Hamamas igo long Madang  
Basketball Tim bilong ol Meri long winim  
Gol gen. Na tu lon winim olgeta gem  
bilong ol insait long PNG Games!

**Go Skipjacks!**

 RD Tuna Cannery Ltd  
P.O. Box 2113, Madang

**DIANA** 

**SUPERFISH!**

**DIANA** **DIANA** **DIANA**



# Lukluk bek long PNG Gems 2007

## Sape Metta i raitim

**NAMBA** tri PNG Gems i bin pinis las wik Sarere na i lukim ol as ples yet em Tim Morobe i winim pilai wantaim klostu 100 medol.

Tasol Tim Morobe i bin kisim bikpela salens tru i kam long Isten Hailans na Nesenel Kapitel Distrik long winim taitol bihain long dispela tupela strongpela provins long stat bilong ol pilai.

Long laspela de (Fraide) ol i bin kisim 36 gol medol we em i abrusim namba bilong ol gol medol bilong Isten Hailans i kisim 26 na NCD husat i kisim 23 gol.

Isten Hailans bai lukautim Namba 4 PNG Gems long 2009.

Bihain long de namba 4, ol tim bilong ol provins olsem Sentral, Madang, Manus, Is Sepik, Nu Ailan, Sandaun, Simbu, Sauten Hailans, Westen Hailans na Wes Nu Briten em ol i no bin kisim ol medol yet.

Bikpela namba bilong ol medol em Tim Isten Hailans i bin kisim long en i bin kam long weitlifting.

Ol lain husat i bin kisim ol gol medol na kisim tim Isten Hailans i go antap long sindaun long namba wan ples bihain long de 4 em long Wimens Divisen (weilifting) em Toksy Amepa, Lika Inase na Yaiyo Malaibe (gol medol) na Naomi Willie, Hega Anepa, na Sapola Malaibi (silva medol).

Long divisen bilong ol man - Taitus Nime, na Pater B Cofalik i kisim ol gol medol na Anderson Tindu, Warren Avihi, Pini Malaibi na Pangil Mark i winim ol silva medol.

Tom Eta, Stanis Taitus na Lasboi Konam i kisim ol silva medol.

Daniel Wafa na Peter Maimu i kisim tupela gol medol bilong tim NCD na Daren Poka na Ari Danny bilong Tim Morobe i kisim tu tupela gol medol long divisen bilong ol

man. Isten Hailans provinsel spots, yut na komyuniti Dvelopment Advaisa Vegu Javono i tokim Wantok Nius olsem em i amamas tru long luksave olsem ol etlits bilong Tim Isten Hailans i wok long kamap wantaim ol gutpela pilai we i lukim ol i apim Isten Hailans i go antap na sindaun long namba wan ples.

"Long winim ol medol na i go pas long dispela gems em i no nupela samting. Na lukluk long ol medol em tim Isten Hailans i kisim pinis, em i soim olsem em i stap long mak bilong winim bek dispela gems taitol," Javono i tok.

Tim Isten Hailans i bin winim dispela gems taitol long Goroka long 2003 na 2005.

Bipo long tupela de fainol em ol pilai we i bin ron yet em netbol, basketbol, volibol, ragbi lig, ragbi union, ragbi tats, osi ruls, sofbol, bodi bilding, hoki, boling, soka, etletiks, boksing na dats i bin go het yet long Se Ignatius Kilage stadium na Eriku na tu ol arapela ples pilai long Lae.

Luksave i bin stap long taim yet olsem Tim NCD na Tim Morobe bai givim strongpela resis long daunim Tim Isten Hailans.

Tim NCD i bin go pas long ol arapela pilai olsem netbol, volibol, tas ragbi, basketbol, hoki, ragbi lig na bodi bilding.

Long wankain luksave, Tim Morobe tu i bin kamapim ol strongpela pilai long soka, volibol, basketbol na netbol.

Em i bin stap tu long resis.

Boksing i bin strong long laspela tripela de bilong Gems na tru tumas, ol boksa long Bogenvil i bin mumutim gut tru ol medol.

Ol boksa bilong dispela ailan i bin winim olgeta pait long raun wan na tu na ol i bin redi na kam gut wantaim ol medol long fainols.



**TRAIM:** Ol meri i bin mekim save stret long netbal resis. Tupela tim ya i resis strong tru long lukim husat tru i win.



**MALOLO:** Tim Kiunga long long wimen's volibal i amamas long kisim liklik malolo long taim bilong 3rd PNG gems



**MIPELA TU:** NCD netbal tim bilong ol meri bin pilai strong na i amamas tasol long kisim poto.

## Spot i bringim yuniti

### Sape Metta i raitim

SPOT em i wanpela bikpela samting we ol yangpela manmeri long olgeta kona bilong PNG husat i tekpat long ol spot bai i ken kam bung na kamapim pasin amamas na yuniti.

"Long dispela as taim provins bilong mi i bin kamap olsem host bilong dispela PNG Gems, gavman bilong mi long provins i givim K150, 000 long lukautim dispela gems.

"Pasin amamas na yuniti em i no inap stap sapos spots em i no stap."

Dispela em i sampela toktok em Morobe Gavana Luther Wenge i bin mekim long taim

bilong opim bilong PNG Gems long Se Ignatius Kilage Stadium long Lae long Fraide wik i go pinis.

Dispela kalaful seremoni i bin bringim planti pasin amamas na aiwara tu we planti ol mama na sampela papa tu i bin kapsaitim aiwara long taim ol i kamap long lukim ol pikinini na ol yangpela i kamapim ol singsing tumbuna na danis long dispela seremoni.

Gavana Wenge i tok kain pasin yuniti em i mas i noken stop. long wanem dispela pasin em i mas i stap olsem long nau na long bihain taim tu.

Moa long 5,000 spots manmeri na ol gems opisels i bin kamap long tekpat long dispela

gems.

Ol i kam yet long olgeta provins long PNG.

Galp provins, Milen Be na Oro provins tasol i no bin kamap long pilai.

Gavana Wenge i go moa na i tok spots i save bringim pren pasin namel long ol yangpela na em i save pulim tu planti long ol i kam aut we ol i save lusim ol bikhet pasin na pilai spot.

em i tok amamas na tenkim Coca Cola Amatil kampani na SVS na tu ol arapela kopret bisnis lain na kampani long sponsaim dispela gems na wan wan ol tim husat i kamap long stap insait long dispela ol pilai.



wantaim sapat bilong



GO PAS LONG TOKTOK LONG AIDS

Ol Meri:

1. Yu save husat ol lain i save kisim HIV tude? Em ol yangpela meri na ol marit meri tu.
2. Jenda inikwaliti, poveti na valiens agensim ol meri i save strongim AIDS.
3. Paul tingting i ken kilim ol meri.
4. Rabisim arapela i ken bagarapim ol.
5. Taim meri i kisim dispela sik, sindaun bilong famili bai bagarap.
6. Taim famili i karim hevi, ol meri i save karim bikpela hevi moa.



# PNG trainim wol

... i kam long bek pes

Sampela ol kantri we ol paitman bilong ol bai kam em Australia, Nu Silan, Filipins, Thailand, Saipan (Japan), Turkey, Italy, Saut Afrika, Unaited Kingdom na Jemani.

Nandex i tok bikipela Televisen Stesin long Amerika Fox TV bai kam tu long soim dispela pait long wol.

Em i tok em i kamapim dispela tonamen bilong promotim ol paitman bilong kantri na long wankain taim promotim kantri wantaim long wol.

"Mi laik bai ol paitman bilong mipela i mas kism save long level bilong pait bilong ol paitman bilong kantri bai ol i ken redi taim ol

i go pait long narapela kantri," Nandex i tok.

"Na mi laik soim long ol narapela kantri olsem PNG tu inap long holim dispela kain ol pait.

"Sapos ol manmeri bilong narapela kantri i lukim TV ol bai save wanem PNG i stap bai ol i ken kam na lukim kantri bilong mipela.

Em i tok ol paitman bilong em i tren long Tabubil na redi tasol long kism ring.

Get fi em K25 long ol bikipela manmeri.

Long sindaun long tebol K75 long wanpela man na K3,000 long ol kampani.

Em i tok tenk yu long olgeta sponsa na Gavman wantaim long helpim bilong ol.



HEADHUNTER: Stanley Nandex long wanpela pait bilong em long bipo.

## SPOT RAUN wantaim



### SCOTT VAVINE, ML

#### NSL makim rot stret

BIHAIN long em i bin kamap las yia, Nesenel Soka Lig i wok strong long apim standat o mak bilong soka insait long kantri.

Olgeta bikipela luksave i mas go long maru i bin kamapim, em John Kapi Nato yet husat i bin givim planti samting na taim bilong em long lukim driman bilong em i karim kaikai.

Nau em i go insait long namba tu yia bilong em, na isi isi tasol ol tim i wok long autim laik bilong ol bihainim wokbung bilong ol wantaim Nesenel Soka Lig.

Dispela nau i klia olsem ol wan wan man i wok long tromoi planti mani tru long helpim ol pilaia bilong ol long bihainim driman bilong ol.

Taim mipela i lukluk long soka, em i namba wan bikipela gem long graun. Olgeta win bilong em i wok kamap long fil. Soka fil em i olsem fopela kona bilong developmen we i mas stap long karim dispela pilai.

Wantaim dispela fopela kona, wan wan kona i makim ol dispela eria bilong kosa, refri, administresen na spots marasin sait.

Taim olgeta dispela fopela sait i ron gut bai kaikai bilong em i moa moa yet.

Tasol taim wanpela long ol dispela kona i pundaun na i nogat inap developmen long en, bai win na gutpela taim bai nogat tru.

I no long taim i go pinis Nesenel Soka Lig i bihainim stretpela lekma long kamapim wanpela kosa klinik bilong ol kosa bilong em long apim savemak bilong ol long wok kosa. Dispela em wanpela eria mi wok long tok strongim long bipo yet i kam inap nau.

Long luksave long dispela gutpela wok kamap, ol tim yet i mas lukim strong bilong ol na level bilong ol pilaia bilong ol taim ol i pilai. Moa yet, ol tim bai save long savemak bilong ol taim ol i pilai agensim ol tim bilong ol arapela kantri.

Pastaim yumi mas lukluk long kwolati bilong ol as ples kosa na pilaia bilong yumi. Maski mi gat bikipela rispek na luksave long ol na wok ol i mekim, mi ting i gat moa wok yet long mekim. Dispela kosa klinik em wanpela rot.

Ol kosa bilong yumi i mas gat laik long winim level bilong ol intanesenel kosa. Em sapos yumi nogat inap mani long baim ol i kam long ol klab na tim bilong yumi hia long kantri.

Wantaim ol arapela kantri olsem Solomon Ailans, Vanuatu, Fiji, Tonga i soim tru gro long savemak na pilai bilong ol.

Nau NSL i go pas long dispela wok, PNG Futbol Asosiesen i mas tingim ol lokol kosa tu. Ating i mobeta yumi mas makim wan wan ol kosa husat i ken mekim nem long ovasis.

Soka PNG i mas gat wankain luksave long mekim samting ol arapela soka kantri i wok mekim long taim i go pinis.

# Madang Fox painim sponsa

SOKA klab bilong Madang insait long Nesenel Soka Lig resis, Madang Fox, nau i wok painim ol sponsa long strongim sanap bilong ol insait long dispela resis.

Dispela wik klab i tokaut olsem ol bai no inap yusim nemi bilong tupela sponsa bilong ol bipo em Madang provinsel gavman na RD Tuna grup ov kampanis.

Eksekutyutiv Opisa bilong Madang Fox,

Conrad Wadunah i bin tokaut long dispela na tok klia olsem tim menesmen yet i bin laik tok klia long ol pipel bilong Madang na ol sapota bilong ol olsem nem bilong ol nau bai Madang Fox tasol na bai nogat moa nem long fran bilong dispela nem bilong ol.

em i tokaut olsem paitim tok long sapot o helpim i kam long dispela tupela lain i no bin kamap gut na menesmen nau i wok strong

long painim ol arapela sponsa.

Madang Fox tim i go insait long NSL soka resis dispela yia em ol yangpela mangi tasol.

"Ol mangi bilong mipela em ol yangpela mangi tasol. Yanpela tru em wanpela mangi i gat 18' krismas-na i skul yet long Tusbab Sekonderi skul, na mipela i gat inap bilip long yusim dispela sem tim yet," Mista Wadunah i tok.

Long sait bilong NSL

resis, dispela wik bai lukim ol Fox i hangamap malolo bikos ol i bai long dispela wiken raun.

Em nau bai tim i lukluk bek long laspela gem bilong ol we ol i bin bungim Inspac Rapatona na Rapatona i bin daunim ol nogut tru.

Kosa bilong Fox, Bobby Morris na namba tu bilong em Amos Romo bai wok strong long redim ol mangi long bungim Madang

Besta long Madang long wiken bihain.

Mista Wadunah i tok amamas long olgeta sapota bilong ol long Madang taun husat i bin sapotim ol yet, maski ol i bin lus.

"Yupela ol Madang pipel i mekim mipela amamas tru. Maski mipela i lusim gem, pasin yupela i mekim long dispela de i bin gutpela tru long bel bilong mipela olgeta pilaia bilong tim," em i tok.

## PNG tim redi long brukim bun long Pasifik 7s

i kam long pes 40

PNG 7s tim i wok long tren strong tru bilong dispela tonamen bihain long ol i winim namba wan brons medal bilong ol long 2007 Saut Pasifik Gems long Apia na ol i redi long kism fil tasol.

Tim Menesa Simon Kepui i tok, "Dispela tim i strong tru na ol i wok pilai gut tru dispela sisen. Ol i wok bihainim wanpela strongpela trening program tru na ol i gat liklik taim tasol long kamapim tim long mak bai ol i ken winim ples long fainols. Ol i amamas olsem ol bai pilai long ai bilong hom kraud bilong ol na Digicel tu i wok long mekim gut tru olsem wanpela bikipela sponsa bilong PNG 7s na em i strongim moa sindaun na luksave long Ragbi insait long PNG. Mipela i stap long ples bilong yumi tru na mi yet mi bilip olsem mipela i ken mekim gut tru insait long dispela tonamen."

Bos bilong Maketing long Digicel, Anurag Borkar i tok dispela sans em i wanpela gutpela sans PNG i mas kism long kamapim gut tru dispela namba wan IRB salens.

Sapot Digicel i givim long PNG Ragbi em i karamapim tupela yia olgeta na i go long sapotim ol trening kem, ol trening program na dispela i lukim pinis gutpela kaikai ol i kism long Saut Pasifik Gems dispela yia.

### Lukluk go het long NRL 2008

## Cronulla Sharks laikim fainols futbol long 2008

CRONULLA Sharks i bin go insait long 2007 wantaim bikipela bilip tru taim ol i kism stia long Ricky Stuart bihain long Stuart Raper i bin kosa bilong ol long tripela sisen olgeta.

Bihain long namba tu hap bilong 2006 we ol i bin go daun olgeta, ol i bin gat olgeta tingting long pilai strong long 2007. Tasol dispela i no bin kamap bikos ol i no bin inap long skorim ol trai long ol tait gem.

Em nau ol Sharks i bin abrus long stap insait long top eit na ol i sanap long saittain tasol na lukluk. Ol i bin kism planti bagarap long ol pilaia bilong ol tasol ol i no bin gat inap man bilong karim bal i go antap.

Nau 2008 bai wanpela sisen we ol Sharks bai traun go bek insait long fainols futbol wantaim kam bek bilong Brett Kearney na ol nupela blut em Blake Green na Karl Filiga.

Kosa Stuart nau bai go insait long namba tu sisen bilong em long het bilong klab, na ol bai laik lukim planti moa strong long sait bilong ronim bal na ol set pilai.

Em bai lukluk long ol nupela pilaia i kam insait long klab long karim ol taim olgeta rot bilong pilai i sot.



wantaim sapot bilong




GO PAS LONG TOKTOK LONG AIDS


Ol Yangpela na ol Pikinini:

1. Ol yangpela i gat moa sans long kism HIV.
2. Ol yangpela i mas gat stretpela toktok na toksave i tru.
3. Toktok long kuap i no save pinis wantaim kuap.
4. Save long stap laip i ken sevim ol laip.
5. Ol sevis i mas bihainim.
6. Ol pikinini i save karim hevi em ol pikinini nogat man i laik toktok long ol.





# WANTOK SPOTS



Isu 1740

Wan wik: Fonde, Novemba 29 - Desemba 5, 2007




**TELIKOM PNG LIMITED**  
"your communication company"

**BILLER CODE 10000 BILL PEI**

**Lon haus bilong yu or opis, yu ken peim ol fon bills eni taim insait lon 24hrs na 7deis insait lon wik. Nogat moa wari lon sanap lon lain! Usim Bill pei. Ringim Telikom hotlaine 180 3999 or benk lon kisim moa toksave.**

Email: hotlaine@telikompng.com.pg • KISIM MOA TOKSAVE LON OL TELIKOM BISNIS OPIS STAP KLOSTU LON YU.



## INSAIT

**Lukim ol pote long 3rd PNG Gems insait.**

**PES 37**



**Lukim moa Ragbi Yunien 7s pote.**

**PES 36**

## PNG redi long brukim bun long Pasifik 7s

OL MANGI bilong yumi long PNG 7s sait i wok taitim bun long trening dispela wik long redi long brukim bun wantaim Nu Kaledonia long opim namba wan Intanesenel Ragbi Bod Pasifik 7s salens long kamap long Papua Niugini dispela wik Fraide.

Kantri i winim dispela pilai dispela wiken bai kwolifai long pilai insait long tupela IRB 7s seket tonamen we bai kamap long Hong Kong na Adelaide.

Tonamen bai lukim tenpela tim bilong ol man na faivpela tim bilong ol meri.

Oi Pasifik kantri i stap insait long pilai bilong ol man em Samoa, Tonga, Kuk Ailans (Cook Islands), Niue, Nu Kaledonia (New Caledonia),

Solomon Ailans, Vanuatu na wanpela Australia Aborjini sait.

PNG bai gat Pukpuks tim bilong em na PNG Barbarians em wanpela developmen sait.

Oi pilai bilong ol meri bai lukim Samoa, Fiji na Niue na long namba wan taim PNG tu bai gat tim i pilai.

Bihain long PNG i taitim wantaim Nu Kaledonia long Pul B mets bilong ol long Fraide, ol bai traim strong wantaim Niue, Australia Aborjini sait na bikpela pilai tru bai kamap taim ol i bungim Kuk Ailans.

PNG i mas pinis namba wan long pul bilong em long go insait long ol fainols long Sarere, Disemba 1.

*Moa stori long pes 39*



## Nandex redim ol paitman

**Paul Zuvani i raitim**


BIKNEM PNG kikkoksa Stanley "Head Hunter" Nandex i mekim woa long apim nem bilong Papua Niugini.

Dispela em bai mekim taim em i holim Intanesenel Kikkoksing tonamen we ol PNG paitman bai pait egens long ol paitman bilong narapela kantri.


Dispela pait bai kamap long Sir John Guise Indo Kompleks Pot Mosbi long dispela Sande.

Inap olsem 27 paitman long 13-pela kantri we dispela i kisim tu PNG bai kamap long pait long winim Promosinel Wol Kikkoksing Taitol.

*- Lukim moa stori insait long PES 39*



## FOOTI FIVA LONG BOROKO MOTORS



**Bilasim insait long kar bilong yu wantaim FEIVARET TIM**

From **K240.00** including GST

- Front Seat Covers
- Steering Wheel Cover
- Seat Belt Comforts
- Floor Mats

**WHO DO YOU CALL?**



*Tasol*

**PORT MORESBY, LAE & Mt HAGEN**  
PORT MORESBY Ph: 325 5255 LAE Ph: 472 1144 Mt Hagen Ph: 542 1933  
Email: info@borokomotors.com.pg Website: www.borokomotors.com.pg



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.